

МИНИСТЕРСТВО ОБРАЗОВАНИЯ И НАУКИ РФ

Дагестанский государственный педагогический университет

Ильясов М.В.

дарган мезла практический курс
(студентунас хасбарибси пособие)

II - часть

Мях1ячкъала 2009

УДК 81.603 (=Дар)

ББК 881.351. 22

И 49

Дагъиста пачалихъла педуниверситетла редакционно-издательский советла х1укму х1ясибли дурайуси саби.

Ильясов М.В. Дарган мезла практический курс – Мях1ячкъала, 2009

Ильясов М.В. Практический курс даргинского языка – Махачкала, 2009

Рецезентуни: филологияла г1илмуртала кандидат,
ДГПУ-ла профессор Г1.Г1.Сулейманов
филологияла г1илмуртала кандидат...

Пособие хасбарибси саби дарган мезла учительтас, педколежунала ва университетунала студентунастра преподавательтасра

Мях1ячкъала 2009

Синтаксис.

Мяг1на х1ясибли ва хаста грамматический кьяйдурти х1ясибли дугъби цаличил ца дархдикили, дугъбала цалабикуни ва предложениеби алк1ахъу.

Дугъбала цалабикуни ва предложениеби руркъуси мезла г1илмула разделлис синтаксис бик1ар.

§ 1 Дугъбала цалабикличила баянти.

Мяг1наласал ва грамматикаласал сари-ургар дархдасунти к1ел яра имц1ати дугъбас дугъбала цалабик бик1ар.

Мезлизир дугъби дархдиркур цалабяхънила яра чебеднила гъуйчил. Цалабяхънила гъуйчил дархдасунти дугъби цаличи ца хъарх1ехъибти ва ихтиярлизир цугти дирар. Илдала цаличибад итилличи суал кабатес х1ейрар. Масала: бец1ра гурдара, далайик1и ва улхъи; жагаси амма бишт1аси ва ц.

Чебеднила гъуйчил бетаурси дугъбала цалабиклизир дек1ардулхъан бек1 дев ва чебедиб дев.

Масала: бишт1аси анхъ, хъярхъли дуц1ухъес.

Чебедиб дев бек1 девличил мяг1на х1ясибли бархбиркур. Чебедиб дев бек1 девличил мяг1на х1ясибли бархбикили биъни балуси саби бек1 девличибад чебедиб девличи суал кабатес вирниличибли. Масала: анхъ (сегъуна?) бишт1аси, дуц1ухъес (секъяйда?) хъярхъли.

Чебедиб дев бек1 девличил бархбиркур грамматикаласалра к1елра дев жинслизир ва къадарлизир сари-ургар далдикниличирлира.

Масала: буц1арси барх1и, дуц1арти бурх1ни.

Х1янчи 1. Текстлизирад дугъбала цалабикуни черделк1еная.

Шел дус виубси дурх1я. Лебилра хъалибарглизивад ил сай х1евусуси. Ил печъличив кайили лех1ли паргъатли сай. Лебилра-халатира бишт1атира жявлил бусули саби, зибкънази бергурли.... Дурх1я усули ах1ен, сенк1ун чучи заманалис хъурабарибти х1унт1ена г1ярмицуна къац1 хили саби.

Нуни илис чакарли писбарили кьац1ла бут1а бедлугулра. Разииубдешли дурх1я висивииб. (Бек1 г1яшбуцили, кьац1 гъяжбарибти хунк1и х1улбачи чедуциб). К1инайс ну диг1янали х1ерик1улра, сен-сен вишт1аси, дурх1яли, бусути узи-рузила урга кайили, диг1янали лезмила чакар лимбирулил Ва дила аллагъ, х1ябилра талих1чевли леври ил! (Э.Къапиев).

Х1янчи 2. Бек1 дев чиди гъайла бут1али аргъахъилил, бурая.

Ч1умати гьалмагъдеш, баркъудила асар, узиси пачалихъ, ах1ерси Ват1ан, кьадалабси г1иниз, дуц1ик1ули вак1ес, дебали жагаси, убла замана, халаси пикри, хапли вагъариэс.

Х1янчи 3. Схемаби х1ясибли, дугъбала цалабикуни пикридарая.

1. прилагательное + существительное;
2. существительное хас п. + существительное уйхъу п.;
3. существительное дек1. п. + глагол;
4. существительное лугу п. + глагол;
5. существительное гъалабик п. + глагол;
6. наречие + глагол.

Х1янчи 4. Дугъбала ургабси бархбасни белгибарая.

Дудешра уршира, хъали барес, шантазивад ца, дубурла бек1, к1елра дев, авлахъличив узес, гъузгъалдила мер, гъарахъла хабар, царх1ил пикрили, г1ях1ти адапти, ахъли дак1иб.

Х1янчи 5. Ишди дугъбала цалабикунала каргъни сегъуна сабил белгибарая, бек1 дев ва чебедиб дек1ардарая, чиди дев чиди гъайла бут1али аргъахъилил чебаахъая.

Г1ибрат: Диркъси авлахъ – диркъси (чебедиб дев, прилагательное) + авлахъ (существительное, бек1 дев).

Сунела хъулри, х1екъдеш багъес, пяхъли дураикес, х1еруди бузахъес, шагъарлизибад гъарахъли, юлдашази багъахъес, нушачи гъамси, къалабали вашес, ахъси галга, дила дигуси улка.

Х1янчи 6. Ишди дугъбазирад дугъбала цалабикуни дарес.

Собрание, бак1ес; бержес, дармунти; айзес, ута; узули, авлахъ; жагаси, шими; зайбухъес, далуйти; сагати, хабар; урк1и, къабулси; т1ут1и, анхълизи; базар, бухес; умуси, лук1ес.

Х1янчи 7. Ишди дугъби дугъбала цалабикуни детаахъирая. Масала: дях1и – ц1уба дях1и.

Малх1ямли, вававан, шанданван, балгунси, зяг1ипси, сак1убли, ферма, унци, игитличил, пахрубирес.

Х1янчи 8. Чула мяг1на х1ясибли, ишдигъунти дугъбала цалабикуни пикридарая, гъарилра журалис чумал мисал пикридарая. Масала:

1. сек1ал ва илала лишан: муриси хъяр....
2. баркъуди ва илала лишан: умули лук1ес....
3. баркъуди ва баркъуди сунечи бях1чиаибси сек1ал: бях1лизи агес, кагъар белк1ес....

Х1янчи 9. Скобкабазибад балбикиси дев кайсули, дугъбала цалабикуни пикридарес ва делк1ес. Масала: х1урматла (барх1и, къалам, адам, уркъули)-х1урматла адам, х1урматла барх1и.

Пикри (жагаси, балк1а, шиниша, гъарахъси, гъамси, мурхъси, духуси, мех1урси, абдалси, г1ях1си, т1яг1ямла, бярг1ибси, ванаси);

Халаси (г1ямру, пикри. юрт, ц1убдеш, сак1убдеш, гъими, душман, урк1и);

Буц1арли (дигарцад, бара-бара, цаг1ях1ил, лебг1еб, к1инайс, г1урра, даг, дебали, шинишли, ахъли, ургаб, дуц1рум, г1ебшни);

Х1янчи 10. Янила заманаличи далдикести дугъбала цалабикуни пикридарая ва делк1еная.

§ 2. Дугъбала ургабси бархбасла жураби.

Дугъбала цалабиклизирти дугъби сари-ургар дархдаси дирар х1ябал тях1ярли: балбикниличибли, бузахъниличибли, бархбикниличибли.

Балбикни или бик1ар бек1 девличил чебедиб дев жинслизиб, къадарлизиб яра идала цализиб балбикили бак1ибси дугъбала бархбаслис. Масала, бишт1аси анхъ ибси цалабиклизиб бишт1аси ибси чебедиб дев анхъ ибси бек1 девличил жинслизибра (урга жинслизиб) къадарлизибра (цалихълизиб) балбикили саби. Илгъуна дугъбала цалабиклизиб бек1 дев барсбиалли, иличил барх чебедиб девра барсбирар. Масала: дишт1ати унхъри.

Бузахъни или бик1ар бек1 девли чебедиб дев чиди-биалра ца белгиси падежлизиб т1алаббарили бетаруси дугъбала бархбаслис. Масала, дудешлизи тиладибарес. Ишаб тиладибарес ибси бек1 девли дудешлизи ибси чебедиб дев гъам падежлизиб т1алаббарили саби. Бузахънилизиб бек1 девла форма барсбарили хъалли, чебедиб девла падежла форма барсх1ебирар. Масала: дудешлизи тиладибарни, дудешлизи тиладибарибти ва ц.

Бархбикни или бик1ар чебедиб дев бек1 девличил мяг1наласалщун бархбаси бетаруси дугъбала бархбаслис. Масала, жявли вак1ес, дебали жагаси, дях1иван ц1уба, къанни арукъес.

Х1янчи 1. Дугъбала ургабси бархбасла жура белгибарес.

Хъулибси жуз, дугели чарухъес, арх1яли укъес, г1яшли гъайик1ес, хъурали вак1ни, дубурличи ац1ес, ц1уба къап1а, х1ябдех1 унци, клибех1 рурсби.

Х1янчи 2. Текст саркъахъили белчленая. Предложениеби дугъбала цалабикуначи дехъирая. Илди делчленая, дугъбала ургабси бархбасла жура кабизахъирая. Бек1 дев ва чебедиб дев чиди гъайла бутлали иргъахъулил бурая.

Миъ г1иниз.

Халаси мерра къяйц1барили, Къади сунела юртличибад г1ях1цадла гъарахъси. Миъ г1инизла мякълав тлашизур. Тамашала саби ил г1иниз. Вац1урбани к1ап1дарибти к1ел дубурла ургабси бишт1ал шух1ярилизибад дурабикибси ил янилизибра х1еблизибра берх1ила нураназибад зурба галгубани мях1камбарили саби. Къади урчиличивад чевухъун, вихла тламаличивли г1инизла шин дашахъес хурла г1янк1ализибад барибси шиндирличи гъамиуб, къап1а чебасиб ва някъбира вях1ра ванати шинни дирциб. Гъанна Миъ г1инизла шин ванали сари, янилизир биалли илди дуц1арли дирар, х1ятта х1ябц1али-авц1али метрла алавчарли дях1и ух1ебирхъур ванзаличи кабаибси манзиллизибал бац1или бетихъур. Амма дуц1румлизир ил г1инизла шин держес х1ейрар, чула дуг1ярдешли ца минутла заманалисалра илди шиннизиб някъ бих1ес х1ейрар. Дуц1рум Миъ г1иниз-алав миъла бук1ул кам бирар, алавчарли диркъа шах кабатурси мерван шала-хъанц1ли лямц1бик1ар. (Х1.Г1ялиев)

Х1янчи 3. Гъала-гъала глагол бек1 девли диубти, к1инайс существительное бек1 девли диубти дугъбала цалабикуни делчленая.

Ват1айчи диги, узизибад сасес, къаламли белк1ес, маза чардарес, жузачи укъес, учительла хъарбаркъ, рузизи бедес, х1ечил вак1ес, далуйтачи лех1ахъес, дурсри х1ядурдирес, гъуйчивад вашес, уталичи кайэс.

Х1янчи 4. Скобкаби урасили, дугъбала цалабикуни дарая. Масала: (сагаси) тях1урти – сагати тях1урти.

(Илди) кумекбарес, (баз) бух1наб, (нуша) багъахъес, (нуша) къаршиси, (г1ямру) шурт1ри, (рузи) бурес, (дудеш) вявэс, (ват1ан) пахрубарес,

(х1янчизарти) устадеш, (къимат) лайикъси, (узи) кагъар, (абз) гъалабикес, (анхъ) ац1ес.

Х1янчи 5. Предложениебазир бузахънила бархбасличил делшунти дугъбала цалабикуни даргая ва баяндарая. Чедедиб дугъби чиди падежлизир гилил, бек1 дев сели аргъахъилил бурая.

1. Уршиличи нешла урк1ец1идухъун, илини ил сайцун ватес х1ериуб.
Неш азгъин уршилис г1ергъи аррякъун. (Х1.Къ)
2. Шиличибад берх1ила шала беткахъиб, алавчарти дубуртала бургачибад шиличибях1 шят1бик1уси дяг1 чебухъун. (А.Б.)
3. Г1усман нушаб гъалав вашули сай. Чакар- илис г1еларад. (А.Б.)
4. Адамла урк1и наб хут1ла мекелли халаси станцияличи мешубилзан.
5. Шурлизи бирхъули илини мукукури дугадирули дуили сари. (Х1.Къ)
6. Барткелли сунес сунени янилис яшав кабихъиб. (Х1.Къ)

Х1янчи 6. Жутли гибти дугъбазибадра скобказазир гибти дугъбазирадра мяг1наласал далдикибти дугъбала цалабикуни дарая. Масала: бергес – беркес (къар-къац1)- мукъарли къар бергес, дурх1яли къац1 беркес.

Буркъа-бухъна (х1ева, галга, унц, юрт, къял, къап1а);

Бек1ес-алхес (унц, адапти, унци, къял, солдатуни);

Саbukес-сабухес (урчи, жуз, х1ева, мукъара, машина, уркура, хабар);

Кабихъес-кабатес (гавлаг, мукъара, жита, сумка).

Х1янчи 7. Прилагательноела чехибси мяг1на баянбарая.

1. Халаси авлахъ, халаси багъуди.
2. Дярг1ибти шин, дярг1ибти дях1.
3. Дурхъаси ч1янк1и, дурхъаси г1ях1ял.
4. Къуткъуси бурала, къуткъуси къар.
5. Мурхъси пикри, мурхъси урхъу.
6. Мургъила т1улека, мургъила някъби.
7. Бизиси чуду, бизиси гъанк1.

Царка предложение.

§ 3. Предложениечила баянти.

Глядатли биубли, сунени таманбиубси пикри иргъахъуси чумал девла цалабиклис яра илгъуна декларси ца девлис **предложение** или биклар. Масала: *Аргъ ванабиуб. Шаладикиб.*

Дугъбала цалабик яра декларси ца дев гъарра саби лебси х1яйчиб, таманси пикри аргъахъили, предложениели диэс дирути ах1ен. Таманси пикри аргъахъес ва предложение диэс багъандан, илдас грамматикала ва интонациялашал хасси тях1ярли дег1диэс г1яг1нили саби. Ил сек1ал нушани чебаэс дирех1е, масала: *Берх1и гъаббак1ни* – ибси дугъбала цалабикра. *Берх1и гъаббак1иб* – ибси предложениера цугдуцах1елли. Предложениелизиб *гъаббак1иб* ибси глагол хабар наклонениела убла заманала х1ябъибил бях1лизиб бак1или саби, дугъбала цалабиклизибси *гъаббак1ни* ибси глагол – существительноела биалли илдигъунти грамматический формаби агара. Х1ебиалли, предложениелизибси глагол чиди-биалра заманала, наклонениела ва цацах1ели бях1ла формализиб бак1или биэс г1яг1нили саби, дугъбала цалабиклизиси - ах1ен.

Сунезибад иргъуси мяг1на ва интонация х1ясибли дарган мезла царка предложение шел журала саби: **хабарла, суалла, амру, дигнила, вявла.**

Селичила-биалра хабар буруси, балахъуси предложениелис **хабар** предложение или биклар.

Масала: Вац1а клали бяхъилри.

Хабар предложениела сказуемое имц1аливан хабар наклонениела формали аргъахъили бирар.

Сунени суал бух1набуцибси предложениелис **суал** предложение или биклар.

Масала: Дудеш хъулив леву? Суал предложениелизиб суал бух1набуцибси дев имц1аливан ахъли иру. Белк1лизиб суал предложениела ахирлизи суалла ишара кабалта.

Сунени хъарбаркъ, тилади, т1алаб яра къадагъабарни бух1набуцибси предложениелис **амру** предложение или бик1ар.

Масала: Укъен. Нуни х1ези бурибси бура Салиматлизи.

Амру предложениела сказуемое дарган мезлизиб, г1ядатли биубли, глаголла амру наклонениели иргъахъу.

Дигнила предложениели се-биалра биубли дигни иргъахъу. Илала сказуемое, глаголла дигнила наклонениела формали иргъахъу.

Масала: Х1у арали чарухъ!

Ахъси т1амаличил ируси ва сунени урк1ила х1ял (разидеш, тамашаиъни, вачавархни) иргъахъуси предложениелис **вявля** предложение или бик1ар.

Масала: Х1ера, маза аркъули!

Х1янчи 1. Белч1еная. Дугъбала цалабикунира предложениебира дек1ардарая.

1. Адамлизи халварни.
2. Дубуртачи гъамих1иб.
3. Дигути юлдашуназивад дек1арли.
4. Гъар даршал метрличичи къараултала вышкаби т1ашлири.
5. Ват1айзивад ва халкълизивад къябудниела дец1.
6. Сунела мерличичи кабатес.
7. Г1ярасайла авлахъличичибад аркъуси замана.
8. Шиниша вац1а.
9. Дурхъати дармунти.
10. Ишад чебиуси дубурла г1елаб.

Х1янчи 2. Дугъбала цалабикуни предложениебачи шурдулхъахъули, чеббелк1еная.

Г1ибрат: *Г1иниз миъли буцибх1ели. – Г1иниз миъли буциб.*

1. Цугбикибтази гъайик1ули.
2. Салимат гъарахърикни.
3. Буг1ярси яни.
4. Духъяндит1унти масхурти.
5. Школализи арбукни.
6. Газета буч1ули.
7. Ц1яббийни.

Х1янчи 3. Дугъбазирад ва дугъбала цалабикуназирад предложениеби дарая. Г1ибрат: гъарахъси дубура, мазала х1ункъри, чедаэс. Гъарахъли дубурличир мазала х1ункъри чедиулри.

1. Ил, х1урматла адапти, урга, кайэс;
2. Нушала ши, жура-журала хабурти, т1инт1диэс;
3. Замана арбукъес;
4. Ила, адапти, дебали камли башес;
5. Халаси хъул, пикри заях1ебарес;
6. Унра хъунул, илизи рикес.

Х1янчи 4. Гъала-гъала дек1арти дугъби, к1инайс дугъбала цалабикуни, х1яйнайс предложениеби лук1ули чеббелк1еная.

Шиниша авлахъ, ахъти лусенти, савлила, берх1или дубурти шаладарилри, рях1ятдеш, ургубализи гъаввак1ес, чедибдеш, мазала дурзам, далайик1ес, азбарлизи ац1ес, Х1ялимадлизи бедес, ургубалар х1янчи демжурли сари, паргъатли кайэс, шила чедирти шурмира мекъла т1ама-гъамаличи лех1ахъибтигъунти сари, дуги-х1ери, сахъдеш.

Х1янчи 5. Белч1еная. Буриси мурад ва интонация х1ясибли предложениебала жураби дурая.

Ражабла Г1яли сунела г1ярус хъунуйчил ва вишт1аси уршиличил махъилизи чарухънила хабар К1андаша шила чедибад къукъуван гурбухъун. Ил хабар Сакинатла дудеш Г1ябдулх1ямидличи бег1лара г1ергъири баибси.

Барх1иихъуси замана, дях1ла ранг дарсдиубси рузикъар Умукусум
Г1ябдулх1ямидхъала гъаргала сунес сари рирхъули рух1нарухъун.

- Гъуя, дила узикъар, иш се хабару? Дунъяла халкъ абдалбиубли бургар!
Г1ярус хъунуйчил чарухъи сай бик1аргу ит хъунча! Итдас рурси редири
къалли! Дуравси сай, уч1ули сай дик1ули.

- Умукусумли гъай т1ашаэс рирули ах1енри.

- Се бетаурли, рузикъар? Дебали рачарархилригу, - пишяхъиб гъанналис
селра х1ебалуси Г1ябдулх1ямид.

- Се бетаэса, нушала Сакинатла мурул г1ярус хъунула сайра вак1или
сай бик1ули саби шанти. Нушани биалли селра балули ах1енра.

- Х1у се рик1уда? – урк1ухъун Г1ябдулх1ямид.

- Се рик1иша, дила узикъар, набзира унра Жариятли ца байхъала сяг1ят
гъалаб сабри бурибси, г1ярус хъунула уршира сайра чарухъи сай или.

Г1ясили цулбира къярждирули, се бирусил х1ебалули Г1ябдулх1ямид
лех1кахъиб. Умукусум Г1ябидат паргес г1яйни урях1рухъун. (М.Хаттаева)

Х1янчи 6. Гъарил предложениела ахирлизи кабатурси ишара, сен
кабатурсилил, баянбарая.

1. Г1яшикъиэси сабри унхърала къярдла т1абиг1ят! (А.-Б.)
2. Музурбачибад лямц1бик1уси шахли яни гъамбик1ниличила бурулри!
(М.Къ.)
3. Юх, юх, или биэс асух1ебирар! (А.-Б.)
4. Ваши, Лусен, ишарад аркъех1е. (С.Р.)
5. Гъалмагъ капитан, къарауйчибси гамилис чегахъира.
6. Халаваибх1ели, набра илгъуна жаваб лугав? (М.-Р.)
7. Алх1ят барх1и Мурадхъаличи дудешла юлдаш г1ях1ладли вак1иб.
(М.-Р.)
8. Адавзи, иш зубари мургъила сабив?! (М.-Р.)
9. Х1у чис сайри или вик1уси?! (А.-Б.)
10. Велх1ен, айзи, х1еризи бакъибси балагъличи. (Р.Р.)

Х1янчи 7. Хабар ва суал предложениеби пайдаладарили, х1ушала классла г1ямрулизибад клел-х1ябал адам гъайбик1ахъули, ца хабар белк1еная.

Х1янчи 8. Амру предложениеби цаладяхъя ва делк1еная, ишди г1ергъити дугъби, дугъбала цалабикуни пайдаладарили. Предложениебазиб сказуемое глаголла чиди наклонениели аргъахъилилра бурая.

Глибрат: Х1ядурбиэс, белк1ла х1янчи. – Белк1ла х1янчиличи х1ядурдиирая. (дигнила наклонение).

1. Х1ядурдиэс, классла собрание.
2. Тянишиэс, конкурсла шурт1ри.
3. Сархес, цаибил мер.
4. Укъес, почта.
5. Асес, сагаси газета.
6. Ват, х1у арали.
7. Хъумх1ертес, билетлис арц.

Х1янчи 9. Белк1еная ва бурая, предложениеби чиди журала сарил. Г1яг1нити ишараби кадалтули чеббелк1еная.

1. Ик1ди дубуртачир ухути се зубарти сари....(М.А.)
2. Илини сунечи хъарти х1янчи мурталра заманаличир тамандири....
3. Илк1ун х1уша хъяшнала байрам саби.... (М.А.)
4. Берх1и диъна вааби, заб кадилзна кайзаби...(Х.д.)
5. Тамашала гъайк1арличи арцанти булан тамашадиуб.... (Х1.Къ.)
6. Илх1ели пурс къяцали илдачидях1 чумал ганз кац1иб.... (Х1.Къ.)
7. Гъунби г1ях1диаб, Дагъа (Х.х.)
8. Лебилра ургубала жагадеш нушазиб ах1ену, гъат1и...
9. Нушани ах1ену буц1арх1ели, адам хъураирахъес дях1ц1и лугуси.

Х1янчи 10. Шушел вявла ва суалла предложениеби пикридарая.

Предложениела бек1 членти.

Предложениелизи кадурхути дугъби, предложениела члентачи ва предложениела члентили ах1енти дугъбачи дурт1ути сари. Предложениела члентира чула даража х1ясибли сари-ургар цагъунти ах1ен, ва илди к1ел кьукъяличи дурт1ули сари: бек1 члентачи ва к1иибил даражала члентачи.

Дарган мезла предложениелизир бек1 членти диубли дашар подлежащее, сказуемое ва объект.

§ 4. Подлежащее.

Предложениелизиб бируси баркъуди, анц1букъ, х1ял сунезиб биубси, бируси сек1ал иргъахъуси девлис подлежащее бик1ар. Подлежащеели жаваб луга **чи? се? чили? сели?** ибти суалтала цалис. Масала: Неш (чи?) хъули арац1иб. Шагъар (се?) лебг1еб умуси саби. (А.-Б.) Дудешли (чили?) столличибси газета касиб. Къакъбали (сели?) сунела дурх1ни далхулри.

Подлежащеели биубси дев имц1аливан уйхъу яра актив падежлизиб башар. Сунела подлежащее уйхъу падежлизиб бак1ибси предложениелизибси сказуемое чебх1ебурхуси глаголли аргъахъили бирар.

Масала: Гулжанат Амирхайчи гъамриуб. (М.-Р.)

Уйхъу падежла каргъниличилси предложениелизиб сек1а х1ял яра лишан иргъахъулира бирар. Масала: Хъали ванали саби.

Сунела подлежащее актив падежлизиб бак1ибси предложениелис актив падежла каргъниличилси предложение бик1ар. Илгъуна предложениела сказуемое мурталра чеббурхуси глаголли аргъахъили бирар ва илизиб объект бирар, масала: Загъирли иличирад х1улби черисули ах1енри. (Х1.Г1.)

Дарган мезлизиб, дебали камли биалра, сунела подлежащее лугу падежлизиб бак1ибси предложениера къаршибиркур. Масала: **Наб**

Батирайла далуйти дигахъес. Илгъуна предложениелис лугу падежла каргъниличилси предложение или бик1ар.

Подлежащее иргъахъу жура-журала гъайла бут1нани:

1) существительноели. Салих1ят къалабали къям-к1уц1уйзи ахъиб.
(Х1.Г1.)

местоимениели. Ид нушачи вак1ибси сай.

прилагательноели. Бухънаби кабиилри, жагъти т1ашлири.

числительноели. Х1ябал бак1иб ца арякъун.

глаголла формабани. Бак1ибти гъаннара лебал. Шаладикни нушаб пайдализиб арбякъун. Ишаб уч1ес къиянни ах1ен.

Подлежащее ца девлицун ах1енну, чумал девлира аргъахъили бирар, масала: 1. Илизи чумал адам гъайбухъун.

2. Вец1ну шура ученикли шулаби касиб.

Х1янчи 1. Ишди чузир подлежащеели диэсли, предложениеби делк1еная.

Чум метр, бурибси, шиндалан, х1у, балуси, гъарил, гъункъя, верх1лихъ, чилра, вишт1ал, к1ел, чарма, чумал дурх1я, буч1ес, ну, ши.

Х1янчи 2. Точкабала мерла подлежащееби имц1адирули, чеббелк1еная.

1. Нушачи бак1иб.
2. Илгъуна сек1ал х1ейгахъид.
3. Халабиур бухънабиур.
4. тамашариуб.
5. таманбиахъуб.
6. хъули чардухъун.
7. Нушачиб бузули саби ва буч1ули саби.
8. нерхла камси ах1ен.
9. Шила дублаб т1ашлири.
10. лаг-катх1елбухъун.

Х1янчи 3. Художественный текстлизир существительноела уйхъу ва актив падежли аргъахъибти подлежащеееличил шушел мисал даргая ва делк1еная.

Х1янчи 4. Предложениеби пикридарая ва делк1еная. Чузир ишдигъунти подлежащееби дизэли: 1) лугу падежлизиб существительное;

2) актив падежлизиб бях1ла местоимение;

3) чумал девла цалабик.

Х1янчи 5. Белч1еная. Подлежащее сен-сен аргъахъилил, бурая (чум девличил, чум гъайла бут1али, чиди падежлизиб).

1. К1елра узира ца уршира леб дила.
2. Таркаман Атайлис ну чезс дигули сай.
3. Чумра дуги сях1батуназир ардякъун.
4. Далайчила хъали бярг1илри.
5. Батирайли улибхъаличибад ургъур чебахъиб.
6. К1ина-х1яйнацун ах1енри илини ил г1иниз чебаибси.
7. Гъану верх1ра дус ардякъи сари ит барх1иличирад.
8. Чунира иличила аргъиб. (Х1. Г1ялиевлайзирад)

Х1янчи 6. Ц1ударли чедаахъибти дугъбазир подлежащееби даргая, сен подлежащееби диубтил баяндирули, текст чеббелк1еная.

1. Халаси **гъуни** ахъили ляркъулра **ну** иша, чаррулхъулра, **дила** шилизи...
2. Дила **дудешра** вебк1иб. Нушачи **дудешла** **г1ях1ял** вак1иб. **Илини** ну сунечил рарх унра шилизи аррукира.
3. **Загъирли** гъаладых1 чумал **ганз** кац1иб. **Загъидат** илис **г1ергъи** багълали ратрихъиб.
4. **Дила** такъсирличи мешуси, гъат1ира халаси **танбих1** чебаилра **нуни**, вец1нали ц1акъти **г1язабти** чекасилра.

5. Х1у набчи лех1лахъадли, **наб кьияма** садаили сари.

6. **Илини** къакъличив висесвах1ибси **дурх1я** катур, сари карииб, **ил** къукъубачи уциб, михъирличи гъяжвариб.(Х1.Г1.)

Х1янчи 7. Белч1еная. Подлежащееби дек1ардарая. Бурая, илди чиди падежлизир дак1илил ва сегъуна гъайла бут1али аргъахъилил.

Гъанна къалабали вашни г1ях1си ах1ен.

Пат1иматлис илгъуна сек1ал бахъ х1ейгахъу!

К1ел сяг1ят лук1ес гъамадси ах1ен.

Дурх1я, сунезир адамлара синкалара хасиятуни дак1удирули, халакайк1ули сай. (Х.х.)

Ца барх1и Хасай вац1ализи арякьи сай. (Х.х.)

Нуни диркъаличи гечиэс къасбарра. (Г1.Х1.)

Х1уни нушаб посылкаби дархъириб? (Г1.Х1.)

Илх1яйзиб набчи чумал г1ях1ял бак1иб.

Гъайулхъуси кабиибтачира х1ерик1и, белк1унси сунела докладличира х1ерик1и.

Шударш, гъайгъай, авдаршличир дахъал сари.

§ 5. Объект

Предложениелизиб бурси баркъуди сунечи чеббурхуси сек1ал иргъахъуси девлис объект бик1ар. Объектли жаваб луга **чи? се?** ибти уйхъу падежла суалтала цалис ва саби имц1аливан уйхъу падежлизиб башар. Масала: Устнани **юрт** бариб. Директорли **Мухтар** сунечи т1алабвариб.

Объект существительноели (Илини **дурх1ни** чех1ебаиб.), числительноели (**Урегал** х1ябличи дут1а.), прилагательноели (Аслих1ятли ***бишт1ати*** паргъатбирули саби.), местоимениели (Нешли **нуша** чех1едаира.), причастиели (Учительли **буч1ути** класслизиб батур.), чумал девла цалабикли (Хадижатли набзи **чумал сагати жуз** чедаахъиб.) иргъахъу.

Объект кършибиркуси саби ч1янкли актив падежла каргъниличилси предложениелизиб, сунезибра, чедиб буруливан, сказуемое чеббурхуси глаголли иргъахъуси.

Х1янчи 1. Ишди существительноеби ца предложениелизир подлежащеели диахъубли, итил предложениелизир объектли диахъубли, предложениеби пикридарая ва делк1еная.

Унра, узикъар, гьинта, урчи, хъул, къас, сабур, инсан, адам, адамдеш, Ват1ан, диги, мардеш, гьалмагъдеш.

Х1янчи 2. Предложениеби делч1еная, объектуни чедаахъая. Бурая, илди чидни гъайла бут1нани аргъахъилил.

Илини х1ела машинала хъярхъдеш 300 метрличиб имц1али биъни кабизахъур. (И.Х1.)

Илди нушаб дег1лара дигути мер-муса сари. (Г1.Г1.)

Нушаб ил дебали дигахъех1ери. (Г1.Г1.)

Х1уни х1ела машина гъабяхъири, хъярхъдеш имц1абарри. (И.Х1.)

Нушани т1ама-гъама ахъдуцира. (Г1.Г1.)

Ник1а уршили буруси нуни марбарра. (И.Х1.)

Бугъали дила шайзи мукукури хъурсбариб. (Г1.Г1.)

Г1ибрат: *Илини х1ела машинала хъярхъдеш 300 метрличиб имц1али биъни кабизахъур.*

Объект- хъярхъдеш 300 метрличиб имц1али биъни; аргъахъили саби шел девли – уйхъу падежлизисси существительноели, наречиели ва глагол-существительноели.

Х1янчи 3. Г1ергъити предложениеби, подлежащее актив падежличи шурбатурли, черделк1еная; подлежащиебира, объектунира дек1ардарая.

Г1ибрат: Нуша къац1ли дукунра. – Нушани къац1 беркунра.

1. Неш палтарли ицули сари.

2. Бялихъчи бялихъуна урцули сай.
3. Арцла уста т1улкма виркьули сай.
4. Даг нуша х1янчили диркьех1ери.
5. Гъази ц1али валик1ули сай.
6. Ялдар бет1ули валшули сай.

Х1янчи 4. Гъала-гъала актив ва лугу падежла каргъниличилти, г1ур уйхъу падежла каргъниличилти предложениеби черделк1еная. Объектун деклардарая.

1. Х1уни ч1янк1ли ца сек1ал хъуммартид. (М.-Р.)
2. Наб ил х1улбала шалаван дигахъис. (М.-Р.)
3. Амирхан иличи вирхаур.(М.-Р.)
4. Илини сегъунтилла урехи чех1едаахъиб.
5. Ват1айчила пикрумани ну вархъвалтули ах1енри.
6. Илала х1улбазирад шинра к1ант1духъун. (М.Къ.)
7. Илини сих1рула вава касес някъ гъабатур. (М.Къ.)
8. Г1ябдуллагъ ник1а бук1унра сайри. (М.Къ.)
9. Сепайда, ил х1ушани валули х1ергудая. (М.-Р.)
10. Асиятла кагъар х1ясибли, Къурбан-Къади Салмайчил къаршиикес заводлизи вякъун. (М.-Р.)

Х1янчи 5. Точкала мерличи объект имц1абирули чеббелк1еная.

1. Унра Хамисли клублизиб зайбухъахъун.
2. Мухтарли жагали бяхъиб.
3. Ил хабарли Хартумличи халаси бедиб.
4. Ил барх1и нушани чех1ебаира.
5. Г1усманни хъа вег1лис халаси бедиб.
6. Устнани сагаси бариб.
7. Нуни белч1унра.
8. Сапиятли ралликъяначи белк1ун.

9. Аминатли ункъли х1ядурдиру.

10. Партизанни дебали тамашала буриб.

Х1янчи 6. Текстлизир объектуни даргая, илди сели аргъахъилил, чун и сегъуна суайс жаваб лугулил, бурая. Объектличил подлежащеела форма ва сунечи кабалтуси суал цугдуца.

Илини къалиян алкахъун, лякъир гъат1ира бемжур.

Дузабдиханни Мансурлизи дях1-дых1ли бархъдеш буриб. (Г.-Б.)

Давудли набчибси юргъан чеббердиб, г1яярличи сунечил варх арукес палтар чехъахъур.

Цали картошка тиладирули сай, цали урцул тиладирули сай, ца вак1или лех1кахъили кайрули сай.

Ил пашманни ах1енри, яра илини сунела пашмандеш диг1янабирулри.

Ца устали къаркъа къисбирули сай. (С.Г1.)

Мансур кайиб, илини халаси гъигъ абатур.

§ 6. Сказуемое.

Подлежащеелизибад биубси, бируси баркъуди яра иличибли х1ял чебирахъуси девлис сказуемое бик1ар. Сказуемоели жаваб луга сек1ай се бирули? ил сегъуна саби? ил се саби? ил чила саби? ил чила саби? ил чинаба? ибти суалтала цалис. Масала: Вац1ализир нуша чердалк1унра. Ручка ц1уба саби. Нушала маза хъарахълизир сари.

Сунела цалабикни х1ясибли сказуемое клел журала саби: царка сказуемое, цалабахъ сказуемое.

Царка сказуемое или бик1ар ца девли аргъахъибси сказуемоелис. Царка сказуемое иргъахъу лерилра наклонениебала формабани.

Масала: Х1еб **садаиб**. (хабар накл.) Г1иса, **ваши** иша. (амру накл.) Х1ела чумал мурад **даъ**. (дигнила накл.) Х1у **вак1адри** (шарт1 накл.), белики, нура **вак1иши** (следствиела накл.)

Цаладыхъ сказуемое или бик1ар чумал девли аргъахъибси к1ел бут1ализибад цалабикибси сказуемоелис. Илала ца бут1али (г1ядатли биубли гъалабси) бек1 мяг1на, итил бут1али (кумекла глаголли) грамматикаласи мяг1на бух1набурцу. Масала: Асх1ябла рурси учительница сари. Нушала ши халаси ах1ен.

Сунела бек1 мяг1на бух1набуцибси девличи х1еръили, цалабахъ сказуемое х1ябал журала саби:

уличилси цалабахъ сказуемое;

глаголличилси цалабахъ сказуемое;

наречиеличилси цалабахъ сказуемое;

Уличилси цалабахъ сказуемое саби сунела бек1 мяг1на бух1набуцибси бут1а существительноели, числительноели, прилагательноели, местоимениели аргъахъибси.

Масала: 1) Х1у судья сайри. 2) Пукъаларти гидгури х1ябал сари. 3) К1ализиб вяшарбик1уси вац1а саби. 4) Житара мех1ур ах1енри. 5) Ишарти г1инцби халати сари. 6) Х1ела юлдаш ну сайра.

Глаголичилси цалабахъсказуемое саби сунела бек1 мяг1на бух1набуцибси гъалабси бут1а глаголла формабани (деепричастиели, причастиели, глагол – существительноели, инфинитивли) аргъахъибси. Масала: 1) Иличи лебилра башули бирар. 2) Радио буч1ули калун. 3) Итала х1янчи уч1ни саби. 4) Лебилра лук1ес бех1бихъиб.

Наречиеличилси цалабахъ сказуемое саби сунела бек1 мяг1на бух1набуцибси. Масала: 1) Дила арадеш гъанна ункъли саби. 2) Ришт1аси рурсиличиб ит х1ева жагали ах1ен.

Цалабахъ сказуемоела грамматикаласи мяг1на бух1набуцибси бут1алис бигъни бик1ар. Бигъни имц1аливан сай, саби, сари, ах1ен ибти кумекла глаголтани аргъахъили бирар. Бигънила цалабахъ сказуемоела замана, бях1, луг1и иргъахъу. Масала: 1) Нушала ши халаси саби. 2) Нушала унра Салимат доярка сари. 3) Нуша дузути ах1енра.

Цацах1ели бигънила мерлар биэс, калес, уббұхъес, бех1бихъес ва илдигъунти царх1илтира глаголти дузахъули дирар. Масала: 1) Ил иш замана усули вираp. 2) Дила юлдаш узули калун. 3) Ил гъанна набчи вак1ес х1ейрар.

Х1янчи 1. Белч1еная, подлежащеера сказуемоера дек1ардарая, сказуемое сели аргъахъилил ва илини сегъуна суайс жаваб лугулил бурая.

Г1ямар ил шилизив учитель сайри.

Ши бишт1аси сабри.

Гъарахълиб чебиуси шагъар саби.

Мажидли унци хъули чардариб.

Хъулирад Маржанат дуларухъун.

Янила гъанк1лизибад авлахъ чебиргъесбях1иб.

Х1янчи 2. Царка сказуемое чиди наклонениела формали аргъахъилил, бурая.

Ришт1аси рурсили сусулла хъучир жагати хъанц1а вавни луц1улри.

Урчала мурдни дуц1ли гъарахъбикиб.

Ц1а дишахъес лебилра халкъ музабухъун.

Жанивартала пачях1 Арслан хабарагарли зяг1ипбикиб. (Х.х.)

Белики, нура ила вак1иша?

Дилара биалри ил х1елагъуна урчи!

Дурх1яли иличила бег1тази буру.

Сакинатра х1ушачил рарх рак1ибу?

Ма, иш ручка сунела бег1тази беда.

10) Х1уни г1ур илгъуна х1янчи мабирид.

Х1янчи 3. Царка сказуемое подлежащееличил жинслизиб, къадарлизиб балбикили, бях1лизиб балх1ебикибти х1ябал предложение делк1еная.

Х1янчи 4. Царка сказуемое подлежащееличил жинслизиб, кьадарлизиб
балх1ебикибти х1ябал предложение делк1еная.

Х1янчи 5. Царка сказуемое подлежащееличил я жинс – кьадарлизиб,
бях1лизиб балх1ебикибти х1ябал предложение делк1еная.

Х1янчи 6. Точкабала мерла царка сказуемое имц1абирули, чеббелк1еная.

Гъчам илди к1елра базес х1ерк1личи

Итх1ели х1уни наб сен

Ил уталичивад

Уршили нешлизи ил сек1айчила

Шпион билх1лаличивад

Ухъна х1янчилавад

Уста х1янчилавад кьанни

Ма, иш газета чебетаахъили

Халкьла хабуртазир гьаларла г1ямру

10) Ца барх1и Х1ясанай дузани

Х1янчи 7. Царка сказуемоеби цаладяхъ сказуемоебачи шурдатирая.

1. Берх1и гьаббик1нала цуббиуб. Дирихьми х1унт1ендиуб. Берх1ила
шалали лебил алавла шалабариб. Цакьадар ванабиуб. Шадир аркъех1ену,
валкъаи.

2. Ну агрономра, х1у учительри. Ну шилизивра, х1у шагъарлизиври.
Цазамана к1елра нуша шадир дашах1ери.

3. Самолет урусла г1ялимтани дак1убариб.

Х1янчи 8. Царка сказуемоеби дек1ардарая.

Дяви бемжур.

Гъалаб башути офицертани, магъи чебаили, урчи тлашаиб. Илдазивад цаличи лишанасили, Глисани плянкьасахъиб. Офицерли тамашали някъби гъакладариб, урчиличивад жибжирухъун.

Ил сигнал сабри. Дубурланти иличи хлерлири. Гъунила клелра шайчибад къяйкъла тлама гурбухъун. Къазакъуни гъала-гъала урклбухъун, глур илдира итесбииб. Къакъаси дякъличиб дяви бемжур. Дубуртала ургала къяйкла тламрани, вявли, чларли, урчала хлихлиби бицлиб.

Патиранти окопунази хъунул адамтанира дурхлнанира дихутири. Къухлбизурли, илди беглара кахти мераначи урехи агарли башутири.

Хъунул адамтани илдас халати гажинтахлир шин, гъаруш, гавлагунахлир къуцлрира цархлилти берклумира дихутири.

(З.Зулпукъаровлайзибад)

Х1янчи 9. Белчленая. Цаладыхъ сказуемоеби деклардарая. Илдазирти бекл мяглна бухлнабуцибти бутлни чиди гъайла бутлали аргъахъилил, бурая.

- 1) Х1ела дурхля бецли арбукили бургар. (х.х.)
- 2) Неш ишбархли дебали разили сари.
- 3) Дубуртачиб дуцлрумлизиб тяхли биарар.
- 4) Тлабиглят бебклибси жан ахлен. (М.Къ.)
- 5) Илалара хлулби лерти сари, биклар. (М.Къ.)
- 6) Арбякъи саби халаси замана. (х.х.)
- 7) Гурдалис илала гъайличи лехлахъес дигули ахленри. (х.х.)
- 8) Х1ези гъайиклуси ну сайра.
- 9) Ихар шинишли чедиути совхозла унхъри сари.
- 10) Иларти жузи хлябалцун ахлен.

Х1янчи 10. Царка сказуемоеби – ца тугъли, цаладыхъуни клел тугъли деклардирули, чеббелкленая.

Гляйшатли Глямарла гъала патиранти кадирхъули сари. Иллини партизанна бяхъибси някъ билгъули сари.

Къурба нешли шинни бицѣбси гажин Гѣязи бедлугули сари.

Ухъна Ахъайли, дубурличи ацѣли, душмантала бургачи халати къаркъуби лайдикѣлри. Къаркъубани чус гѣларад диштѣати къаркъуби, шурмала бутѣни хъусдирулри. (З.Зулпукъаровлайзибад)

Хѣянчи 11. Наречиеличилси цалабяхъ сказумое лебти предложениеби черделкѣеная.

1) Хѣуни бурибси хабарлизибси ца анцѣбукъла бикъри ну сайра.

2) Бикъри виъни гѣяхѣси саби.

3) Ил гѣямрулизир суратлизир кѣелван жагали сари.

4) Бузерила къацѣ адамлис хѣялалли бирар.

5) Хѣеркѣ дебали хъярхъли саби.

6) Наб агрономлира вайтѣа ахѣен.

7) Гъачамлис наб хѣушачиб гѣяхѣбилзули саби.

8) Дарсам имцѣякъ гъай агарси урши сай.

9) Башир даим дугѣли сай. (И.Хѣусейновлайлизирад)

Хѣянчи 12. Чеббелкѣеная, бекѣ членти декѣлардарая ва илдачи суалти кадатирая.

Вацѣализир къукъу лямцѣ.

Виштѣахѣели ну вацѣализи хъярбачи вякъунра. Вацѣализи ветаили, хъярбира дучили нура чарухъес валкъаайчи, рахли цѣяббиуб, къукъуиб, кертѣиб заб. Ну, урухиубли, ца халаси мигла галгала уди кайира. Лямцѣбухъалри, нуни хѣулби гѣянцѣдикѣласи. Дила бекѣла чедирад селирил тѣякъ-тѣякъ или вайти тѣамадариб. Серил дила бекѣлизи чегиб. Ну къагъиубли кайкили, тѣп заб тамандиайчи, илав калунра.

Чеваргъибхѣели, вацѣализирти галгубачирад шин кѣантѣдикѣлри, арцанти дучѣлри, бархѣи ахъилри, набчирти палтар, шинкѣадиубли, чархличи чекакири. Бекѣлизиб циили пѣякъбикибсигъунара лебри, ил бара изулри.

Баргили дила кьаплара, касили дила хъярбира нура дуцли хъайгли ваклара. Хъайглив чилра хлергира. Касили шкафлабад кьацлра, тахличи ацлили укес кайира, ускаунра. (Л.Толстой)

Х1янчи 13. Текст белчленая ва бурая, цалабахъ сказуемоела бутлини подлежащееличил ва объектличил селизир далдикилил.

К1елра шайчир лех1дешлизир нартаниван т1ашкадизурти дубурти сари. Курегала галгубала вавнала т1ем гъар-чинабадалра чебихулри. Г1инцбала, хъярбала галгубачир биалли гъачамлис к1инч1би гъаргдиэс далкьаурли ах1ен. Махъила цакьадар удибад башуси хан гъуникад замана - заманаличир автомашинаби дуц1дик1ули сари.

Г1ебшнили цаибти гунзри кац1илри. Аршира диршилри, сумрира дацири, ургубализир, заклис удяхъибтиван, х1инт1бира ахъдиублири. Бамба - г1ячушунни тях1уси гъавали гарчкабарибси заклизир гездик1улри, зак вяв - гъурла т1амали ясирбуцилри, дубурличирад диркьаличи мазала дурзамти гечдирулри. Гъарил шилизир, гъарил адамли сунела даражаличи х1еръили, кигъми, кьяцни делгъи, деръахъубли, бях1яхъуни кадирхъутири. Кигъми делгъунх1ели, нушала шимазир, чула тухумра унрубара жибарили, зярх1си диъла г1ях1ти хинк1и дарили, шадлихъгъуна сек1ал биру.

(С.Рабаданов «Лусен»)

Х1янчи 14. Наречиела жураби гъандикахъая. Илдала гъарил жура цалабахъ сказуемоела бут1али биахъубли, предложениеби пикридарая.

Х1янчи 15. Скобкабазибад г1яг1ниси девла формара кайсули точкабала мерла г1яг1ниси бях1ла ахирра имц1абирули, предложениеби черделк1еная.

- 1) Рузинира иличила балули (бургар, рургар).
- 2) Нешли наб х1ева бирули (саби, сари).
- 3) Вагъабли х1у чеил...
- 4) Илини нура чеил...

- 5) Нуни ит валта...
- 6) Х1уни ну валта...
- 7) Нушани итди балте...

§ 7. Подлежащееелара сказуемоеелара урга тире кабалтни.

Цалабахъ сказуемоела бигъни уббатурли биалли, подлежащееелара цалабахъ сказуемоела бек1 мяг1на бух1набуцибси бут1алара урга тире кабалтуси саби.

Масала: 1) Жузи - *наб*, тетрадуни - *х1ед*. (цугб.: Жузи *наб сари*, тетрадуни *х1ед сари*). 2) Бек1 - *дурега*, къуйрукъ - *мириш*. (цугб.: Бек1 *дурега саби*, къуйрукъ *мириш саби*).

Амма хаста анц1букъуназиб бузахъуси вяв предложениелизиб бигъни уббатурхъалли, тире ках1ебалта. Масала: 1) Х1ера, итди дурх1ни *аркъули*! (цугб.: Х1ера, итди дурх1ни *аркъули саби*). 2) Хъара, х1ела анк1и *дугули*! (Хъара, х1ела анк1и *дугули сари*).

Х1янчи 1. Г1яг1нити ишараби кадалтули, предложениеби черделк1еная.

1. Дила мурад х1у арали виъни саби.
2. Нуша Ват1анна дурх1ни сарра.
3. Салимат доярка сари, Аминат туkenчи.
4. Или бик1ути ну х1ейгути саби.
5. Кани диъла, къакъ урца.
6. Урк1и ц1ала, кам язла.
7. Х1яйна х1ябал урч1емал.
8. Наб Салих1 бик1ар, х1ед Г1яли.
9. Х1ера, Г1умар, х1ези учитель жиик1ули.
10. Рурсби далайбик1ули саби, дурх1ни булхъули.
11. Маза вец1ал сари, мукъара вец1ну шура.
12. Г1ях1гъабзани сунечи г1яйиббиру, вайгъабзани - гъалмагъличи.
(Бурала)
13. Рурси нешличи мешуси рирар, урши - дудешличи.

14. Цабех1 школала гъалаб теб, ца - фабрикала гъалав.

15. Игит гъачам убк1ар, вайгъабза - азирна. (Бурала)

Х1янчи 2. Предложениеби делч1еная ва бурая, цалабяхъ сказуемоела гъала тире сен кабалтусил, сен ках1ебатурсил.

1. Нушала къисмат илгъуна саби.
2. Х1ера гъалмагъ рурсби шилизи вьавбик1ули.
3. Гъаннара вайт1а саби наб.
4. Бахтикайличиб сегъуналра г1яйиб агара биэс.
5. Дила бек1либиубси дин - азаддеш саби.
6. Дин лагълара бируси саби.
7. Арадеш - садакъя ах1ен.

Х1янчи 3. Предложениеби черделк1еная, сказуемоела гъала, г1яг1нили биалли, тире кабатирая.

1. Х1ера, буреба кабиркули.
2. Х1ерая, дурх1ни, учитель жиик1ули.
3. Дила мурад летчик ветаъни.
4. Ил сунес Етим вик1и, сенах1енну сунела г1ямру дебали дек1ли ва къарциндешлизир дерк1ибти дири. Гъала - гъала вебк1иб дудеш, г1ур узи, к1инайс дудешла узи.
5. Х1у рурсбала ургар рузади, ну - дурх1нала ургав.
6. Рурси нешличи мешуси рирар, урши - дудешличи.
7. Чус тяниши урчила лут1мала т1ама аргъибх1ели, халати узби бебшиб: ца западлизи, итил востоклизи. (Х.х.)

Х1янчи 4. Предложениеби пикридарая ва делк1еная, подлежащееелара сказуемоелара урга тире кабалтули.

Предложениела к1иибил даражала членти.

Чули предложениела бек1 членти баяндирути дугъбас к1иибил даражала членти или бик1ар. Цацах1ели, ца к1иибил даражала членни итил к1иибил членра баянбирули бирар. Дарган мезлизир к1иибил даражала члентази халдирути сари: **определение, дополнение ва аги-къяйда.**

§ 8. Определение.

Определение предложениела к1иибил даражала член саби, суненира сек1а лишан чебиахъуси ва сегъуна? чиди? чила? села? чумъибил? сецад? ибти илдигъунти царх1илти суалтала цалис жаваб лугуси. **Определениели предложениела царх1ил член (бек1 член яра к1иибил даражала член) баянбиру, сабира существительноели яра илала мерлаб бак1ибси царх1ил гъайла бут1али аргъахъибси.**

Масала: 1) Рурсби *ц1уба* къянурбачил шичи аркъулри. (А.-Б.) 2) *Кахси* къяйкли илала пикруми къябаиб. Имц1аливан определениели диубли дашар прилагательноеби ва причастиеби.

Масала: 1) Илала цаличиб ца *бишт1ати* урегал дурх1я леб. (А.-Б.) 2) Даг *бетаурси* анц1букъ дила бек1лизибад аркъули ах1енри. (А.-Б.) Определениели диубли дашар числительноебира (Илх1ели дила рурси *вец1ибил* класслизир руч1улри), местоимениебира (*Нушала* ши дубуртачиб саби). Уйхъу падежлизир дак1ибти существительноебира (*Тукенчи* рурси райполизи аркъулри. *Берх1ила* нурли алавла шалабарилри).

Дарган мезлизир, определениела х1янчи бузахъули, дебали т1инт1ли дузахъули дирар жура-журала падежла формабачи суффиксун **-си, -ти,** имц1адарили детаурти дугъби.

Масала: 1) *Нушала* *шилизибси* школа к1идерх1ла саби. 2) *Сумкализирти* жузи Аслих1ятла сари.

Определениеби аргъахъили дирар ца девли ва чумал девли.

Масала: 1) Хъула х1ярлизир *жагати* вавни дак1илри. 2) Хъула х1ярлизир *лерг1ер жагати* вавни дак1илри.

Чула мяг1на х1ясибли ва грамматический лишанти х1ясибли определениеби дирар далдикибти ва х1едикибти, цугдурцути, чус приложениеби бик1ути.

Сунени баянбируси девличил бузахънила яра бархбикнила гъуйчил бархбасунси определениелис балх1ебикибси определение или бик1ар.

Балх1ебикибси определениели диубли дашар –а, -ар, -кар, -ан(-ян, -ен) ибти суффиксунала цаличил тамандирути прилагательноеби, сарира чули баянбируси девличил бархбаснила гъуйчил дархдикибти, ва сарира чули баянбируси девличил бузахънила гъуйчил дархдасунти.

Масала:1) *Ц1уба* дях1или лебилра алавла гъат1ира шалабарисигъунари. 2) Илаб *дарган* рурсби урусла рурсбачил итх1яйзибад гъалмагъбикиб.

Сунени баянбируси девличил балбикнила гъуйчил бархбасунси определение или бик1ар.

Масала: 1) Устнани *дебали жагаси* юрт бирулри. 2) Ученикли доскаличи *дархъти* тугъи кайулри.

Х1янчи 1. Текст белч1еная, определениеби чедаахъая ва илди сели аргъахъилил, бурая. Определениеби чула баяндирути дугъбачил делк1еная.

Дугели.

Харибат кьанни дугели чула юртла гъала гъамриуб ва кякянна галгалиубси буркъа уталичи карииб. Бишт1аси ц1удара сумкализивад явлухъ бак1ахъили, буц1арси майъали адалкахъунти анда ва ляжуби ч1умали х1яршдариб. Октябрьла ахир биалра, аргъла гъава, июль базличибван, хъип1сири. Шип1бярг1илри жявлил гъанк1лизи г1елабикибси шири. Чула юртла дурарти унзала т1амала аргъили, Харибат кункли харчризур, галгала г1ела диг1янарикили, х1еррик1есрииб. Урк1и гъалакли кьут1бик1улри ва илала т1ама гъарахълиб г1ебг1ебалгъусиванри.

Юртла музала г1елабад цунси адамла къаралди гъаббак1иб. Илини ца някъли г1яйса буцилри, царх1илли – халаси чемодан. Адам дек1ли

г1яйсаличи хъарилхъулри ва, ил багъандан бииши, ил вяхъили сай или гъанбикеслири. Къаралди гъарахъбикиб.

«Чина аркъули? Чина? ... Тамаша... Се бируси? », - пикрирухъун кякянна галгала дях1ц1илиу диг1янарикибси Харибат. Илини бусяг1ят сунела мурул вагъур. Илх1ели, гъалабван майъализибси, хамха бярг1иб ва руржесбибсиван бизур.

(А.Гъази)

Х1янчи 2. Скобкаби ибхъули, чеббелк1еная. Далдикибтира далх1едикибтира определениеби дек1ардарая. Илди чиди гъайла бут1али ва девла сегъуна формали аргъахъилил бурая.

1. Илди (ц1уб...) полотенцаби нушани ардукъяйчи мях1камли дих1утири.

2. (Чеббух...) глаголли (аргъахъиб..) сказуемоебачил дарх объектунира дирар.

3. Шила байлабад кабухъи дубурла (амъур...) х1ерк1 леб.

4. Х1уни (...уриб...) дила урк1илар гъаннара лерал.

5. Атх1ебла (чярт...) барх1ири, дях1руц1ра дашулри. (М.Къ)

6. Гъунила (дублаб...) низбала къадализирад бисала чедихулри.

7. Гъуни (ч1ярт1...) дякъ батурли, уди, шинна (г1янц1...) къавкъавла дикъна аркъулри.

8. (Тякбик1у...) къадала бях1кад (илгъун...) ц1ябдешлизи кац1ес кахлиригу, биалра нушала (царх1...) имкан аги.

9. Савли гъариллис ца-ца (ц1уб...) полотенце гиб.

Х1янчи 3. Ишди дугъби определениели дихъубли, предложениеби пикридарая.

Бухъяна къянкъла вег1, шанданна урк1ила вег1, ц1удара, дацунти, бацунси, ахъти, ахъси, ралуси, балути, валуси, х1урматла, тамашала.

Х1янчи 4. Назму саркъахъили белч1еная. Илдазир *сег1унси? сегъунти?*
села? ибти суалтас жаваб лугули дугъби чедаахъая.

Урус мез.

Урунжла умути шинван мях1камли
Г1яйхъулра урус мез нуни кушрази,
Ружулра, агъ, лаззат, милги х1ейхъули,
К1ант1-к1ант1ли дурчули арцла гажизи.

Баркабан илди мез, наб гъава аур,
Урла г1ямрулизи гъунби гъаргдиуб,
Г1ямрула дурхъаси давла детаур,
Бац – Берх1ила дях1ван наб чиргъми аур.

Дях1ила пусливан кункли дурцули,
Х1ушала умудеш х1ерли бужулра.
Урус мез, урус мез – г1ямрула мяг1ни
Дурхъаси уббухъун. Х1ушала г1яг1ни.

(Аминат Г1ябдулманапова)

Х1янчи 5. Точкабала мерличи г1яг1нити дугъби кадатирая ва
чеббелк1еная.

К1ел гъалмагъ.

Лебли саби, буили саби к1ел дебали гъалмагъ. Я хъайг1ивад, я дураб,
я дугели, я х1ерели илди дек1арх1ебиркули буили саби. Ца гъачам илди
к1елра арх1яличи дурабухъи саби. Г1ях1цад замана арбьякъунх1ели, илди
х1ерк1личи сабаиб. Чула лебси къац1ра, нусира, гидгурира дурасили,
багълабарес кабиили саби. Илзамана х1ерк1ла ца дубличибад итил дубличи
гурда т1ях1бухъи саби. К1елра гъалмагъли ил чебаили саби.

-Х1ябилра сек1ал теб къалли ит, шизи къуйрукъалра
къяхч1ебикахъили т1ях1бухъунгу, - иб цали.

-Юх, къуйрукъ шизи чегиб, - иб итилли.

Бикун, хлебикун биклули, идала ургаб жал бехлбихьиб. Келра гьалмагъла ургар къалмакъар детаур. Узидеш пашдихъуб. Илала глергъи илди цали ца чехлебиули калун. Дусла глергъи биалли къаршибикиб илди гъимибуклили ахленри.

(Х1.Къурбанов)

Х1янчи 6. Далдикибти определениеби делкленая. Чиди девличил балбикили гъарил определение? Текстлис заглавие пикрибарили, хабар даимбарая.

Чумал бархли шилизиб (сегъуна?) аргъ саби. Гъачам дубуртачиб (сегъуна?) дяг1 кабулхъули саби. Илини (сегъунти?) заб дихули сари. Зубрачир (сегъунти?) гъугри камдирули ахлен. Къаркъайчи (сегъунти?) палтар чегъес чевкъули саби. Юглизидях1 (сегъунти?) арцанти, къяйбарили, аркъули сари.

Х1янчи 7. Аргъла сипат даимбарая. Определениеби даргая.

Савличирад бархлиахъайчи дубуртазир г1яжаибти дарсдешуни кадиркур. Тамашала бирар илдачи хлеруди бузахъес, лерилра лишантира х1ясибдирули. Хаслира х1у – алав вац1ара лебли биалли!

Савлила сяг1ятлизир дубуртала катругуни клел рангли рурх1ули дирар: абулхъуси берх1ила нураназир хъарани х1унт1енц1арли, хъарани биалли – циили ц1ябливан. Дубуртала бургачибад катх1ел батбихьили, дуб – дубли къярдлизи амъурси бархли кабиц1ули саби.

Х1янчи 8. Чеббелкленая. Бек1 членти ва определениеби деклардарая. Определениели чиди суайс жаваб лугулил, хлердизирая.

Бек1ла чедир цалис глергъи ца зубарти пархдухъун. Г1ях1си аргълизив илдачи абзур дуги хлериклесра анц1хебулкъан. Бях1чиси катругличир алкунти бук1унала ц1аливан ахли, ц1яба – хъанц1а капарайличир ухути илди

зубарти гъамли сари или гъанбиркур. Илди дугила чиргъмала шалалиув учлес-луклесра валли вирар!

Амма дубуртазиб адапти бузути ва хлербирути хлясибли саби: берхли гъаббаклибу – хъярхъли харчизурли, хлянчилизи ахъи.

Хлянчи 9. Цугбурцути определениеби деклардарая. Бурая, илди чиди гъайла бутлали аргъахъилил.

Халкъгъуна гъай хлебурид, ургъули, вявиклули.

Хабарла хив хабарцад хлебирар. (х.б.)

Даглагъуна ванаси бархли ахлен ишбархли.

Хлела машиналицад гъуни ахъили ахлен гъачамлис дила машинали.

Нушала дубурла мер-мусаличибсигъуна гъава наб чинабалра къяршихлебиркур или гъанбиркули саби.

Шамхай арцла пигъалаличи някъиш дирули сай, илала някъбазиб гъалаб хлебиубсигъуна умутдеш саби. (А.-Б.)

Хлуницад хлянчи барес къасбарилра нунира.

Хлевзули укес дигул, хлугъуна вирусив мурул?

Хлянчи 10. «Бархлехъла аргъ» биклуси сочинение белкленая.

§ 9. Приложение.

Сунени баянбируси девлис глергъи баклили, существительноели яра илала мерлабси девли аргъахъибси определениелис приложение биклар.

Приложение имцаливан существительноели яра местоимениели аргъахъибси предложениела член баянбиру.

Масала: 1) Глисала Муслимат – *нушала унра* - иша гъачамалра раклибси ахлен. 2) Хъалибаргла бекли – *уста Загъирли* – се дигалра барес бали. (Б.Х1.)

Приложениели баяндирули дирар жура-журала местоимениебира.

Масала: 1) Ну, *хлела халаси узи*, хлед баркаллаиклулра. 2) Ит, *урибси хъулки*, гъанна ну-хлу виклули сай.

Приложениели бируси саби т1инт1си эпитетра.

Масала: Ах1диги х1ула дигай – майдан урк1илис биса, Ах1диги х1ула карц1ай – *арал чархлис изала*. (Батирай)

Сунени существительное баянбируси приложение тиреличил, местоимение баянбируси запятаяличил дек1арбируси саби.

Масала: 1) Арабираб школьникуни – *нушала наслу!* 2) Ну, *Мухтаров Г1яли*, 1972-ибил дуслизив ак1убсира.

Х1янчи 1. Скобкаби гьаргдарая. Приложениеби, дархъли ишараби кадатурли, делк1еная.

1. Нуша (дишт1ати) разидарес багъандан, илини се-дигара бири. (И.Х1.)
2. Милиционерли сунела ник1а кумекчи (тимуровец) г1евуциб. (И.Х1.)
3. Ит ученый (агроном) сай.
4. Лезмила бех1 бугаси Айханумлира (Ханахъайла хъунул) Суйдухлис анц1х1ебулхъакъу.
5. Шагъризат (ц1икури) сарукахъес директорла машина бурхъу.
6. Илди (к1елра) скамейкаличибад харчбизур ва клублизи къалабали гъайбиуб.
7. Ил – г1ях1гъабза адамла (муиран Загъидла) у саби.

Х1янчи 2. Существительноебачи, скобказир гъандушибти мяг1нуби х1ясибли, дугъби имц1адарая ва пикридухъеная, чиди сабил илдазиб приложение.

1. Илдани даргала машгъурси поэт (Р.Рашидовла, М.Х1ямидовла) назмурти дуч1ули сари.
2. Наб Г1ях1мадхан Абу-Бакарла («Варъала шурми» повесть) дигахъис.
3. Надиршагъла г1яскурти (Мемух1ила шила) мякълар дарбадягъин - дарибтири.
4. Нушала хъалибаргли кайсу («Замана», «Даг. правда» газетаби) ва журнал.

Х1янчи 3. Чеббелк1еная. Приложениеби даргая, илди – алав г1яг1нити ишараби кадатирая.

1. Ил Бакула набтла мяг1дунтазив ялчили калун, Самаркандлизив мегъла гъунчив х1янчили виркьи. (Э.Къ.)
2. Батирайла зайдик1ути далуйти дила гъалмагъунани урусунани, якутунани, грузинтани, казахунани, монголтани, г1ярабтани чула каргъни ва зайдик1ни х1ясибли, устадешличил каргъурти диъни бала. (С.Р.)
3. Хабарлира урибси урк1и ч1умал багъадур граждан дергъла игит Багъатирла Г1ялибег. (х.б.)
4. Ну аира чях1ила гъала. Илабад нуни чебиулра чях1ила хъар шин катх1ел гъак1дируси мер.
5. Къулала дукикъяна Г1ябдуллагъ, ца ункъли хинк1ара уки сайра, гъаргала дуравхъи сай.

Х1янчи 4. Ишди предложениебазир приложениеби даргая.

1. Нуша нушала тахшагъарлизи – Москвализи дякъунра.
2. Неш, дурх1я чеэс дигули, х1яйна туснакълизи рякъун ва гъар рякъунх1ели, жандармала генералли – бухъяна къянкъла вег1 х1яна ухънани, ил г1ела чаррирусири.
3. Нушала шиличивад к1ел верстла гъарахъли х1ерирули вири нуни валуси адам – гъалабван сельхозакадемия таманбарибси агроном.

§ 10. Дополнение.

Дополнение к1иибил даралажала член саби, суненира ург1ерти падежунала цализиб бак1ибли, илди падежунала суалтас жаваб лугуси.

Масала: 1) Учительницани илх1ели *Гулжанатличи* (чичи?) г1яйиббарибсири. (М.-Р.) 2) Х1уни дила *гъайличила* (селичила?) хъуммартид. (х.х.)

Ург1ебси падежлизиб бак1ибси дев гъар мурталра дополнениели бируси ах1ен. Илгъуна дев дополнениели бируси саби, эгер илини падежла суайс жаваб лугули биалли, наречиела суайс жаваб лугули биалли ил дополнениели х1ебирар. Масала, цугдурцех1е: Илх1ели илини *нешлизи* (чизи?) бурили сай. Илх1ели ил *вац1ализи* (чина?) вак1или сай.

Актив падежлизиб бак1ибси девра, цацах1ели дополнениели (Нуни *дисли* къац1 балъунра), цацах1ели подлежащеели (*Дисли* наб дяхъи бариб.) биубли башар.

Хас падежлизиб бак1ибси дев имц1аливан определениели бирар. (Нуни *дудешла* х1яка уталичи кабихъира.) Амма цацах1ели хас падежлизибси дев дополнениели биублира башар. Илх1ели илгъуна девли сказуемое баянбиру. Масала: 1) Г1иниз *шинна бегъуб*. 2) Галга *к1арала* пях1биуб. 3) Гъуни *чяртла* умубиуб.

Чех1ебурхуси глаголли аргъахъибси сказуемоелизи бархбасунх1ели, дополнениели бирар инфинитивра, эгер иличи ург1ебси падежла суал кабатес вирули виалли.

Масала: 1) Ну *суратик1ес* бурсиуубра (селичи?). 2) Ну *уч1ес* къалабаик1улри (селичи?)

Х1янчи 1. Текст белч1еная. Дополнениеби чедаахъая. Илдани чидни суалтас жаваб лугулил, белгибарая.

Батирай тирхъухъун. Ил багълали айзур, къушла ух1на ац1иб. Г1ямзилаб хахамли чугурра баргили, къушла гъала мураличи кайиб.

Тяп ил замана Зихала дубурла алгъай дуб заклизе чегибси мерличиб гъарахъси лямц1 багъарбиуб ва, мусисирт буцили, Убях1 Мулебк1ила шила Чедиб х1ярх1ванбиубли, Къябала ва Туманар дубуртала шайчибях1 шалг1еббухъун. Къани Шурла лут1илабад абердибсиван г1янц1ли къукъу дурабикиб ва т1абиг1ятла хъутурван алав – гъалавти шурмазиб шип1бярг1иб. Батирайла урк1илаб далайэс или ак1убси иштях1ванра, ил далайли сунес г1ергъи миц1ирбируси дугъби – т1амрала макъамванра(Х1ябиб Г1ялиев)

Х1янчи 2. Предложениеби даимдарая. Подлежащее, сказуемое ва дополнение уди тугъаили дек1ардарая.

1. Нуни кагъар белк1унра (чичи?)
2. Ну уч1улра (сели?).....
3. Дурх1ни вац1ализи башар (селичи?).....
4. Къараул вявик1ули сай (чизи?)
5. Неш кариили сари (селичи?)

Х1янчи 3. Ишди глаголтачи существительноеби имц1адарая: уч1ес, лук1ес, мурдайэс, вархес, узес. Сегъуна падеж саби существительноебала? Дополнениебала уди тугъаая.

Х1янчи 4. Дополнениеби дек1ардарая. Илди сегъуна гъайла бут1али аргъахъилил ва чиди падежлизир дак1илил, бурая.

1. Зак г1ебшнили гъигъбик1ули саби.
2. Нушани нушала улкала ца къяш кац1есигъуналра ванза душмантазиб х1ебалтех1е.
3. Дурх1я някъли бирхъули мариркъидну, г1ях1си гъайличил руркъен.
4. Ил нуни нясла умубарра.
5. Х1янчи усталиг1иб урухк1ар. (Х.б.)
6. Илдани дурх1нас кумекбарес къасбарили саби.
7. Наб бялхъя урчиличив ахъти къараназивад къунзик1ес дигахъис.
8. Мух1лили къалабамайк1удну, баркъли къалабаик1ен.
9. Каримли хялис къац1 лайбак1иб.
10. Жузи набзи диха.

Х1янчи 5. Чиди – биалра ца художественный жузлизирад жура-журала падежунани аргъахъбти предложениеби лерти вец1ал предложение делк1еная. Дополнениеби дек1ардарая.

§ 11. Аги-къяйда.

Аги-къяйда к1иибил даражала член саби, суненира баркъудила яра х1ялла куцличила, мерличила, заманаличила, мурадличила, шарт1личила кабатурси суайс жаваб лугуси.

Илини жаваб луга *секъяйда? сен-сен? чина? чинаб, чинабад, мурт? сен? се сабабли?* ибти суалтала цалис.

Масала: Синка багълали дила мякъла гъамбиуб. 2) Нушала бригада ишаб бузули саби.

Аги-къяйда иргъахъу наречиели (Нушала ши *хъярхъли* халабаиб), деепричастиели (Ил *гъайх1еили* арякъун), инфинитивли (Илини *дицес* базарличи къузри аркулри).

Сунезибад иргъуси мяг1на х1ясибли аги-къяйда шел журала бирар:

1) баркъудила куц, даража чебиахъуси.

2) мер чебиахъуси.

3) замана чебиахъуси.

4) сабаб чебиахъуси.

5) мурад чебиахъуси.

Аги-къяйдадала жураби		Суалти	Мисалти
1	Баркъудила куц, даража чебиахъуси.	се тах1ярли? секъяйда? сен-сен?	1.К1ант1иси ванзакад к1елпра (секъяйда?) къяйли башули саби. 2.(сен-сен?) Бакъесли гъайик1ен. 3.Учитель нушачи (секъяйда?) левг1ев разили сай.
2	Мер чебиахъуси	чина? чинабах1? чинаб? чинад?	1.Къургъи (чинадах1?) юглизидях1 аркъули сари. 2.(чинад?) Ишад нушани ц1едешла унхъри чедиулра. 3.Нушани (чинаб?) къакъалаб

			тапла х1яз барра. 4.(чина?) Галгала уди багълабарес дурх1ни кабиили саби.
3	Замана чебиахъуси.	мурт? сецадх1и?	(мурт?) Савли ну дядла т1амали велх1ахъунра.
4	Сабаб чебиахъуси.	сен? се багъандан? се сабабли?селичибли?	1.(сен?) Вамсурдешли дуги чиналра укъес х1ейубра. 2. (селичибли?) Х1ечибли наб ца г1ях1си х1янчи бикиб.
5	Мурад чебиахъуси.	сен? се барес? се къасли? се мурадли?	Буц1арси барх1и (се барес?) шинни бужес мукъара х1ерк1личи кабац1иб (Крылов) ва ц.

Х1янчи 1. Ишди дугъби ва дугъбала цалабикуни аги-къяйдаби
диахъубли, предложениеби пикридарая ва делк1еная.

Ахъли, дугели, ириъ, гъар барх1и, язихъбизурли, дурх1ни багъандан,
заманала бухъяндешли, диркъанибра дубрибра, г1ях1лази чебаахъес, х1язлис,
гъайбатли.

Х1янчи 2. Белч1еная. Аги-къяйдаби дек1ардарая. Илдала жура
белгибарая. Илди чиди гъайла бут1али аргъахъилил бурая.

Дусли гъачам бацла шаласи дуги вагъигла шурми миц1ирдирути сари,
бик1ар. Илх1ели саби, бик1ар, шурмала къаклизибад зурх1ябличи мешуси
урунжра багъарбируси. Дарма шинна урунж. Илди шинна бержес гъарахъти
зубартачибад кабац1или, жагаси куцличилси ч1ака багъарбирар. Ил бац1ли
х1якъян. Дунъяличибти адамтала талих1 биахъес сих1рула вава лебху.
Гъарахълибад лябкъуси г1ях1яйс х1ядурбарили шурмала хъарличиб пукъа
бирар. Ил вава халаси саби ва ц1ала ламиван х1унт1ена саби, бик1ар. Илини
къидатира даршубарили, узбиван кабалта, шантала авлахъунира
верх1къяркъли духъахъу, бузери дигути адамтала къумурти жура-журала
лиг1матуни дирц1ахъу. (Газетализабад)

Х1янчи 3. «Дубура» ибси дев, илала формаби дополнениели, определениели, аги-къяйдали днахъубли предложениеби цах1надыхъя.

Х1янчи 4. Белч1еная. Сабабла ва мурадла аги-къяйдаби дек1ардарая, бурая, илдани чидни суалтас жавабти лугулил.

1. Аркъяс ну сунечи тиладиличил. (Х.х.)
2. Гъачам к1елра х1ерк1личи дазес дякъни сари. (Х.х.)
3. Халатазивад урузк1ули г1елаилзулири. (Х.х.)
4. Къасбарили дуравхъи сай ил юртлизивад. (Х.х.)
5. Дудеш Ногъайла авлахъличи мура дерахъес ва хъарахъуни сагадарахъес варгъиб. (Гъ.Ю.)

Х1янчи 5. Суалтас жавабти делк1еная. Мурт?, чина?, сецадх1и? ибти суалтас жавабти лугути аги-къяйдабау тугъаая. Илди чиди дугъбачи хъарахъилил чебаахъая. Глаголтала бях1, замана, луг1и дурая.

Чина вашуда дурсри тамандиубх1ели?

Мурт дурсрачи х1ядурируда?

Мурт усес калхъада?

Х1у мурт чевсаргъуда?

Мурт хъуливад дуралхъада?

Сецадх1и калада школализив?

Х1янчи 6. Белч1еная. Мерла, заманала аги-къяйдаби дек1ардарая. Бурая, илдани чидни суалтас жавабти лугулил.

Гъачам, дуц1румла замана, савли нушачи, чинадрил багъарбиубли, ц1удара гата бак1иб. Дурх1ни итмадан ил бахесбухъун. Гъачам илдани къямла ниъ карт1иб, г1ур к1ел дишт1ати бялихъ дедиб. Гата, бушинх1ебирули, нушазибад бибшулри. Нуша лявбарес сецад къайгъилизидикех1елра, беркайчи гъамбирули ах1енри, амма ахирра лерил илдир дерги, к1инайс арбякъун.

Кіиэсил бархіи савли гіурра ил гата бакіиб. Илала гіергьи гата чумал бархіи беткахьиб. Амма кїинайсхілели гата нушачи бурсикабиуб; буги гіергьи, улкьайла кабихьи, хїябал сягіят бускаун. Бархіехъ гата азбарлизибад къунзбухъун. Дугила замана ил, абаціили, кабихъун.

(Газетализабад)

Хїянчи 7. Назмула текстлизир мерла аги-къяйдаби даргая ва баяндарая; суалти кадатирая, сели аргъахъилил бурая.

Акїубти дубуртатазив

Ну акїубси шилизи
Чарухъира сагали,
Калунсиван дургъбазив,
Гїяхїцад дусми агарли

Агара даргала шаб
Урціабиубси селра:
Муридикїар наб шинра
Бизибикїар нусира

Ишаб къаркъя – къаркъара
Саби наб бахъ ахїерси,
Хїябла чеди тїашбизес
Гїяхїцадхїи дила хїерси.

Тїашли саби памятник
Дайшаб багъадуртала,
Уркїила бутїагъуна
Ши гїелаб батуртала

Витїикїулра дубурта

Ну, маза – масван сагна,
Бучлар урк1и далуйта
Къап1а зубрази чейгнаб

Кариили сар набчил
Хала неш х1якаличи,
Дубхъила дубла гугси
Мешуси чякаличи

Г1яйсацад кали сари
Ил релки, карерхурли,
Гех1цали дус гъаларван,
Гъайрик1ар сарерхурли.

Бара някъла касалли
Архулигу г1яйсали
Х1ебалас ил русули,
Гъанх1ебиркур рисули. (Г.-Г. Б.)

Х1янчи 8. Предложениелизир мурадла аги-къяйдаби даргая, илдачи суалти кадатирая ва сели аргъахъилил бурая.

1. Мекъ – сях1бат дирусилис Чинарла шила шантани кумекбируси г1ях1си г1ядат леб; цали белгъахъес маза бику, итилли хъули убушахъес ч1янк1а биху, х1ябъэсилли – арц диху. (А.Къ.)
2. Илди набадури нушаб Хайруллагъли г1ях1баркълис хибти сари. (А.Къ.)
3. Ну х1ед г1ях1дешлис рик1усира. (А.Къ.)
4. Х1у дуг1ли гъимук1ири, нуша биалли масхаралис сарри х1ези ити дик1ути.

5. Ну дуг1ли арякьи уилра, итала г1ергьи ца г1ях1си концерт чебаахъили буили саби.

6. Лугуси матъал ках1елахъес багъандан, нуни ишичи сегъуна – биалра х1янчи хъарбирули вирус. (Б.Г1.)

7. Илди г1яламатла сунела пагъмурти зилантази чедаахъес Арслан гъалаклири. (Б.Г1.)

Х1янчи 9. Предложениебазир к1иибил даражала членти даргая, чучи суалти кадатирая; чидилти гъайла бут1на аргъахъилил чебаахъая.

К1елра шайчир лех1дешлизир нартаниван т1ашкадизурти дубурти сари. Курегабала галгубала вавнала т1ем гъар-чинабадалра чебихулри. Г1инц1бала, хъярбала галгубачир биалли гъачамлис к1инч1би гъаргдиэс далкъааурли ах1ен. Махъила цакъадар удибад башуси хан гъуникад замана – заманаличир автомашинаби дуц1дик1ули сари.

Г1ебшнили цаибти гунзри кац1илри. Аршира диршилри, сумрира дацири, ургубализир, заклис удыхъибтиван, х1инт1бира ахъдиублири. Бамба – г1ячушуни тях1уси гъавали гарчкабарибси заклизир гездик1улри, зак вяв – гъурла т1амали ясирбуцилри, дубурличирад диркъаличи мазала дурзамти гечдирулри. Гъарил шилизир, гъарил адамли сунела даражаличи х1еръили, кигъми, къяцни делгъи, деръахъубли, бях1яхъуни кадирхъутири. Кигъми делгъунх1ели, нушала шимазир, чула тухумра унрубира жибарили, зярх1си диъла г1ях1ти хинк1и дарили, шадлихъгъуна сек1ал биру.

(С.Рабаданов «Лусен»)

Х1янчи 10. Белч1еная. Определениеби, дополнениеби ва аги-къяйдаби дек1арти къукънази делк1еная.

Нешра нура школалази дак1ира. Илав биалли гъанна чилра аги-я дурх1ни, я вожатая, я мегъла бург1луми.

Школала уборщицани буриб, камси гъаларван, машиналичи чедихъили, лерилра мегъла бург1луми чинарил ардухиб или.

Наб хъули чарухъес гъамадли ахленри. Дудешли наб шанг багъандан сен-сен диркахъул пикрииклулри. Се-биалра, нушани дучибти мегъла бургълумазибад арагъеб трактор баклес асубирар. Эгер цегъала шанглизибад ца хлула - магалра баклалли - ил гъяхлси саби. Нешра нуря юртличи гъамдиклухлели, ну вайси агилизиври, амма лерил секлал гъяхлил гъардизур. Дудешли, марлира, ну зигарварра, хъархлебаили цегъала шанг касни багъандан, клинайс биалли нешлизи иб:

- Биур, жявлил замана баили саби сагаси шанг асес, хлу биалли гъаннара буркъа секлайс геларадрикилри. Глергъила бархли нешли халаси цлуба шанг асиб. Амма сенрил сагаси шанглизирра хъарала нергъ цлудараби детарулри. (Газеталибазибад)

Глибрат. *Амма сенрил сагаси шанглизирра хъарала нергъ цлудараби детарулри.*

Определениеби

Дополнениеби

Аги-къяйдаби

сагаси

шанглизирра

сенрил

хъарала

Тикрардарес суалти.

1. Мяглна хлйсибли предложениела жураби чум сари? сегъунти сари?
2. Хабар предложение или сегъуна предложениелис биклуси?
3. Суал предложение или сегъуна предложениелис биклуси?
4. Амрула, дигнила ва вявла предложениеби или сегъунти предложениебас биклути?
5. Предложениела членти чум къукъяличи дуртлули?
6. Предложениела членти или селис биклара?
7. Чидни сарив бекл членти?
8. Чидни сарив клйибил даражала членти?
9. Подлежащее или селис биклара? Ил чидни гъайла бутлнани ва падежла чидни формабани иргъахъу?
10. Объект или селис биклара? Ил цалабикни хлйсибли чум журала саби?

11. Сказуемое или селис бик1ара? Ил цалабикни х1ясибли чум журала саби?

12. Подлежащееелара сказуемоеелара урга сегъунти анц1букъуназиб тире кабалтуси?

13. Определение или селис бик1уси? Балбикибси ва балх1ебикибси определениебачила се бурес дирудая?

14. Приложение или селис бик1уси?

15. Дополнение или селис бик1уси?

16. Аги-къяйда или селис бик1уси? Сегъунти дирара аги-къяйдаби?

§ 12. Т1инт1си ва т1инт1си ах1енси предложение.

Бек1 члентазибадцун цалабикибси царка предложениелис т1инт1си ах1енси предложение или бик1ар.

Масала: 1. *Х1еб садаиб.* 2. *Алавла шиинидиуб.* Т1инт1си ах1енси царка предложение саби ца девли аргъахъибси предложениера.

Масала: 1. *Шаладикиб.* 2. *Ц1яббууб.*

Бек1 члентала дурабад к1иибил даражала членра лебси предложениелис т1инт1си предложение или бик1ар.

Масала: 1. *Ванати х1еб садаиб.* 2. *Нуни ч1умали ях1барра.*

Х1янчи 1. Белч1еная. Т1инт1ти ва т1инт1ти ах1енти предложениеби дек1ардарая.

Барх1и ахъиб. Ц1ами тякъярдик1ескадииб. Палда - ранг гавла к1унби ц1ами - урга т1инт1диуб. Нушани х1янчи таманбарра. Ну т1амали биркъуси г1инизла мякъла кайира. Удибван лерг1ер дярг1ибти, умути шинна г1иниз сабри. Бек1ла чедир галгала к1ари дяг1ла пус-пусъайзи шивк1ивдик1улри, шинкъала ругерличир к1ел духъяна жяр т1ашлири. Илдала чебкадра жагъил Бац миршван гъат1ира г1ях1ил шалабик1есбаиб. Х1ерк1ла итил дублар к1ел хъит1а т1ашлири. Илдала мякълaб цайли т1ашси дях1иван ц1уба бириз сунела дерхъибти к1арачил диг1янали шивк1ивдик1улри. Дуги челябкъули

саби. Ванаси, цяб-хъанця закирра цалис геларад ца зубарти улкули сари.
(С.Г1)

Х1янчи 2. Дугьбазирад т1инт1ти ах1енти предложениеби цах1надахъили делк1еная.

Г1ибрат: Къадурби, шинишли сари... - Къадурби шинишли сари.

Къадурби, дяг1, т1ама-гъама, къаралдлуми, улкъай, илини, шала, дурх1ни, нешли, Жавгъар, ця.

Х1еръиб, гъаргбиуб, дагъардиресдах1иб, иргъулри, бумх1ули саби, шинишли сари, беткахъиб, урк1рухъун, хабурти дурулри, абикъур, ускаун.

Х1янчи 3. Шел т1инт1ти ах1енти, авал т1инт1ти предложениеби цах1надахъя ва делк1еная.

Х1янчи 4. Т1инт1ти ах1енти предложениеби т1инт1ти предложениебачи шурдатирая.

Г1ибрат: Космонавт А.Николаев вак1иб. Космонавт А.Николаев Дагъистайзи вак1иб.

1. Космонавтуни урцар.
2. Байрумти дирар.
3. Хъубзури дурабухъун.
4. Г1ебшни садаили сари.
5. Нуни кумекбирис.
6. Шагъар уббатур.
7. Х1ерк1 ахъира.
8. Х1яка чеббатур.
9. Далай зайбухъун.

Х1янчи 5. Т1инт1ти предложениеби т1инт1ти ах1енти детарахъули, чеббелк1еная.

1. Гавбик1уси самолет вац1ала итил шайчи кабикиб.
 2. Самолетличибад к1ел парашютист тях1бухъун.
 3. Нушани жузала дахъдешличи пикри бях1чаира.
 4. Гъужумлис гьалар рурсили к1унт1уби х1унт1ендакиб.
 5. Ил михъирличи адиути г1ебшнила дярг1ибти шинниси ух1навхъун.
 6. Душманта алавбуцибси Севастопольлизиб ца урхъула частьли сунела сегъунарил г1ядатли бетаурси шадлихъ дураберк1ес къасбариб.
- (Э.Къапиевлизирад)

Бек1 членти ва состав х1ясибли царка предложениебала жураби.

§ 13. Подлежащеела бег1, подлежащееагар ва белгиагар подлежащеела бег1 предложениеби.

Подлежащеела якъиндеш х1ясибли лерилра царка предложениеби х1ябал журала дирар: подлоежащеела бег1, подлежащееагар ва белгиагар подлежащеела бег1.

Подлежащеела бег1 предложение или бик1ар сунезиб гъанбушили подлежащее лебси яра, гъанх1ебушибкъи, ил белгили иргъуси предложениелис.

Масала: 1. Ирина Григорьевна бег1 гьалар нушачи рак1иб. (М.-Р.)

2. Илала хала бег1ти г1янжила т1ялх1янала хабарла устни бирутири. (А.-Б.)

Амма цацах1ели подлежащее "диг1янбикилира" бирар: глаголла 1 - ибил ва 2 - ибил бях1ла ахиртани подлежащее белгили гъанбушни багъандан, предложениелизиб г1яг1нидеш агара. Илгъуна подлежащеела бег1 предложение имц1али бирар мух1лила гъайлизиб.

1. Буришара нешлизи дила урк1и. (И.Х1.)
2. Рузи чина аррякъуна? - Базарличи аррякъун.
3. Лявкъули сай!

Ик1ди предложениебазиб подлежащее иргъулра, амма саби биэс г1яг1нидеш агара.

Подлежащееагар предложение или бик1ар я гъанбушили я гъанх1ебушибкъи иргъули, подлежащее агарси предложениелис.

Масала: 1. Шаладикиб.

2. Дураб ванали саби.

3. Наб буг1ярли саби.

Подлежащееагар предложениелизиб баркъуди яра х1ял чичилра хасх1едарили, сари-сарил кадиркутиван гъандуршу.

Белгиагар подлежащееела бег1 предложение или бик1ар сунела подлежащее се сабил таманни белгили ах1енси предложениелис. Масала: Нушала школалис трактор бедили саби. (Чили сабил бедибси белгили ах1ен)

Белгили ах1енси подлежащееела бег1 предложениела сказуемое, г1ядатли биубли, чеббурхуси глаголла х1ябъибил бях1ла формали иргъахъу. Белгиагар подлежащеебала дег1ти предложениеби хасданра буралабазир къаршидиркур.

Масала: Гъай бедирив - къянамайруд.

Х1янчи 1. Белч1еная. Подлежащееела якъиндеш х1ясибли предложениебала жура белгибарая.

1. Дураб х1ебли т1ембик1ули саби.

2. Картошка делхъив? - Делхъи сари.

3. Ишаб набчи буг1ярли саби.

4. Чумал барх1и гъалаб нушачиб халаси дях1и бариб.

5. Уста сунела х1янчиличивли вала. (х.б.)

6. Ца галгала анхъ х1ебирар.

7. Х1уни се бирида? - Дарс х1ядурбирис.

8. Житали г1урра къядгала къакълизи къяш гъак1бариб. (Къ.М.)

9. Дяг1 аги, вац1а селичирил лех1лири. (М.Къ.)

10. Илх1ели унзализи кьут1дяхъиб.
11. Лерилра хъулрази радиоби кайхъиб.
12. Унци дубгу, кьули изу. (Х.б.)
13. Гъалакик1адли, кьанируд (Х.б.)

Х1янчи 2. Сегъуна - биалра байрамличил х1ушала узи - уршилизивад чи-биалра мубаракварая, подлежащеела дег1ти предложениеби пайдаладарили.

Г1ибрат: *Дила ах1ерси неш! Лебил дунъяла адамтала байрамличил мубаракрирулри! Дигулра х1ед арадеш иминдеш диубли! Дигулра мурталра х1уразили чериэс!*

Х1янчи 3. Подлежащееагар предложениеби черделк1еная. Бурая, илди се хъулчили дек1ардаррая.

1. Баркалла биаб х1ед!(И.Х1.)
2. Ил сек1ал х1езибад дигахъу. (И.Х1.)
3. Бахъ жагалиригу вац1ализиб! (Х1.Г1.)
4. К1елра лех1лири. Х1ялиматла урк1и биалли ил ц1али ванабирули ах1енри. (И.Х1.)
5. Диркъаличиб ванали саби. (И.Х1.)
6. Гъанна дубуртачиб буг1ярли саби. (Х1.Г1.)
7. Базарличи укъялли ах1енси.
8. Чинабалра дебали дегъли саби. (Г1.А.-Б.)
9. Г1ур се г1яг1ниси х1ед. (И.Х1.)
10. Чис се авара. (И.Х1.)

Х1янчи 4. Белч1еная. Белгиагар подлежащеела дег1ти предложениеби черделк1еная. Бурая, илди дек1ардирух1ели, се хъулчилизи касираял.

1. Урчи мухъили башахъен. (Б.)
2. Х1ялиматла урк1и разидешли биц1иб. (И.Х1.)

3. Суайчи мешуси бирар жавабра. (Б.)
4. Анц1букъ илизиб ах1ен. (И.Х1.)
5. Касибси чарх1ебарадли, г1ур илабад касес х1ейруд. (Б.)
6. Верх1на умцули, г1ур кьиц1бара. (Б.)
7. Жявли алзен, жявли калсен. (Б.)
8. Дуц1рум усадли, яни висуд. (Б.)
9. Урх1ла хат1аличи дукармак1уд.

Х1янчи 5. Подлежащее агарти ва белгиагар подлежащеела дег1ти предложениеби подлежащеела дег1ти детаахъирая.

Масала: Дураб ванали саби. - Дураб аргъ ванали саби. Нушала школалис трактор бедили саби. - Колхозли нушала школалис трактор бедиб.

1. Алхунти партизанти шила мякьла х1ярибихъиб.
2. Ц1яббиуб.
3. Нушачибад ита гъарахъли саби.
4. Наб сагаси х1ева бирули саби.
5. Пат1имат руч1ахъес рурхъули сари.
6. Жявли калхъен, жявли алзен. (Х.б.)
7. Ца някълизи к1ел гажин дуцадли, к1елра дялчан. (Х.б.)

§ 14. Объектла бег1, объектагар ва белгиагар объектла бег1 предложениеби.

Объектла бег1 предложение или бик1ар, сунезиб гъанбушили объект лебси яра, гъанх1ебушибкъи, ил белгили иргъуси предложениелис.

Масала: 1. Айбикани мурул ганзухъличи бикайчи гъунивватур. (М.-Р.)

2. Г1айшатли х1ези жуз гибу? - Гиб. (Ишаб уббатурси объектли биубси жуз ибси дев гъамадли иргъули саби.)

Объектла бег1 предложениела сказуемое мурталра чеббурхуси глаголли иргъахъуси саби, подлежащее - имц1аливан актив падежли яра

дебали камли лугу падежли (Дудешлис цледеш дебали дигахъу.) Сунезиб гъанбушили объект агарси предложениелизиб, ил гъамадли иргъули саби гъалабси предложениелизибад. (Г1яйшатли х1ези жуз гибу? - Гиб.)

Объектагар предложение или бик1ар сунезиб предложениела кархъни х1ясибли (Сказуемое чеббурхуси глаголли, подлежащее актив падежли аргъахъибси) объект биэс г1яг1нисикъира, ил агарси предложениелис. Масала: 1. Дурх1яли нешлис кумекбариб. 2. Нуни г1ях1цадх1и ях1барра.

Белгиагар объектла бег1 предложение или бик1ар сунезиб объект се сабил таманни якьинни ах1енси предложениелис.

Масала: 1. Ма, шинна бержа. (Бужуси шинна кружав, стакану яра се сабил якьинни ах1ен.) 2. Нуни ишбарх1и къац1ла беркунси ах1ен. (Бут1ав, кесеку яра ца сегъуна сабил къадару белгили ах1ен.)

Х1янчи 1. Белч1еная. Объектуни дек1ардарая. Объектагарти ва объект белгили ах1енти предложениеби даргая.

1. Душмайс ч1умали бяхъяя!
2. Урчилис г1ярчимагли мабирхъидну, мухъили бяхъя.
3. Нуни дугели чебиули ах1енра.
4. Абушалли, бирар кабашан.
5. Итини вайт1а бикъули саби.
6. Рухънани иргъули ах1ен.
7. Нуни гъамла х1ергъира.
8. Х1янчили валха, азгъиндешли гуширу.
9. Хъирхъали бец1 х1ербируси т1ярхъи баргиб. (М.Къ.)
10. Хъирхъали к1елра унрачи букъес къасбариб. (М.Къ.)
11. Нушани хъатбяхъира, Аминат делхъли карухъун. (Р.Р.)

Х1янчи 2. Белч1еная. Объектла дег1ти предложениеби черделк1еная. Г1урилти предложениеби сегъунти журала сарил, бурая.

1. Къукъули ахъли т1амадариб.
2. Ц1яббиуб.
3. Сек1ал чебиули ах1енри.
4. Х1уни чуйнара ири. (М.-Р.)
5. Буч1улра, г1урра буч1улра, амма аргъес вирули ах1енра. (Х1.Г1.)
6. Батирайлис г1урра гъанаур ... (Х1.Г1.)
7. Дудешли балулри. (Х1.Г1.)
8. Чуйнара муэрли чебаира. (Х1.Г1.)
9. Жяг1ял пикрибаресли батурра. (Х1.Г1.)
10. Чях1ъили заб чекъур.

Х1янчи 3. Точкабала мерличи объект имц1абирули, чеббелк1еная.

1. Ишди ... чили дарибти?
2. Комбайнали биршибси хъучир калунти ... дурчутури.
3. Агъ, сецад ... дурибара илдани?!
4. Илдани тамашала ... алк1ахъулри.
5. Рабиятлира сунела ... гъаниркахъулри.
6. Нуни ... белк1унра.
7. Нешли наб ...асиб.
8. Илини сунела ... халаси х1урмат бири.

Х1янчи 4. Объектагарты ва объект белгили ах1енти предложениеби объектла дег1тачи шурдатурли, делк1еная.

1. Илх1ели итдани ч1ярла бакъили саби.
2. Вашину, чайла бержа.
3. Нушани хъатбяхъира.
4. Душмайс ч1умали бяхъяя.
5. Итини вайт1а бикъули сай.
6. Нуни бисала бикъулра.
7. Лебил лех1кахъиб, г1ур цали хъарбаиб.

8. Нуни илкъяйда ах1енри х1ези ибси.

Х1янчи 5. Ишди существительноеби ца предложениелизир подлежащее диахъубли, итил предложениелизир объект диахъубли, предложениеби пикридарая.

Ват1ан, диги, мардеш, гьалмагъдеш, унра, узикъар, гьинта, урчи, гъира, хъул, къас, сабур, инсан, адам, адамдеш.

Х1янчи 6. Текстлизир объектуни даргая, илди сели аргъахъилил, чуну сегъуна суайс жаваб лугулил бурая. Гъарил предложение чиди сабил объектагар, объектла бег1, белгиагар объектла бег1 сабил, бурая.

1. Бухъна бец1 ц1ябил дугира чебх1ебулк1ан.
2. Бех1бихъес гьамадли бирар таманбаресличиб.
3. Вег1ла хяли ваталли, урх1ла буц1ара валта.
4. Азгъиннис барх1и жявли абулхъан.
5. Нуни гурдаличи хъарбарра, гурдали - къуйрукъличи.
6. Урчи агарих1иб, эмх1ера урчи саби.(Буралаби)
7. Дила машиналичив аркури. (Х1.Г1.)
8. Аргъира, аргъира, урши. (Х1.Г1.)
9. Айбикани мурул ганзухъличи бикайчи гъунивватур. (М.-Р.)

§ 15. Уахъ предложение.

Сказуемое агарли, ца бек1 членнизибадцун
(подлежащееелизибадцун) цалабикибси предложениелис уахъ
предложение или бик1ар. Илгъуна предложениелизиб чиди-биалра
сек1а, баркъудила яра анц1букъла у ахъили, г1ур иличила селра х1ебуру,
ч1янк1ли ил х1якъикъатлизиб лебниличибла балахъу.

Масала: Сага Мешебейла къуш. Итат1иб вац1а. Гъарахъ-гъарахъли дях1или дуцибти дубурти. Лусенти. (С.Х.)

Ик1ди предложениебазир подлежащееби "сага, кѣуи, вац1а, дубурти, лусенти" лер, амма илдачила селра бурили ах1ен. "Мешебейла, итат1иб, гъарахъ-гъарахъли, дях1или дуцибти" ибти к1иибил даражала членти сари.

Уахъ предложениеби имц1аливан художественная литературализир, буралабазир ва багъирабазир дузахъу. Уахъ предложениебала кумекличибли писательтани ва поэтунани чула произведениела бех1бихъудлизир къант1ли ва лебг1еб саркъахъили баркъуди кабиркуси замана, мер г1ячихъли сипатдиру.

Масала: 1. Рахли лямц1. Кѣукъу. Г1урра кѣукъу, г1урра лямц1. (С.Р.)

Уахъ предложениебази халдирути сари жузала, газетабала, журналтала уми. Масала: 1. "Даргала рурсби", "Дубурла хъунул адам", "Лачин", "Универмаг", "Столовая"; кафе "Чат1а" ва ц.

Х1янчи 1. Белч1еная. Уахъ предложениеби дек1ардарая.

1. "Овод". Иш жуз кайсис нуни белч1ес, абадай! (Г1.А.-Б.)
2. Ита дум-дум, иша дум-дум, дубурла г1ела дум-дум. (Багъира)
3. Авлахъ - шишала, дубани - урца. (Багъира)
4. Алавчарли шин, цугдайнир - ц1а. (Багъира)
5. Х1унт1ена т1ениличир, х1ябц1али ц1уб мукъара. (Багъира)
6. Кафе "Салам"
7. Бацла шаласи дуги саби.
8. Х1ера, иш вац1а!
9. Шагъарлизи детаилра, ахъти ц1уба хъулрала гъалар сарра.
10. Х1еб улкъайлизи къут1дик1ули сари, азбарлабад яни дуг1иули саби.
11. Берх1и диг1янбикиб. Ц1ябкабиуб. Кахси лех1деш.
12. Ил барх1и Ражабхъала агълула ибти лебилра дург1ела цах1набикиб.
13. Кѣукъули ахъли т1ама дариб.

Х1янчи 2. Текст саркъахъили белч1еная ва уахъ предложениеби черделк1еная.

21 ибил барх1ила савли. Мях1ячкъала. Барх1ехъличивад савлиличи бикайчи ц1а гъунила мякълавра.

Дяг1. Зубарти. Бац. Жан гъарзадеш лерих1и гъуц1ли сари. Зубартала шалалиур чедиули сари заябарибси тухтуртала эшала, бинтани, жаназуни, дигубти вагонтала къаркълumi.

Дяг1. Нуша дила сура г1ябали к1ап1кадирулра.

Х1ера иш урхъу! Х1ера ишди, дила жагъдеш!

Ил хапрарили ва сунечи г1инирарили: "Аркъулигу гъари илди, нушала г1ямру!"

Къялкъли лак1дарибти галгуби, зурба галгуби. Къялкъ х1унт1ендиубли сари, бухъна галга х1унт1ена гъалайхъай гъалабарили саби. Дахъал лер илдигъунти цунти ах1макъ галгуби-цализирад ца тййдили.

Лех1си урхъула дубла кайилра, кайилра х1ебелк1унси рагъамла чиди-саял геройван ва г1яшли шивк1ивик1улра: "Каспий, Каспий!"

(Э. Къапиев "Дявтазир дарибти белк1ани")

Х1янчи 3. Чиди-биалра ца художественный жузлизирад вец1ал уахъ предложениеби черделк1еная. Подлежащеела уди тугъаая.

§ 16. Бек1 члентала къадар х1ясибли предложениела жураби.

Сунезир бут1акъяндеш дарибти бек1 члентала къадар х1ясибли царка предложениеби х1ябал журала сари: х1ябал составла, к1ел составла ва ца составла.

Х1ябал составла предложение или бик1ар сунезир х1ябалра бек1 член гъандушили лерси яра гъанх1ебушибкъи, илдала ца яра к1ел гъамадли иргъуси предложениелис.

Масала: 1. Бук1уна маза дубуртачи чардариб. 2. Дудешли дурх1ялис гъайми дарибу?- Дариб. Гъаларти к1елра предложениелизир х1ябалра бек1 член (подлежащее, сказуемое ва объект) гъандушили лер. Г1ергъиси "Дариб" ибси предложениелизир к1ел бек1 член (подлежащее ва объект)

гъандушили агара, амма илди гъалабси суалли биубси предложениелизирад гъамадли иргъули сари, сенахленну жавабли биубси "Дариб" ибси предложение "Дудешли дурх1ялис гъайми дариб" или иргъули саби.

К1ел составла предложение или бик1ар сунезир к1ел бек1 член (подлежащее сказуемоера яра сказуемоера объекта) гъандушили яра гъанх1едушибкъи, иргъули лерси предложениелис.

Масала: 1. Илх1ели Айбикала пикри барсбиуб. (М.-Р.) 2. Х1ушачиб заб дарибу? -Дариб.

Ца составла предложение или бик1ар саби ца бек1 членнизибадцун бетаурси предложениелис.

Масала: 1. Гъаргалаб буг1ярли саби. 2. Анда ц1уба тййличив хъули чарулхъи дудеш. (Г.Б.)

Ца составла предложениеби сари подлежащееагар ва уахъ предложениеби.

Х1янчи 1. Состав х1ясибли предложениела жураби дурая.

1. Амма илис шилизибх1 гъуни г1ек1илри. (Х1.Г1.)
2. Анастасия дурх1нира сарира Смоленсклизи нешличи шадир аррякъи сари. (Х1.Г1.)
3. Рурси реткахъила, чумал дус ардякъун. (Х.х.)
4. Ва Хасай, синка-минка, г1яра-мара чех1едаирив? - Х1едаира, валлагъ.
5. Ятим урши гелешмешличи хъайчикайили сай. (Х.х.)
6. Ва, дурх1ни, чинаба гъая? (А.-Б.)
7. Дила пикри х1ясибли, заб х1едиру. (А.-Б.)
8. Нуни дила мякълаб т1амала бикъулра. (А.-Б.)
9. Илизи ил дигайличила, илдала жагадешличила гъайрик1и. (М.-Р.)
10. Илх1елира илала пикрумас Гулжанат ургарулхъулри. (М.-Р.)
11. Илад урхъула дуб хъатлабван чебиулри. (Х1.Г1.)

Х1янчи 2. Текст белч1еная. Гъар предложениела грамматический хьулчи баргая. Чум бек1 член лера гъар предложениелизир.

Г1улухъа эшелонничив фронтлизи аркъули сай. Шишимик1ули сай. Гъанна-гъанна чедиу ах1ерси ши, ах1ерти авлахъуни, вац1а. Амма ши агара, калунти дигубти печани сари. Къянбала х1енкъра. Г1улухъа т1ашли сай, дехла вагонна унзала шулумзаличи хъяхъили. Х1улруми къут1дик1ули сари. Ляжубикад биалли - нургъби гердик1ули. Ва хапли ц1ала гъундурала х1янчизарла къаралди. Се сабил ах1ерси ва гъамси леб ил къаралдилизиб. Гъамли, гъат1ира гъамли чебиули сай.

-Неш.

Ил неш сари. Илинара урши вагъур. Поездлис г1ергъи дуц1рухъун, г1еббитрикиб, карикиб.

Г1елабадси станциялизиб поезд бахъх1илис т1ашбизур. Будкализи зянкъдыхъибх1ели, неш рак1иб. Иллини уршилис урти палтар, къац1 ва мяржбиубси тапанча дедиб.

Х1ябал урши фронтлизиб саби, селра калунси агара.

Ил уршиличи хъябруцрашули сари. Чилилра нургъбира диг1яндирули ах1ен, ц1ахбилзули ах1ен.

(Э.Къапиев "Дявтазир дарибти белк1ани")

Х1янчи 3. Предложениеби, чула состав барсбиэсли дарсдирули, черделк1еная.

Масала: Рурси разириуб. -Нуни рурси разирияхъубра. Ишад дубурти чедиу. -Ученикунани илди дубурти чедиу.. Дурх1яли илгъунара х1янчи бири. - Дурх1я илгъуна х1янчили вири.

1. Ит хабурта угъули сай. Рузи жузли руч1ули сари.
2. Нуни къар бердира.
3. Илгъуна къанси замана общежитиелизи ах1ейц1ахъу.
4. Дудеш дебали пашманиуб.
5. Ишаб гажин жявли бирц1ур.

6. Нуни ит нушачи ваклахъира.

7. Неш дурарухъун.

Х1янчи 4. Х1ушани бучлуси яра царх1ил произведениелизирад клел х1ябал составла, х1ябал яра клел составла ва ца составла предложение даргая ва илдала синтаксический разбор барая.

§ 17. Таманси ва таманах1енси предложение.

Сунезир диэс г1яг1нити члентала (дугьбала) цалра член убх1ебатурси предложениелис таманси предложение бик1ар. Ца, клел, х1ябал составла предложениеби таманти сари.

Масала: 1. Ишбарх1и ванаси барх1и саби. 2. Шаладикили сари. 3. Ц1яббиуб.

Таманти сари подлежащеела бег1, подлежащееагар, объектагар, белгиагар подлежащеела бег1, белгиагар подлежащеела бег1, белгиагар объектла бег1 ва уахъ предложениебира.

Сунезиб биэс г1яг1ниси чиди – биалра (бек1 яра клиибил даражала) член уббатурси, амма ил член гьамадли иргъуси предложениелис таманах1енси предложение бик1ар.

Уббатурси член иргъуси саби гьалабси предложениелизибад яра агикъяйдализибад.

Масала: Х1ябалра хъунул адам къалабали батбихъиб. *Алавчарли х1еръиб. Г1ур школала гьалаб т1ашбизур.* Ишарти Алавчарли х1еръиб. Г1ур школала гьалаб т1ашбизур ибти предложениебазир, гьалабси предложениелизибад иргъули или, *илдани, илди* ибти подлежащееби урдартули сари. (*Илдани алавчарли х1еръиб. Г1ур илди школала гьалаб т1ашбизур.*)

Таманах1енти предложениеби имц1аливан диалоглизир (адамти гъайбик1ух1ели) къаршидиркур. Уббалтули бирар предложениела чиди-дигара член.

Масала: - Чи вак1иба?

-Карим.

-Се хиба?

-Селра х1ехиб.

-Г1ур чина арякьюна?

-Сунела рузихъаличи.

Цацах1ели цалабяхъ сказуемоела бигъни гъанбушили, ил ах1енти, лерилра дугъби урдатурли дирар. Илра таманых1енси предложение саби.

- Х1у вик1уси мар сабив? – Саби.

Иличи ург1ебли, цалабяхъ сказуемое гъалабси бут1ара предложениела царх1илти члентира гъандушили, бигъни уббатурлира бирар.

Илгъуна предложение биалли таманси предложение саби:

- Х1ерая, х1ерая г1яра бебшили.

Предложениела член бархъбатни ирнилизиб т1ашизниличил бала, белк1лизиб биалли илала мерлаб тире кабалта.

Х1янчи 1. Белч1еная. Таманти ва таманых1енти предложениеби дек1ардарая.

.....Баягъи Мях1яммадов Вали кьалтинничив чедикибх1ели, Вайсла ляжурбачирад хъара-хъарагъунти нургъби чях1духъун. Се нургъби сарри илди: разидешла яра кьуткьудешла?!

.....Абзани тамандиубх1ели, мушлукъа Вали кьакъала дуравхъайчи, Вайс дурав иличи х1ерлири. Гъамагъунала кьукъяличили СССР-ла мушлукъа дуравхъунх1ели, Вайс иличи гъамиуб ва я разидешла, я пашмандешла мяг1на агарси тамашала руржуси т1амаличил урус мезли хъарбаиб:

-Чевверхи, х1у чинавадсири?

-Дагъистайзивадсира.

-Чиди миллатла сайри?

-Дарган.

Вали тамашавиуб, т1ак1изур, илала садерхурти х1улби журугдиуб:
«Нушала мез далуси чи немец яра урус вируси иш?! Германиялизив?!»

(Расул Бях1яммадов «Хабарагарси анц1букъ»)

Х1янчи 2. Таманах1енти предложениеби таманти предложениебани дарсдарая.

-Х1ела чай дярг1или дургар

-Г1е, г1е дярг1или дургар.

-Чайличил иш барх касса, бизиси саби, - малх1ямли рик1ар унра, пирогра дисличил бут1надбирули. – Нуни барибси саби.

-Баркалла, рурси. Урши усаив?

-Г1е.

-Чум дус виублив?

-Шел баз.

-Чи бик1ара?

-Г1усман бик1ар, нушала багъадур Г1усманхан сай. (А.А.-Б.)

Х1янчи 3. Ишди суалтас жавабти лук1ули, диалог барая ва белк1еная. Таманах1енти предложениеби дек1ардарая.

1. Даг нушачи вак1ибси чи сайри?

2. Ил чинад вак1ибсири?

3. Илис чи бик1усири?

4. Сен вак1ибсири?

5. Се дирути илис картошка?

6. Чум кило асиба?

7. Селичир ардухиба?

Х1янчи 4. Цацадех1 буралаби учидяхъ предложениеби дирар. Илдала ца бут1а таманси царка предложение бирар, к1иэсил – таманах1енси. Буралабазир илди чедаахъая, черделк1еная ва, тире сен кабатурсил, бурая.

1. Мургъи дурхъали бирар, яз – дург1ели.

2. Яни бурх1ни къант1ти дирар, дугурби – духъянти.

3. Северлизиб буг1ярли бирар, юглизиб – ванали.

4. Гъабзала цадех1 дях1 дирар, ханжа – к1идех1.
5. Дурав –шала, шав – шаха.
6. Савли – берх1и, барх1ехъ - бац.
7. Бержибх1ели – гъалбец, х1ебержибх1ели – эмх1е.

Х1янчи 5. Дев уббатурси мерличи тире кабатырая. Таманых1енси предложениелизиб тире кабатни бархъли биъни кабизахъирая.

Х1янчи баррив х1екъ каса, х1ебаррив някъ гъамабалтад. (Г1.А.-Б.)

Илдазивад ца Навруз сайри, итил Сапар. (Г1.А.-Б.)

К1елра илди Таркамази аркъули, ну Дербентлизи. (Г1.А.-Б.)

Аминат вец1ну к1ира дус риубли сари, ну биалли вец1ну авра. (У.Ш.)

Хала неш урус сари, рурсила урши Х1яжимурад виалли дарган. (Г1.А.-Б.)

Мирхъи бишт1аси бирар, илини бурчуси давла биалли дубурацад. (Г1.А.-Б.)

Ну илдачи шадив вашус, саби набчи. (Х1.Г1.)

Царка предложениела синтаксический разбор бирнила тях1яр.

Разборла гъаб-г1ергъидеш.

1. Предложениела грамматикалашалси хъулчи баргая.
2. Иргъуси мурад ва интонация х1ясибли предложениела жураби дурая.
3. Бурая, предложение чум составла сабил.
4. Бек1 членти лерни х1ясибли сегъунти предложениеби дирара, бурая.
5. Бурая предложение т1инт1сил, т1инт1си ах1енсил.
6. Предложениела членти х1ясибли разбор барая. Бурая, предложениела членти чиди гъайла бут1ни сарил (гъала дургути сари, к1инайс-к1иибил даражала членти, сарира подлежащеела ва сказуемоела составлизи кадурхути).
7. Г1яг1нити членти лерни х1ясибли предложениела жура бурая.

Разборлис мисал.

Батирайли ургъур урчила ялличи лайкабак1иб ва акъубухъунси някъли варгъила дукала шайчибях1 игъуб. (X1.Г1.)

Батирайли – подлежащее, существительноела актив падежли аргъахъибси.

Лайкабак1иб – сказуемое, глаголли аргъахъибси.

Ургъур – объект, существительноела уйхъу падежли аргъахъибси.

Дукала - объект, существительноела уйхъу падежли аргъахъибси.

Лайкабак1иб – (селичи?) ялличи – дополнение, существительноела гъамдешла падежлизиб бак1ибси.

Ялличи (села?) урчила – балхебикибси определение, существительноела хас падежли аргъахъибси.

Игъуб (чинабях1?) шайчибях1 – мерла аги-къяйда, существительноела бях1чибиз падежлизиб бак1ибси.

Игъуб (сели?) някъли – дополнение, существительноела актив падежли аргъахъибси.

Някъли (чиди? сегъуна?) акъубухъунси – балбикибси определение (жнслизиб ва къадарлизиб балбикили саби), причастиели аргъахъибси.

Дукала (села?) варгъила – дополнение, существительноела хас падежлизиб бак1ибси.

Батирайли (сущ.) *ургъур* (сущ.) *урчила* (сущ.) *ялличи* (сущ.) *лайкабахъиб* (глагол) *ва акъубухъунси* (причастие) *някъли* (сущ.) *варгъила* (сущ.) *дукала* (сущ.) *шайчибях1* (сущ.) *игъуб* (глагол). (Царка, хабарла, х1ябал сосавла, т1инт1си, таманси)

§ 18. Предложениела ца журала членти.

Цаладяхънила гъуйчил дархдасунти ва сари союзунани яра интонацияли цализи ца дигъунти предложениела члентас ца журала членти или бик1ар.

Ца журала члентани ца суайс жаваб луга ва предложениелизир цагъунти членти диубли дашар (ца журала подлежащееби, сказуемоеби, объектуни, дополнениеби ва аги-къяйдаби).

Масала: 1) *Члакни, лачинти, чатІни* ва чякни гІиниз умубарес билхъаличи дурадухъи сари.

2) *Халкъ багълали* ва *рахІятли* башулли.

Ца журала членти чумал девлира аргъахъили дирули сари.

Масала: Илар лерри *закван хъанцІа, дяхІиван цІуба, цІаван хІунтІена вавни.*

МягІна цІакъбарес тикрардарибти дугъби ца журала члентази халдирути ахІен.

Масала: 1) *Вашулла, вашулла; амма ветиули ахІенра.*

2) *ПатІимат вяррикІар, вяррикІар* ва *гІурра вяррикІар!*

Ца журала членти цализи ца дилгъа интонацияличил (союзуни агарли) ва союзуначил.

Масала: 1) Чяка *тІяхІбикІули саби, бучІули саби, бархІиличи разили саби.*

2) *ГІежара кецІара* хъули чардиуб.

1. Союзуни агарли, интонацияличил дигъунти ца журала членти запятаяличил декІардирути сари.

Масала: ДиштІати *хІуркІби чІичІалаван лас-ласкадиубли сари, хъулухъма диркъули сари.*

2. Сари – *ра-ра, -я-я, -я-яра* союзуначил дигъунти ца журала членти запятаяличил декІардирути сари, кІиличир имцІали диубхІели.

Масала: 1) *ГІярГІара, дагъара, кІуркІурра* хъа арцанти сари.

2) *Я Мухтар, я ХІяжи, я ГІиса* ишбархІи гумаилаб аги.

3. –*ну, -гу, амма (аммаки, ваама)* ибти союзуначил дигъунти ца журала членти цализирад ца мурталра запятаяличил декІардирути сари.

Масала: 1) *ТІамали бируси автобус ахІенну, троллейбус саби.*

2) *Къараул айзургу, итхІайзив кайиб.*

3) Дила унрала хя халаси *ax1en*, амма *g1ax1gъабза саби*.

Предложениелизир ца журала членти диубх1ели, илдас гьалар яра г1ергъи обобщающий дугъбира дашули дирар. *Обобщающий девли гъандушибти лерилра ца журала членти дурусдиру*.

Масала: Нушала вац1урбазир имц1аливан кьаршидиркур дяг1ути к1ап1рар галгуби: *миг, пурти, жяр, бириз*.

Обобщающий дев ца журала члентас гъалаб бак1или биалли, илис г1ергъи к1ел точка кадалта.

Масала: Нуша дарх дирутира гьар-чинаралра: киноличирра, шадибгъуйчирра, х1янчиличирра. (И.Х1.)

О: О,О,О.

Обобщающий дев ца журала члентас г1ергъи бак1или биалли, илис гъалаб тире кабалта.

Масала: Дубурти, къадурби, шурми, х1урк1би, галгуби ва арцанти – гьар сек1ал дец1лизи дикилри. (Г1.А.-Б.)

О,О,О,О,О ва О-О.

Х1янчи 1. Белч1еная. Ца журала членти дек1ардарая. Илди предложениела чиди члени диублил, белгибарая.

- 1) Нешли мез мях1камли х1ердарая, илдачи дигиличил х1ердик1еная, илди дуч1еная ва дигахъеная.
- 2) Х1ерк1ла итил шайчир мигла, хурла, пурпила ва махъла вац1урби сари.
- 3) Шила г1елав нушаб г1евваиб ахъси кьаркъа, авц1али дусла, ч1укъаси адам.
- 4) Ухъна Кьадини дуц1румла бех1бихъудлизиб ва г1ебшнилизиб варъа кайсу. (М.Къ.)
- 5) Илди Г1ябдуллагъли ва Г1ялини хала дудешличил дарх мирхъилис или удатуртири. (М.Къ.)
- 6) Зак хъанц1ли ва умули саби. (М.Къ.)

- 7) Ил гъачам дивайчи кайри, гъачам улкъайличи гъамири, гъачам жузлизивад учлес кайри. (М.Г.)
- 8) Нуша цали ца дагъурра ва юлдашуни детаурра.
- 9) Дила пикрумира, дила ура, дила къиянра Россияла вегледешлизир дирар.

Х1янчи 2. Белчленая. Ца журала членти бархъси интонацияличил делчленая. Илди предложениела чиди членни даклилил, бурая?

1) Иличи лехлихъути гъачам бяхъес къяйда хункли члумадалири глесибирутири, гъачам ахъли дукарклиутири, гъачам вях-или хъатбиклутири. (И.Б.)

2) Ил разиси, халахлерхуси, хлякыкыат балуси, ургабси ахъдешла адам сайри. (С.З.)

3) Глякыакъализирти дургъбазиб нушалайчиб камли ахлелхун Ахъушала, Лавашала, Кутишала, Уллугляяла ва цархилти шимала адамтира. (И.Б.)

4) Илмадан Глялибег дуцли саиб, яхши-хуш дариб, ва баягъи ил биштласи хъули Хлусен арукиб. (И.Б.)

5) Бакула ялчнала хабуртани Миклхила давлачебтала ва маллубала гъанк1 бемцлахъур. (И.Б.)

Х1янчи 3. Чеббелкленая. Ца журала членти сегъунти союзунани цализи ца дигыл бурая.

Ахъли баклибси бириз, яра авадан пурпи, яра миг, яра махъ кадыхъяхъес хлебалтас. (Х1.Г1.)

Хъярбала, глинцбала, хивла, жунабла галгуби удирхъуси вацлалацун ахленну, дурхлнала шадиб гъундурала душман сай. (Х1.Г1.)

Вацлала мицлираг гъалар дахъал дири, амма гъанна вецлнали камдиубли сари. (Х1.Г1.)

Гъанна Къадис я гъайиклес, я хлериклес, я селичила – биалра пикрииклес дигули ахленри. (Х1.Г1.)

Галгуби я вавнах1ядяхъиб я цледешли хледерхъиб. (Г1.А.-Б.)

Урчи асес или ца адам гъамиубгу, багъалра хлебурахъили, арякъун.
(Р.Р.)

Нух1 багълали айзур ва ганзиличивад азбарла кац1иб. (Р.Р.)

Цайкъяшмали ва цайбек1ли нуша нешанас глергъи дуц1дик1улри.
(Р.Р.)

Гъачам нушачи я балагъ-къадар я аги-гаши дак1или ахлен. (Х1.Г1.)

Урши виаб, рурси риаб-дек1ардеш агара. (Х1.Р.)

Хъунулра бара жагъируси уршира шилизиб батурра. (Х1.Р.)

Х1янчи 4. Союзуначил ва интонацияличил дархдасунти ца журала членти дек1арли черделк1еная.

Къаякентла заказник

Дагъиста дубуртас гъалабси мерла байлаб саби Къаякентла заказник. Ила кадурхули сари Х1ямри хлерк1, Къаякентлара Сергокъалалара районти. Заказниклизиб бахъал халкъ хлербирули саби: Сагал Мугри, Къянасирагъи, Бурдеки, Х1улли, Башликент, Къаякент, Х1ямри, Усемикент ва царх1илти. Ил ак1ахъубси саби 1974 ибил дуслa сентябрь базлизиб. Ишар халати к1ап1рала дег1ти галгубала вац1урби лер. Мях1камдирутазирад сари цурми, барткелла журала г1ежни, вац1ала гатни, къар г1ярг1ни.

Духълуми ранг-ранглати сари: мигла, шимла, хурла ва царх1илти журабала зумати вац1урби къаршидиркур. Мякълар дахъал къадубира къарра лер. Вац1урби давлачерти сари дуг1ла хъярби-г1инцбачил, гимирх1уначил, аличибачил, жунабтачил ва цацадех1 царх1илтачил. Жура-журала дахъал къаранира дирар, илди-ургар-дарман дирутира. Къаршидиркур ч1ич1луми, х1елхъни, гурдни, х1явбуц1и.

(Ибрагъимхалил Мях1яммадов)

Х1янчи 5. Белч1еная ва ца журала членти дек1ардарая. Бурая, илдала цацадех1тала урга сен запятаяби кадатурлил яра ках1едатурлил.

- 1) Илди гъайра дурили, бук1ун хъулилад дуравхъун ва, мурдайили, дубуртазивях1 ватихъиб. (Р.Г1.)
- 2) Нешра дудешра мурхъти пикрумази ахъиб. (Р.Г1.)
- 3) Шурмази чегили, рамчани т1амалидиркьюли сари ва хъулухъмадиркьюли сари.
- 4) Шара халаси ах1ен, амма баари гъарзаси саби.
- 5) Дях1ира миъра царх1ил х1яйзирти шин сари.
- 6) Пикрумира, гъанбикунира, муэртира дархдикиб.
- 7) Илдас гъунибаэс башулри нушала нешани, рузби, хала дудешхъали, хала нешхъали. (И.Х1.)

Х1янчи 6. Ишди дугъбачи обобщающий дугъби чедалтули, предложениеби т1инт1дарая.

Глибрат: жузи, тетрадуни, ручка ва къалам-мурталпра х1ядурли чула мерличир диэс чебиркур.

- 1) Г1инц, хъяр, курега, т1ут1и.
- 2) К1ач1а, к1уц1ул, къям, шанг.
- 3) Дугели, савли, барх1ехъ, х1ерели.
- 4) Г1иса, Пат1и, Мухтар, Муи.

Х1янчи 7. Ишди обобщающий ца журала членти дак1ахъили, предложениеби пикридарая ва делк1еная.

Глибрат: унц, къял, маза ва эмх1е – нушачир имц1али къаршидиркути миц1ираг сари.

- 1) Дуг1ла жаниварти.
- 2) Гъар-чинабалра.
- 3) Ризкъи.

Х1янчи 8. Багълабирнила ишараби кадалтули, чеббелк1еная.
Обобщающий дугъбала уди тугъаая.

- 1) Бишт1ати дурх1ни жагъилти бухънаби саби – сабил канцелярияла гъала цалабиркесбях1иб. (У.Ш.)
- 2) Башар ила къац1 берц1ес унруби Разиятра Бахура Хамисра Серминазра Сайгибатра Нуржира Сажигетра. (И.Х1.)
- 3) Ца бях1личи даршили ярагъ сари ханжалра шушкара. (Г.А.-Б.)
- 4) Къасурбачи кадихъили хъа ваях1 шунри к1алт1ни къумри гажинти дишт1атира халатира.
- 5) Ибрагъимличи ва уршиличи илдала балликъянаби Х1ясан ва Х1усен х1ерлири. (Р.Г1.)
- 6) Х1ясай Х1усей Ибрагъимли къалайчибани чула уми ярга-яргали дуриб. (Р.Г1.)
- 7) Разиси даим масхурта угъуси Мажид лебтасалра урусунас грузинтас азербайжантас г1ях1илзи. (И.Х1.)
- 8) Аркъуси саби Г1ялибегла юлдашуни Таймаз Къадимях1яммад Макашарип Исакъ Жамалудин ва Халимбек.

Предложениела члентази грамматикалашал дархх1едасунти дугъбачилти предложениеби.

Цацадех1 предложениебазир илала члентази грамматикалашал дархх1едасунти ва предложениела членни х1едиубти дугъби къаршидиркур. Илдигъунти дугъби сари дугъабизуни, урга дугъби (яра урга предложениеби) ва дек1ар-дек1арти междометиеби.

Масала: 1) Сепайда, ил наб чезс х1ебикиб къадин!

2) Агъ, х1ябилра вайси барри х1уни!

Дугъабиз.

Гъайик1уси адам чичи яра селичи дугъаилзулил иргъахъуси девлис яра дугъбала цалабиклис дугъабиз или бик1ар.

Масала: 1) Муса, ваши анхълизи аркъехле.

2) Дерхъаб хлушала мухъи, багъадур ванашикунт! (Г1.Б.)

Г1ядатли биубли, дугъабизли бируси саби уйхъу падежлизисси существительное. Амма цацах1ели дугъабизли диубли дашар хас падежлизисси существительноера, жура-жура прилагательноебира, причастиебира.

Масала: 1) Ваши, *узила*, ваши!

2) Кайи, *ах1ерси*, иша кайи!

3) *Гъайдик1ути*, цакамси замана паргъатдиирая, гъари!

Далуйтазир, хабуртазир дугъабизли диубли дашар миц1ирти ах1енти сек1улти иргъахъути дугъбира.

Масала: *Ц1ирк1ли духъун ц1уэри*, духа дилара салам! Ва дяг1, бак1или нушала ери-юрт уфдарили умударагу! (Х.х.)

Дугъабизуни дирар т1инт1ти ах1енти ва т1инт1ти.

Т1интси ах1енси дугъабиз или бик1ар ца девли аргъахъисси дугъабизлис.

Масала: Х1ела рурсила къас сегъунав, Хадижа? (А.-Б.)

Т1инт1си дугъабиз или бик1ар чумал девли аргъахъисси дугъабизлис.

Масала: Гъанбиркуру, ах1ерси Хадижа? (А.-Б.)

Дугъабизуни дирар предложениела бех1бихъудлизир, ургар ва ахирлизир.

Белк1лизир дугъабизуни запятаяличил дек1ардирути сари.

Масала: 1) *Гъалмагъуни*, хлушачи дахъал х1янчи хъарли сари. (Р.Г1.)

2) Даширая, *дила ах1ерти дурх1ни*, нуша хлушачи х1ерлира. (Г1.А.-Б.)

3) Халкъ вайти биэс х1ебирар, амма бахълизиб вайтира камх1ебирар, *Мях1яммад*. (Р.Г1.)

Предложениела бех1бихъудлизисси дугъабиз хасси урк1ила х1яйчил ирули биалли, ил вявла ишараличил дек1арбиру. Илис г1ергъи предложение халаси х1ярпличил бех1бирхъу.

Масала: *Къурумсакъуни!* Сен дебали г1ялахажадик1улрая?! – или дурх1начи вех1изур. (Р.Х1.)

Ишара: Дугъабизлис гьалар диэс дирар *эй, жав, эгье-гьей, эгьей, ва, жан* ибти междометияби. *Эй, жав, эгье-гьей, эгьей* запятаялчил дек1ардиру, *ва, жан* биалли – дек1арх1едиру.

Масала: 1) *Эгье-гьей, г1яюркьяби,* х1ушала дару кадерх. (Р.Р.)

2) Вак1ади кьалли рахли, *ва Г1ямарла Батирай.*

3) *Жан урши,* рахъ карц1риубрагу ну х1ечи! (Р.Г1.)

Х1янчи 1. Багълабирнила ишараби кадалтули, чеббелк1еная.

1) Ассаламу г1ялайкум ва Мугрила юзбаши! Ва г1ялайкум ассалам ва Г1ямарла Батирай чевухъен хъурабара! (Г1.Б.)

2) Заб заб заб мурт кадурхути х1ушала дузаб?! (Р.Р.)

3) Чина аркъусири х1у дила рурси чесабаили яни биалли?! (Х1.Г1.)

4) Гъу аризидила хуху кабихъа нушаб азихъ. (Х1.Г1.)

5) Ну зяг1ипли х1ериасри узикъар ил набчив х1ериусири. (Х1.Г1.)

6) Ил бархъси саби дила урши. (Х.х.)

7) Ассаламу г1ялайкум хъа хужаим лебу х1ечиб мер дурашан г1ях1айс? (Х.х.)

8) Нура язихълира неш. (М.Къ.)

9) Г1ябдуллагъ ну хала дудешличиди аркъяс. (М.Къ.)

10) Яраббиди унра г1ях1си хабар аргъилра кьалли! (М.Къ.)

11) Г1е дила юлдашуни ил ихтилатли Г1яли-Булатлизи дахъал сек1ал гъандикахъиб. (А.-Б.0

12) Бура бура ухъна ну лех1кахъилра. (А.-Б.)

13) Эгъ ухъна иличила хъарбиид или гъаналра биркуси ах1енри. (А.-Б.)

14) Гъу секъяйдагъ аги ухъна. (А.-Б.)

15) Дила гъай хъуммартид ази Г1ях1мад. (А.-Б.)

16) Гъели делг1еная адапти гъели делг1еная. (Р.Р.)

17) Х1ечилра урхъу берх1и х1ечилра, х1ушачил варх
талих1чевлира! (Р.Р.)

18) Дях1ц1илиу кадизур мазала дурзамти. Саламун г1ялайкум, эй
маза изанти. (Р.Р.)

19) Туришван ах1енра ну иша ац1ибси ва дила Дагъистан ва Кавказ.
(Р.Р.)

20) Жан узби илдала гъалавад ну иш куцличил армакабая. (Гъ.Ю.)

Х1янчи 2. Назму саркъахъили белч1еная. Дугъабизуни г1яг1ниси
тях1ярли делч1еная. Илди сели аргъахъилил, бурая.

Ва берх1и.

Ва берх1и, ахъри биха
Ахъдешличир алкахъес,
Х1ярх1убира ярагъра
Миъла къатван диц1ахъес.

Бац, дярг1ибти дях1 диха
Дунъяличир диахъес,
Х1ядурти дарула ц1акъ
Миъбачи шурбатахъес.

Мерс дакъена, х1ушара
Ярагъ дилхъул мерличир,
Къяраая х1ярх1уби,
Лишан касес х1ядурти.

Вулкантира, улкена
Адамла дард лебих1ир.
Дургъби айкъес къасани
Дебк1ес къас агарих1ир.

(А.Г1ябдулманапова)

Х1янчи 3. Ишди дугъби дугъабизли дихъубли предложениеби цах1надыхъя.

Глибрат: неш, унза абхъа, ну сайра.

Неш, г1ях1на урши, дила дигуси, ах1ерси, узикъар, къучакъ дурх1я, духуси рурси, Къяба, юлдаш.

Х1янчи 4. Ца девличил аргъахъибти ва т1инт1ти дугъабизуначилти предложениеби дек1ар-дек1арли черделк1еная.

- 1) Чевверхи, ах1ерси Ражаб, х1у набчивад.
- 2) Бура, гъалмагъ, набзи, чидил дусри ит, Донец х1ерк1 ахъибси ц1алиуб х1уни.
- 3) Х1ерая, дурх1ни, ц1убаби бебшилину!(С.Г1.)
- 4) Дила пергерла Марьям, русусири сен дек1ли? Г1ямрулизиб илгъуна х1ебиубсигу, марли. (С.Г1.)
- 5) Дила урши, урх1лизирад шут1ни-къунби аргъесличиб, х1ела гелешмешличила ва илала хъалибаргличила набзивад бархъдеш аргъадли г1ях1си саби.
- 6) Чех1ейулрав х1уни ну, исбагъи, муэртазив. (Къ.М.)
- 7) Лебг1еб зайбик1ахъули, белч1ен, Амирхан, далай, душмайчиб гъими ахъес, някъбази ц1акъ лябкъянну.

Х1янчи 5. Точкабала мерла мяг1наличи далдикибти дугъабизуни кадатирая ва чеббелк1еная.

- 1) Х1ушази бурес дигуси хабар ишгъуна саби,
- 2) Се биубли,? – илгъуна суайчил дугъаризур дила нешличи унра юртла гъаргаларад Айбала.
- 3), х1ела вях1ла ранг дарсдиублигу?
- 4) Релх1унрив,!

- 5), бурагу х1ела мурад.
- 6)! Хъайг1и ваши!
- 7) Ваши,, ваши.
- 8) Эй!, т1ашдизирая, гъари!
- 9) Жав,, рашигу Муслиматхъалачи аркъех1ену!
- 10)! се барилри, гъари, х1уни?
- 11) Бархъли бурая гъанна х1ушани набзи,

Г1яг1нити дугъби: ах1ерти ада-узби, ах1ерти юлдашуни, шанти, дила рузи, дудеш, адамти, рузи, дила, узила, гъаркъя доярка, Г1ях1мад, Султан.

Х1янчи 6. Текст чеббелк1еная. Дугъабизунала уди тугъаая. Запятаяби сен кадатуртил бурая.

Хала дудеш гъат1ира имц1али г1яжабахъуб илала дугъбани.

- Душманти бахъалу? – комиссарли дурламабазибад душман вагъариэс г1яг1ниси шайчибях1 х1еръиб.

- Г1е, бахъал саби, комиссар! Амма дубуртачи чевхъунси Надиршагъла г1яскурти х1яйнали дахъал сари, диалра, дубурланти илдачибад чедибикибтири, -иб Багъадурли, жяв заманала анц1букъ гъанбикахъили.

- Комиссар, итдала урчи дабгили хъусдяхъили дахъал тупи тер, - багъахъур Багъадурли.

- Тупира? Вайси хабар, бурри, урши, х1уни.....

- Чинар сари илди?

- Г1яскуртала ахирлизир сари, - иб Багъадурли. – Комиссар, душма тупи лерси къуйрукъ чеббяхъес г1яг1нили саби. (Г1.А.-Б.)

Х1янчи 7. Дугъабизуни дак1ахъили вец1ал предложение пикридарая.

§ 20. Урга дугъби ва урга предложениеби. Илчал баглабирнила ишараби.

Сунени бурсиличи гъайик1усила сегъуна пикри сабил чебилахъути, амма сари предложениела членни х1едиубти дугъбас яра дугъбала цалабикунас урга дугъби или бик1ар.

Масала: 1) *Марлирагу*, ил х1ябдарш къуруш агарли х1елуги.

2) *Белики*, наб лерил сек1ал гъанарули диэс? (У.Ш.)

Чула иргъахъуси мяг1на х1ясибли урга дугъби чумал къукъяличи дурт1ар

Мяг1на		Урга дугъби	Мисалти
1	Вирхаънила даража	Ашкарлигу, марлира, гъар-марли, гъайгъай, якъинни, гъанбиркуливан, асубирар, белики.	Гъайгъайра, илкъяйда биэс асух1ебирар. (У.Ш.) Белики, наб лерил сек1ал гъанарули диэс. (У.Ш.)
2	Урк1ила дек1ар-дек1арти х1ялани	Игъбарли, игъбарлисван, сепайда, гъай-г1яйиб гъай, ца талих1ли, г1ях1дешлис, вайдешлисван, балагълисван, вайбаркълисван.	Сапийт, вайбаркълисван, илала хъарбаркъ дураберк1ес бажардириубли уррухъун. (У.Ш.)
3	Буриси пикри чила сабил иргъахъни	Дила х1ясибли, х1ела х1ясибли, бурни х1ясибли, пикри х1ясибли, гъай х1ясибли.	Бурни х1ясибли, Пат1иматхъали даг бак1ес г1яг1нитири. (У.Ш.)
4	Пикрумала гъаб-	Х1ебиалли, илкъяйда, масала, иличи ург1ебли,	1) Ахирра-ахир, илди х1ерк1ла дублаб

глергъидеш ва илдала бархбас чебиахъни.	гъала-гъала, к1инайс, бег1ла глергъира, ахирра- ахир, цаибсигъуна, к1иэсилра, ца г1ядатла берх1и.	багъарбиуб. (У.Ш.) 2) Х1ебиалли, х1у нушачи х1якъулира.
--	---	--

Урга дугъбала х1янчи бузахъули дашули дирар урга предложениебира.

Масала: 1) *Нуни х1ези бурасли*, неш рик1ути лерил дархъти сари.

2) Урусунни бик1уливан, вайдешлизибад цацах1ели г1ях1дешра дурабулхъули бирар. (А.-Б.)

Урга дугъби ва урга предложениеби ирнлизир интонацияличил, белк1лизир запятаябачил дек1ардухъахъи иру.

Масала: 1) Х1ела хъайчи г1ях1 бак1, сен жалик1уда.

2) Илкъяйда, марлира, сен-сен асубируси? (А.-Б.)

Чеимц1аси баян иргъахъути урга предложениеби скобкабази дурцу яра тиребачил дек1ардиру.

Масала: 1) Цагъачам савли (*ил гъанналис цугли х1ябал баз гъалаб бетаурсири*) Избербашла автостанциялизи наб баягъи ит нушала русский языка учитель Иван Владимирович Николаев цугикиб.

2) Дила г1ямултазибад – *ну г1ямултази визниличи гъанна сайра шакикибси* – наб ц1ахбизур. (М.Р.)

Х1янчи 1. Белч1еная. Урга дугъби ва урга предложениеби даргая. Илдала х1янчи белгибарая.

1) Чили бала, белики, илис гъанбикиб биэс, иш вайти палтарра някъишдарибти журабтира чегъурси ухъна халал адам ургар или.

2) Гъайла къант1а, бареси х1ебалули, ихтилатбарес рак1ибсира. (Р.Г1.)

3) Ашкарлигу, х1ерейс заб диру. (Р.Р.)

4) Нуша комендантличирад дурадухъунра, чебиуливан, баришдиубли.

- 5) Х1у, вайнукъя, нушани балуси х1ясибли, нушала т1имкълизив чуйнара калунсири.
- 6) Рахли, гъункъя ца шайчивах1 х1ерик1ескайиб.
- 7) Закла дублаб, марлира, ц1уба дирихъла к1ана лебри.
- 8) Ил, дила пикри х1ясибли, мерличибси суал ах1енри.
- 9) Бархъли буралли, сагаси х1янчиличи вех1ирхъух1ели, къияннира бирар.
- 10) Х1ебиалли, Г1ямарли бук1унна ил дардла рег1 рурси кариулри.

Х1янчи 2. Багълабирнила ишарабира кадалтули чеббелк1еная.

- 1) Сепайда х1ушанира пикрибараягу адам сегъуна даражаличи ветиркахъули буилил цацабех1тани. (А.-Б.)
- 2) Агъ х1ела жан дат х1ябилра нушаб г1яг1ниси замана вак1ири къалли! (А.-Б.)
- 3) Белики сунечира сунела пикрумачира илцадра ч1умали вирхуси виэс г1яг1нили бургар колхозла хужаим. (А.-Б.)
- 4) Нушала талих1агарли ил барх1и заб дариб.
- 5) Х1янчи х1ези нуни бурасли гъалабях1 башули саби.
- 6) Х1ези нуни бурасли х1уни чизилра х1ебуриду.
- 7) Х1у нуни чебиулра иличи разили ах1енри.
- 8) Нуни х1ела хат1а чебиулра.
- 9) Гъайгъай ил белгиагардешлизи аркъуси гъунили ну урухк1ахъулри. (А.-Б.)
- 10) Марлира ахъли ирав нуни илгъуна пикри? (А.-Б.)

Х1янчи 3. Мяг1на х1ясибли г1яг1нити урга дугъби, предложениебази кадикахъая. Урга дугъби ирнилизир дек1ардикахъая. Багълабирнила ишараби кадатурли, чеббелк1еная.

I Декар-дек1арти х1ялани аргъахъая.

- 1) мук1урвак1ес чебуркъиб

- 2) шила дублар т1ашдизурра.
- 3) нушаб царх1ил машина г1еббаиб.

II Бирхаудиличи пикруми аргъахъая.

- 1) Автобус заманаличиб лябкъян.
- 2) Каникултала замана нуша экскурсияличи аркъех1е.
- 3) Гъар бируси х1янчилизов халатала г1якълуличи лех1илзес г1ях1си бирар.

III Буруси пикри чила сабил аргъахъая.

Дагъиста дубуртазир дусличи – дус пайдала мяг1дунти имц1адик1ули сари

..... яни ишдус буг1ярси бирар.

Каспи урхъулизир дахъал бялихъуни дуру.

Х1янчи 4. Т1ама барх1ли ахъ-г1яшбирахъули, белч1еная. Урга дугъбала мяг1нуби дурая.

- 1) Цаибилгъуна, наб г1ях1билзули ах1ен, х1у набчил илтях1ярли гъайик1ни. К1иибилгъунара, адамла г1ямру чис-биалра улгули аркъути сари. Х1ябъибилра, бег1лара вайси бунагъ-инса хъалиц1а агни саби.
- 2) Марлирагу, Бахтикай шилизир аги, аррякъири.
- 3) Ашкарлигу, масхурти дигуси къади Г1ябдуразакъ иш байрамличив дебали разилири.
- 4) Ашкарлигу, къадис дигули ай циила гъаларти гъай даимдарес. (Г1.Х1.)
- 5) Гъу, дила урши, беда ишис жаваб. Нуни х1исаббирули, х1у гъайла уста уилри.

Х1янчи 5. Урга дугъби чедаахъая ва чула мурад (х1янчи) се сабил бурая.

- 1) Мегъла уста, лебтанилра бурни х1ясибли, миц1ирли сайри.

- 2) Мялгун ухънала гъайли, чебиуси хлясибли, Пугачев
васвасухъахъун. (А.С.Пушкин)
- 3) Цалиин унци дитхъиб, багъадур ванашикунт, нуни далай белчлунта.
(Г1.Б.)
- 4) Рахли, ямщик ца шайчи хлериклескайиб; къапла чебасили, набчи
шурухъун. (А.С.Пушкин)
- 5) Нуни чебаира, марлира, закла дублаб цлуба дирихъла клана лебри,
сабира гъалаб нушани гъарахъси музализи халбарибси. (А.С.Пушкин)
- 6) Нуша комендантличирад дурадухъунра, чебиуси хлясибли,
баришдиубли. (А.С.Пушкин)

Х1янчи 6. Х1ушани бучлуси произведениелизирад вецал урга дугъби
лерти предложениеби черделкленая.

§ 21. Дугъби – предложениеби.

Г1е, юх ибти дугъби предложениели диублира дашар. Ил багъандан
илдас дугъби – предложенеби биклар.

Х1янчи 1. Делчленая суал предложениеби ва илдас диэс асубирути
жавабти. Интонацияла бархъдешличи хлердизирая. Се бурес вирара г1е, юх
ибти дугъбазир багълабирнила ишараби кадалтниличила?

1) -Вамсуррив?

- Юх! (Г1.А.-Б.) (Ну хлемсурра)

2) Ихавси къарауй иличила балусив?

– Г1е. (Г1.А.-Б.) (Ихавси къарауй иличила балуси саби.)

Чебиуливан, ик1ди дугъби предложениеби адапти гъайбиклух1ели
къаршидиркули сари. Илди предложениебачил цугли диъни багъесли
скобказирти жавабти тикрардаралли.

Дугъби – предложениебиван нушани дузахъех1е урга дугъбира:
гъайгъай, асубирар ва ц.

Масала: 1) –Хинк1и дубурланта бег1лара дигуси беркалагу!

-Асубирар. (Г1.А.-Б.)

2) – Уздият, бархъли бурагу, х1ела г1ямрулизив чивиапра дигахъадив?

-Гъайгъай. (У.Ш.)

Дугъби предложениебала царх1илти жураби сари гъайик1усиличибси х1ял чебиахъути междометиебира.

Масала:

У-у-у ... - ц1умла т1амаличил иб Анайли...(М.Р.)

) Ш-ш-ш! Рурси чериргъахъид. (М.Р.)

Да-дадай! Х1у, уделч1и, вархъибсигъунари! (М.Р.)

Илдигъунти предложениебачи гъамли сари *баркала, салам, чевверхни, тилади* иргъахъуси дугъби – предложениебира.

Масала: 1) Хашкелди, Нури! Сен вак1ес багъуррив? (М.Р.)

2) Нушаб деза, душмайс бек1а! гъу-гъария, гъу-гъари! (Г1.А.-Б.)

Дугъби предложение юх, г1е яра предложениеби-междометиеби чули баяндирути предложениебас гъалар, ургар диалли, запятаяличил дек1ардирути сари.

Масала: 1) –Фу-фу-фу! Сен-сен гъигък1усив ишгъуна мерличив шаладикайчи? (У.Ш.)

2) Илдани х1у цараванси барх1и х1ебирив т1алабрарес? – Гъайгъайра, бири.

Х1янчи 2. Саркъахъили белч1еная. Дугъби – предложениеби чедаахъая.

1) –Эгъ, - г1яшли, мякълавсилира бара аргъесли вех1ихъиб Савелий.
(А.С.Пушкин)

2) –Г1ях1 сяг1ят бираб, рузи! Се рик1уда х1у набзи! – Аравираби, узи. –
Х1ушала шилизи аркъуси гъуни иш сабив? – рик1усира. (Х1.Г1.)

3) Агъ-агъ-агъ! Аргъиригъ, аргъиригъ, ухънала гъай! (Х1.Г1.)

4) Гъуя! Се саби, гъари, иш? (Х1.Г1.)

- 5) Се барри, гъари, х1уни? Нук1ун итис абзур баз г1елавад вашусири?
Гъай-г1яйиб гъай!
- 6) Х1ерагу, севан къанни бусес кабилхъулил шагъарлизибти адамти!
(М.Р.)
- 7) Гъу, гъу, т1ама ахъмабирид! (М.Р.)
- 8) Юх, юх! Нуни чех1ебаира. (М.Р.)
- 9) Релх1унрив? Гъанк1 бак1ибу? Русадив? (М.Р.)
- 10) Чевверхи, Мях1яммад –ази, ну къалабаик1улра. (М.Р.)

Х1янчи 3.

Агъ! Ибси междометиели ишдигъунти х1ялани аргъахънилис предложениеби пикридарая ва делк1еная: 1) тамашаиъни;

2) урухиъни;

3) пашманиъни.

2. Угъ, вях1, гъу, вари, гъай ибти междометиебачил предложениеби пикридарая ва делк1еная. Сегъуна мяг1на иргъахъулив междометиебани?

Х1янчи 4. Дугъби – предложениеби дек1ардарая. Х1еръая, багълабирнила ишараби сен-сен кадатурлил. Чеббелк1еная.

1. –Х1ерагу, гъари! Ражаб! –Шамхал хъябруциркули сай.
–Х1у вик1уливан къаршидикира!
–Г1е, узи! (Г1.А.-Б.)

2. Гъайгъай, ну иличи разилира.

3. Адам илкъяйда сай укъавлуси. Юх, Г1ях1мад илдачил гъалмагъикахъес ватес асух1ебирар. Нуни кумекбарес чебиркур. Г1ях1мадла гъарли-мартин юлдашунази бурис.

Юх, се бараслира, Г1ях1мад балк1си гъуйчивад чарварес чебиркур. Илди пикруми Пат1иматла бек1лизирад аркъули ах1енри. (Г1Р.)

4. Гъари, ну аркъяс, или, Бах1ямма вайгъавикиб.

-Юх, сен къалабаикилри? Кайи! Патимат, хлера, гъари, агарал се-
биалра.

-Гъанна се биэса, Гляхлад? Жершира къацла бутлара биуси саби, - иб
Бяхляммани. (Гл.Р.)

Хлянчи 5. Предложениела членни хледиубти дугъби чедаахъая.
Багъабирнила ишараби сен кадатурлил, бурая.

-....Ил бурес ну уруз-уруххлеклус.

- Гъа! Гъанна шакикира, хлед арц селис глягнидикибтил ...

- Се сабабли? ...

- Илис ну гляйибла вегл ахленра.

- Юх, ну сайри.

- Сен?

- Лайикъли кыматлабарни хлуни илдазибад тлалабхлебирухлели.

- Белики, дила хлянчи иличи лайикъли хлебиэс?

- Лебил устни лайикъли саби, биклар. Хлу лехлкахъибхлели сабри
артеллла хлякимти хлечиб чебдукарклути.

- Хлела пикри хлясибли, валлагъ, наб арц имцладарая или, ну илдачи
тиладиличил аркъуси валанра?

- Сен хлу бяхъили «арц» кайклусири? Анцлбукъ арцлизиб ахленгу ...

- Хлед – саби.

- Хлуни ну маралтлаба! Шагъру!

- Хлуни ну-деклар сен валтлусирав? (М.Р.)

Предложениела хасдарибти членти.

**Цацадех1 предложениела членти, мяг1наласал цлакъдилахъес
багъандан, хасси интонацияличил деклардухъахъи иру.**

Масала: 1) Дила лебси ца къалам сабри, илра хлунтлена.

2) Дахъал сари дубуртазирад кадухъунти хлурклби, дигалли диштлати.

Мяг1нашашал ва интонациялашал дек1ардухъахъи ирути предложениела члентас хасдарибти членти или бик1ар.

Г1ядатли биубли, хасдарибтили дирар предложениела жура-журала членти: *определениеби, приложениеби, аги-къяйдаби.*

§ 22 Хасдарибти определениеби.

Хасдарибти определениеби дирар:

Местоимениеличи бак1ибси определение.

Масала: а) *Мурталра хумарси*, ил ишбарх1и разилири.

б) Университет *белч1унси*, нура, *медучилище белч1унси*, х1ура шилизи дузес ардякьунтири.

2. Сунени баянбируси девлис г1ергъи бак1ибси определение.

Масала: а) Илала ца дурх1я, *вишт1асигъуна*, мурталра дуклав вири.

б) Кагъарла к1ап1и диги, капарай авлахъцада. (Х.д.)

3. Сунени баянбируси девлис г1ергъи бак1ибси причастный оборот.

Масала: а) Карихъи сар Тамари, *вавнала-нях1риубси*. (Р.Р.)

б) Ит жуз, *даг нуни х1ези гибси*, дудешли Москвализибад хибси саби.

4. Сайра (сабира, сарира), илра ибти дугъбачил чули баяндирути дугъбас г1ергъи дак1ибти определениеби.

Масала: а) Нушала шилизив ца ухъна вири, *сайра дях1иван ц1уба муц1урла вег1*. (С.Г1.)

б) Нуни итизи бедибси барда ца сабри, *илра ар бург1убси*.

Х1янчи 1. Ишди предложениебазир хасдарибти определениеби даргая.

1. Узби, лех1дизая ца далайличи, кабизурси марла иш хабарличи. (Х.д.)

2. Итди замунтазиб Бастилияла майдачиб лебри дебали халал урца пил, чебкад чяртли басунси. (В.Гюго)

3. Карихъи сар Тамари, вавнала пях1риубси. (Р.Р.)

4. Нушала шилизив ца ухъна вири, сайра дях1иван ц1уба муц1урла вег1.

5. Диркъанирра дубрирра дудешла у бихути дири сагурби, мурби, сагъси сабухъ бихути. (Гъ.Б.)
6. Цацах1ели азбаркад г1яргкайк1ули ваши ахъси ухъна, муц1ур бялг1унси, ц1уба супелтала гъез дугъкайзурси. (М.Г.)

Х1янчи 2. Хасдарибти определениееби г1яг1нити мераначи кадатирая.

1. Амма, аршилизира арц1и къяйда, дурх1ни-ургабра цацабех1 къайгъиагарт, азгъинти, ... къаршибиркули саби.
2. Сунес х1ябал х1ева дархъибси ришт1аси рурси Зугъра гъарахъси дубурла шилизира х1еррирулри. (Г1.А.-Б.)
3. Касили к1ат1ара сайра, вишт1аси Г1усбан, ... г1ях1ладли дуравхъун. (Г1.А.-Б.)

Х1янчи 3. Хасдарибти определениееби лерти предложениеби черделк1еная. Илдазир багълабирнила ишараби кадатирая.

Жанивартала сари ак1убла лебси паргъатдеш хала дудеш Х1ябибуллагъли буун. Дуциб илдала мер-муса ва илбарх1иличибад лебил къярдла вег1 адам виъни багъахъур. Хала дудешла жиличи музабухъунти адамтани ила мегъла «унци» киб, сарира ц1али парчдик1ути ва къукъуван т1амрадикъути ва илдачил лебил ванза убчеббариб.

Урухдиубти жаниварти ясирлизи х1едикес г1ела хихдиуб вац1урбази ва билх1лумала пачалихълизи сунезибра х1уррала пача гъачамлис паргъатли лебалси мерлич, дебшиб. (Журнализибад)

Х1янчи 4. Назму саркъахъили белч1еная. Причастиеби черделк1еная.

Амир Гъазис.

Заб дегъубси закла дуб
 Кабикиб ванзаличи,
 Зурх1ябти пашкадехъуб
 Зубрау лагдизайчи.

Урхъула дуц1си айгъир
Ругерла урк1и бехъуб,
Дай х1ерила Берх1ила
Нурани пашкадехъуб

Х1ярамсила х1ял айсул
Х1ерлизибси Бац бишун,
Пасих1дешлис дурути
Булбулла дугъби дегъуб.

Шурла шайзи чегили
Урк1ила туми дехъуб
Къукъу-лямц1ли бяхъибси
Заклизи т1ярхъи бухъун.

(А.Абдулманапова)

Х1янчи 5. Хасдарибти определениебачилти шел предложение
пикридарая ва делк1еная.

§ 23. Хасдарибти приложениеби.

Хасдарибтили дирар:

1) местоимение баянбирули, бак1ибси приложение.

Масала: а) Ну, х1ела халаси узи, ишдус армиялизивад чарулхъусира.

б) Ит, дила нешла рузихъала унра, ишбарх1и базарличив леври.

2) хасти умас г1ергъи бак1ибси приложение.

Масала: а) Сяг1ид Мусаевич, нушала учитель, адамтачи дебали жагали
дугъаилзан.

б) Г1усман-ази, курегала анхъла къараул, нушала шан сай.

3) т1инт1ти яра хасти существительноебачи дак1ибти
существительноебани аргъахъибти приложениеби.

Масала: а) Иличил дарх илар лерри хала дудешла марти кумекчибира,
халати хури.

б) Собраниеличир гъайрухъун Хамис Халидовна, школа директор.
(У.Ш.)

Х1янчи 1. Белч1еная. Хасдарибти приложениеби дек1ардарая. Чинар
сегъунти багълабирнила ишараби г1яг1нитил, бурая.

1. Дурх1ни ишбарх1и Хамис-абачи рахъх1ила пенсионеркачи шадиб
аркъули саби.
2. Ил анц1букъ чебаибтала ургав левли сай Мажидла Г1исара агроном.
3. Нушачи вак1иб Булатов Рабадан унра школала завуч.
4. Ашкарси саби нушаб Дагъиста вакилтас ил чеэс г1ях1ил дигулри.
(Г1.Т.-Г.)
5. Асх1яб, хала анхъла къараул ишдус гех1ц1али дус вируси сай,
бик1ар. (У.Ш.)
6. Ишбарх1и ну Сакинатличи дила рузичи аркъусира.

Х1янчи 2. Хасдарибти определениеби ва приложениеби чедаахъес.
Илди хасдарни кабизахъес.

- 1) Г1ашбизурли саби диркъличи мигла галга, тят хъунц1бар варгъи
чевси хабарла дивличи мешуси. (А.-Б.)
- 2) Дахъал сари дубуртазир шими, дишт1атира, халатира. (А.-Б.)
- 3) Кабурхулри гъуни, ак1убси шилизи ну ретиуси. (У.Ш.)
- 4) Чердирк1улра дугъби, вишт1али харивизэсти. (У.Ш.)
- 5) Илдас х1яжатбиркур шямван дархъти дугъби дурес, Иминагаев
Г1язизлагъунти. (У.Ш.)
- 6) Цацабех1 х1ела зиланти, х1ятта х1ечиб бишт1атира, някълизи ярагъ
касили, душмантачил бургъули саби. (У.Ш.)

7) Нуша, мурул адапти, тамашала халкъ сарра.

8) Итк1ун Умалат сай, колхозла бригадир. (А.-Б.)

Х1янчи 3. Ишди г1ергъити предложениебазир приложениеби даргая ва илди чум девличил аргъахъилил, бурая.

Дила муруйс, х1ушала уршилис, дигусири, эгер урши ак1алли, илис хала дудешла – Г1ялибекла у бихъахъес.

Супелтар Шарап унраличирти дишт1ати шагъуртази –Мещовсклизи, Жиздрализи, Юхновлизи, Тихонова Пустынь бик1уси станицализи -бякъун.

Кабихъес х1ядурбик1ути бухънаби – Х1яйдарра илала хъунул Шамайра – хабарагарти г1ях1лас разили ва ташмишли гъунибаиб.

Дила хала дудеш Х1яжиражаб, Г1ямарла верх1елра уршилизивад вег1лара халалгъуна, х1урматла адам вири.

Дугели ц1ала мякълаб ванабирули лебтири Айгъазила хала дудешра, хала дудешла – Г1ямар ва Х1яжиражаб. (Г1.Абу-Бакарлайзирад)

Х1янчи 4. Хасдарибти приложениебачилти шел предложение пикридарая ва делк1еная.

§ 24. Хасдарибти аги-къяйдаби.

I Т1инт1си биаб, т1инт1си ах1енси биаб аги-къяйда хасбируси саби ирнилизиб т1ама ахъбирниличил, белк1лизиб запятаяличил, эгер ил сунени баянбируси девлис (сказуемоелис) г1ергъи бак1или биалли.

Масала: 1. Ил хъули ац1иб, дебали разили.

Рурсили хабар бурулри, дукарк1ули.

II Мурталра хасдирути сари деепричастиела оборотли аргъахъибти аги-къяйдаби.

Масала: 1. Сулахъ х1ерк1ла дуб буцили, ну лагвях1 ватихъира. (Г1.А.-Б.)

2. Ца дубура ахъили, ну г1урра диркъсигъуна мерличи увях1яхъибра. (Г1.А.-Б.)

III Хасбируси саби цайли бак1ибси деепричастиели аргъахъибси аги-къяйдара, эгер илалара сказуемоеalara ургаб царх1ил дев бак1или биалли.

Масала: 1. Гъарахъикили, нуни г1елабах1 х1еръира. (Г1.А.-Б.) Цугбуца: Нуни г1елабах1 гъарахъикили х1еръира.

2. Рисули, ил чинарил аркъулри. Цугбуца: Ил чинарил рисули аркъулри.

IV Хасдирути сари х1ерх1еили, багъандан, г1ергъи, гъалаб ибтигъунти дугъбачил дак1ибти инфинитивличилти, глагол – существительноеличилти дугъбала цалабикунани аргъахъибти аги-къяйдаби.

Масала: 1. Заг1ипли риъниличи х1ерх1еили, Аминат х1янчила аррякъун.

2. Дурсри делч1и г1ергъи, дурх1ни гумайла дурабухъун.

3. Г1ях1ти кыматуни кайсес багъандан, г1ибкъли уч1ес чебиркур.

V Хасдирути сари – цад, - ван, - къяйда ибти цугбурцнила кесекуначил детаурти жура-журала дугъбала цалабикунани аргъахъибти аги-къяйдаби.

Масала: 1) Г1яйшатхъалачив калунцадх1и, ну х1ушайчив ках1елунра.

2) Х1ушачи вак1ибх1еливан, гъанна ну арали ах1енра.

3) Ит ухъна къарауй къяйда, х1уни чебетаахъили х1янчи барес вирули ах1енри.

Х1янчи 1. Белч1ес. Хасдарибти членти даргес. Илди хасдарибти членти диъни кабизахъес, ва чузир багълабирнила ишараби лерни яра агни белгибарес.

1) Рурсбала баркъуди марбарес багъандан, х1уни, х1улби къямч1х1еурли, къунби дурулри.

2) Асх1яб, вируси къяйда, гъат1ира сай-алавти мер-мусаличи х1ерик1есииб.

- 3) Хяра нура ца заманализир, дуклума чердыхьбти члакни кьяйдали, кадиркесдиира.
- 4) Набчибад гъарахъли ахленси мерличиб хя гербиклулри, гермукая кьяйда.
- 5) Ил тлулека илис, халати тлулкми дарили глергъи, калунси арцлизибад нешли барахъибсири.
- 6) Илди саби – ургаб, хъух1нази г1ярг1яван, бархили саби.
- 7) Дилг1утира дедлугутира пуждиубх1ели, ил набчи къунби чедушес вализурли сай.
- 8) Сари х1ерриуси кьякъала ласриубх1ели, Паризатли, гъарахъли лерай, някъ ахъбуцили, сунес гъалаваэс вализурси мурул адам чеиб, ганз гъарзабариб.
- 9) Илини адамтала х1урмат-хатир дарес балулри, ца сунечилацун пикрих1ейк1ули, лебтачилра пикриик1улри. (У.Шапиева)

Х1янчи 2. Деепричастиела оборотуни г1яг1ниси мерличи делк1еная, багълабирнила ишараби кадатирая.

1. Илди саби бебшнили урузбиахъублири.
2. Илини хъули рукъесли бариб. (У.Ш.)
3. шоферли машина багълабариб.
4. Автомашина дуц1бухъири.

Г1яг1нити оборотуни: *дирихъ гъяриули, камси гъуни ахъибх1ели, учительница класслизир ратурли, чичилра ах1ерац1или, чумал мерличибси гъуни шалабирули.*

Х1янчи 3. Чеббелк1еная, багълабирнила ишараби кадалтули. Сен кадатурраял, бурая.

1. Вахъ гъайлизи ахъили нуни илала ура хъарх1ебаира. (Г1.А.Б.)
2. Ца барх1и бег1лара халкъ ургубала х1янчурбази ахъибх1ели хъярхъти заб дариб. (Р.Г1.)

3. Портлизи сунес глергъи шинна гъуни балтули гами гъамбирулри.
(У.Ш.)
4. Дугла замана хлеберклес багъандан илини институтлизи гъарраклес
къасбариб. (У.Ш.)
5. Адамтани лодкаличи музабухъи ил верцахъили сай. (Х.х.)
6. Хлеркличил ил дяви дугели къанни бикайчи хлулбани ванза гляхил
чехлебианбиайчи даимбиуб. (Р.Г1.)
7. Дякъличибад гъарахъли ахли сумаличиб дурхлини хлязта бирулри,
хлунтлби-алавра ласбиклулри. (Р.Р.)
8. Бухънабаибхлели илини сунела вегла юртлизиб вайтла
къараулбирес кабииб. (Х.х.)

Х1янчи 4. Хасдарибти члентар предложениеби черделкленая. Илдазир
багълабирнила ишараби сен кадатурлил бурая.

Гъаргси заклуб музей.

Нуша глинникъла духлна адацлира. Илав адам вахъхли калесли ахленри-
бугларлири. Ашкарлигу, илар сунезивад дураулхъути чумал мерра дурги –
тлашбизниагарли дяг1 бургъулри.

Марлира, хъусбухъунси, ил глинникъ аклахъубси дубурли халаси
миълихъ клап1барили бурги. Иличи гъамихлир юртани дирути
хлямшимантани мурхъли – деклар ахленти шакъуби икъу, сарира лерглер
гляхлти холодильникуни детарути.

Гле, глинкъурби чебетаибдешличил баяндарес ва сипатдарес гляг1нили
сари, лебилра тлабиг1ят къяйдали. Нуни гъачам тлабиг1ят гъаргси заклубси
музейличил цугбуцира. Хлера, ил музейлизирти деклар-декларти секлал
ванзала чедир сари, цацадехлти дигляндарили сари. Амма дубуртала деклар-
декларти мерани чузи члянк1ли тлабиг1ят дигантицун ва
къиматлабирантицун (глялимти ва спортсменти) букъес имканбиклутили
детаъни илцад-деклар вайси ахлен. Къирли дуцибти гъундури, кемпингуни ва

туристунала базаби агарти мераначир гъанналис чех1едаибти, мяг1ничерти, тамашадизести сек1ал лер, сарира мях1камдарес г1яг1нити.

(М. Мах1яммадов)

1. Текст саркъяхъили белч1еная.
2. Юртани ибси девла фонетикалашалси разбор барая.
3. Цаибил предложениела синтаксический разбор барая.
4. Ишди дугъбала мяг1на бурая: къир, шакъуби, г1иникъ.

Х1янчи 5. Деепричастиеби даргая, чула жураби белгидарая.

Дурар тупи гурдик1ули сари. Х1ерк1ла итил шайчирад нушала зугъати тупи итули сари. Гъала-гъала, къукъу-лямц1ли къяйда, дунъя шалабирули саби, г1ур, дегъла халал варачай хили шури хъяч1аибси къяйда, хъали гардбулхъули саби-гъят1бирар или гъанбиркули саби, г1ур лерг1ер ахъли исбагъи, къяйкили, т1амадирули сари. Ил т1ама миъбярг1ибси бях1кад, ядала вац1акад гъарахъли аркъули саби, алавла ца бахъх1и к1ухбик1ули саби. Арцурли душмайчибях1 аркъуси х1ярх1яла т1амала иргъули саби.

(С.Г1.)

Деепричастиеби предложениелизир чиди члени диублил, бурая.

Х1янчи 6. Урдарурти х1урпри кадалтули, предложениеби черделк1еная. Деепричастиеела оборотуни дек1ардарая. Багълабирнила ишараби кадатирая.

Гъ...рш таманбируси Г1ямарличи шила хъунул ад...мтала чумал къ...къя гъамдирулри. Цабех1ли к1елра унцла мук...курачи даршес или делхъунти ранг-рангла гидг..ра жагадарибти уркурла х1ула-х1улацад х1улегаби касилри, царх1...лтани ня...бачи урхамцад гулуча ахъбуцилри, х1яб...стани дел...ла мявацад чуду гъамбирулри.

Дура...ла бек1ра дук1личи кабихъили г1янжи бех1бак1ибти Г1ямарла унци унра урш...ли хъайг1и аркулри сай Г1ямар хал...ли ахъуцили Кашин

х1ябрачиб бех1бирхъуси шадибгъуйчи, бег1лара х1урматла м...рличи
...збаши-къадила мякъла катес аркули.

Ч...гурличи вякъи чарухъунси Батирай жагътала х1яз-х1узла да...лаври.
Шантала гьалар гьарли-марти х1еблагуна бак1ибси г1...ргъиси ж...мяг1ла
бух1наб б..рх1или шинишкабарибси дир...аличир ...ркинни ва с...хаватли
даршибти ...умурти сарри.

(Х1.Г1ялиев)

§ 25. Дурусдеш иргъахъути хасдарибти членти.

**Цацах1ели предложениелизир къаршидиркур чиди-биалра илала ца
член дурусбирути ва белгибирути дугъби, чусра дурусдеш иргъахъути
предложениела хасдарибти членти или бик1ути.**

Масала: Ил анц1букъ бетаурсири ишбарх1и, сяг1ят урч1емличиб.

**Имц1аливан дурусдеш иргъахъути хасдарибти члентили диубли
дашар:**

1. Замана яра мер чебилахъути аги-къяйдаби.

Масала: а) Ихаб, *къадалаб*, к1ухбик1ули варачан саби. (А.-Б.)

б) Г1ебшнилизив, *ц1уба хъярби луц1уси замана*, нушала дудеш
шагъарлизи арх1яличи дуравхъунсири.

2. Баркъудила куц чебилахъути жура-журала аги-къяйдаби.

Масала: а) Ил къалабали, *тупангла х1ярх1яван*, ила ветухъири. б)
Муслимат жагали, *губдалан ц1икуриван*, рег1риублири.

**3. Подлежащее яра объект дурусбирули дак1ибти
предложениеби.** Масала: а) Нушаб школала гьалав къаршиикиб
Г1яйсаев Рабадан, *фермала заведующий*. б) Директорли ила Мухтар,
к1иибил классла ученик, вархъиб.

4. Гьалабси определение чебирц1ахъули, ил дурусбирули бак1ибси определение.

Масала: а) Сагаси, *ца километралра х1ехъибси*, машина асили саби
бук1ун Г1ябдуллагъли. б) Гьалаб итти мискинти, *ши-алав варгъи*
кабихъеслигъуналра хъу агарти, адамти бири.

Дурусдеш иргъахъути хасдарибти члентази халдирути сари *ах1и, ах1енси, хаслира, цараван буралли, х1ебиубла, дурабад* ибти ва илдигъунти царх1илти дугъбачил дак1ибти предложениела члентира.

Масала: 1) Хамисла лебилра дурх1ни г1ях1ти саби, *хаслира Шумайсат*.

2) Нушачи урк1ец1ибируси, *нешла рузила дуравад*, чилра левси ах1енри.

Х1янчи 1. Белч1еная. Дурусдеш иргъахъути хасдарибти членти дек1ардарес. Чеббелк1ес.

1. Арбасла х1унт1ендиубти х1улби чедаибх1ели, ухънас бареси аги, вебшни ах1енси.

2. Асх1ябла хабарли ил, сунелацун ах1и, сари-алавти г1ямруличилара пикрумази г1еларушилри.

3. Шантани, х1ятта ил х1елутанира балли, ил чех1еибтанира балли, илала уцун ах1и, баркъудлуми, х1ялалдеш, адамдеш гъандиркахъулри.

4. Ил барх1и иличив талих1чевси адам, класслизивцун ах1и, дунъяличивра левси ах1ен или гъанбикеслири.

5. Алавчар, дях1и ах1енси, г1ур селра чебаэс вирули ах1енри.

6. Нушала шагъар, цараван буралли, Дагъиста тахшагъар Мях1ячкъала, г1ергъити чумал дусла бух1наб багъесагарли барсбиуб.

7. Лех1кахъилри класслизибти дурх1ни, хаслира Сайг1ид. (У.Ш.)

Х1янчи 2. Белч1еная. Дурусдеш иргъахъути членти дек1ардарая. Багълабирнила ишараби кадатирая.

Гъар-чинабалра буц1арли саби хаслира шурмаубси нушала юртла гъалаб.

Чинабалра чянк1 авлахъра къаркъубала ах1енси селра чебиули ах1енри.

Шила лебилра адапти хъунул адаптира бишт1латира балли ила цалабикилри.

Г1ебшнилизив сентябрьла байхъачивван ну хъули чарухъири.

Удиб х1ерк1личи увях1ихъуйх1иб халаси шури т1ашлири.

Хала дудеш майла авличи бикайчи цараван буралли сунела урши чарухъайчи илав калун.

Ил барх1и нушаб къаршиикиб Къадихъала Нури администрацияла бухгалтер.

Г1исаев Сулайбан школала къараул ишбарх1и дебали жявли айзур.

Ихаб къадалаб к1ухбик1ули Варачан саби.

Х1янчи 3. Дурусдеш иргъахъути дугъби имц1адирули, чеббелк1еная.

Масала: *Урхъула дублаб бялихъчила бишт1аси хъали чебиулри.*

- *Урхъула дублаб, адамти камли башуйх1иб, бялихъчила бишт1аси хъали чебиулри.*

1. Хъаршаб адамти цалабикилри.
2. Г1ебшни нушачир янилис урцул х1ядурдирули бирар.
3. Школала директор ил замана районниси арякьир.
4. Х1ела дудеш нуни валуси сай.
5. Нушала ши дубуртачи гъамли саби.
6. лебилра кумекбарес бак1или лебри.
7. Гъунила дублаб ... заябиубси трактор т1ашлири.
8. Къанни барх1ехъ хъар шилизир гъуя-вявла т1ама-гъама дак1удиуб.
9. Дуц1румлизиб ... нушачиб дебали буц1арли бирар.

Итаб экскурсияличи аркъути школьникуни чебиулри.

Даг нушала классла собрание сабри.

Нушала унра Халил илх1ели х1янчила сайри.

Х1янчи 4. Урдатурти х1урпри кадалтули предложениеби черделк1еная. Дурусдеш иргъахъути ва царх1илти предложениела членти хасдарес. Багълабирнила ишараби сен кадатурлил бурес.

Къад...кад урчила м...рда аркъулри. Мурдара урчира цаличи ца мешудикилри-д...хънадаилри. Гъундурачиб арх1ябачиб бухън...баиб урчи.

Илала къа...личив – мурдара. Анд...личиб, къакъла сирткад къ...йру...личи бикайчи, ц1уба ту...личилси ил урчи муртрил ...угъаси юргъа, дуза...дихан бири. Жагъх1ели ке...ебси вири Камалра. Урчилира илала хужаимлира гъундурачир цала хаси...тунитил...и ун...ли дагъур.

Дуки сагначи-г1явначи башес юргъас замана ках1евли. Ил ...личил бар...бикесра т...йли бирух1ели нешличил ах1енси х1...бикиб. (Х1.Г1.)

Х1янчи 5. Художественный произведениебазирад хасдарибти определениеби лерти урегал предложение черделк1ес.

Х1янчи 6. Дурусдеш иргъахъути хасдарибти членти дак1ахъили, «Дила хъалибарг» бик1уси сочинение белк1еная.

Х1янчи 7. Багълабирнила ишараби кадалтули, чеббелк1еная.

1. Дуц1румлизир овощуни дилкъуси замана нуша опытунала станциялизи экскурсияличи дякъунра.

2. Гъачам сабри Загъирли Жавгъарлизи гъайибси, илх1елира масхаралисван. (М.-Р.)

3. Бузерила гъавли гъалакварибси, илини чебиуси я бикъуси аги. (Х1.Г1.)

4. Рамсурниличи х1ерх1еили ил лаг ратрихъилри. (М.-Р.)

5. Берх1и хъанц1а закра ах1енси иличи чилра х1ерик1ули ах1ен. (Гоголь)

6. Нуни дуба-карч1а агарси урхъула диркъбикла дурабад илаб селра чех1ебаира.

7. Ил вац1ализир ядала галгубала дурарад мер-мерлар махъла галгубира къаршидиркулри.

8. Дубуртала ахъти хъарани биалли мурталра дях1или к1ап1кадарилри.

9. Шида мякълаб гъунила дублаб бахъх1ила г1евдухъ саби.

10. Ил дуравхъун жузира касили сайра.
11. Ишар гьалар къаркъуби адилтлули дуибти мераначир гьанна унхъри сари.
12. Удиб цлябси къадалаб дяргlibти шинна гиниз лебсири.
13. Хъа байлаб бархлизиб гав арбашахъес барибси биштласи къяпи лебри.

§ 26. Гьарси ва урглебси гъай.

Гъай диклух1ели, нушаб урх1ли дурибти гъай чердурес г1яг1нидеш алк1ули бирар. Илх1ели урх1ли дурибти гъай имц1аливан клел тях1ярла чердирули дирар: а) дарсх1едиахъубли урх1ли дурибси тях1ярли ва б) мяг1на калахъи, дугъби дарсдиахъубли.

Масала: Ишбарх1и учительли буриб: *«Сут барх1и нуша лерилра вац1ализи экскурсияличи аркъутира.»*

Барседеш х1ебиахъубли чердурибти урх1ла гъайлис гьарси гъай или бик1ар.

Сунезиб гьарси гъай лебси предложение гьарси гъайличилси предложение саби. Гьарси гъайличилси предложение клел бут1ализибад цах1набиркур – гьарси гъайлизибад ва авторла дугъбазибад.

Масала: Дудешли буриб: «Ишбарх1и пергер аргъ бирар!» ибси предложениелизир «Дудешли буриб» ибти авторла дугъби сари. «Ишбарх1и пергер аргъ бирар!» ибси бут1а гьарси гъай саби.

Гьарси гъай ца, клел яра чумал предложениелизибад цах1набиркули бирар.

Масала: 1. «Х1у набчи гыммарк1уд, дила урши», - иб нешли, (М.Р.)

2. «Урцути ч1акала дурх1ни сари. Илди чула пукъализи чардиубли сари», - иб Рашидатли

1. Гьарси гъай кавычкабази бурцуси ва мурталра халаси х1ярпличил бех1бирхъуси саби.

Масала: Хадижатли иб: «Дурх1ни, иша даширая»

А: «Гъ»

2. Авторла дугъбас г1ергъи гъарси гъай бак1алли, илис гъала, авторла дугъбас г1ергъи, к1ел точка кадалта.

Масала: Иллини дурх1нази иб: «Ну рахъх1и агарли х1ушачи ляркъяс» (У.Ш.)

А: «Гъ»

Гъарси гъай гъалаб бак1или, авторла дугъби г1ергъи дак1или биалли, запятаяла мерличичи суалла яра вявла ишара кабалта

1. «Маза ишар датниличила ихтилатик1улри», - вик1ар Ибрагъим.

Эгер гъарси гъай суалла яра вявла предложениели аргъахъили биалли, запятаяла мерличичи суалла яра вявла ишара кабалта.

Масала: 2. «Дурх1ни чина аркъулри?»- хъарбаиб унрани.

3. «Аралибираб нушала улка!»- ахъли т1мабариб партизанни.

1.«Гъ», - а		2.«Гъ?» - а		3.«Гъ!» - а
-------------	--	-------------	--	-------------

Гъарси гъай авторла дугъбала ургаб бак1или биалли, к1елра шайчи запятаябира тиребира кадалта.

Масала: 1. Нешли дурх1ялизи, - «Х1у хъулив уэн», - иб.

Эгер гъарси гъай суалла яра вявла предложениели аргъахъили биалли, гъарси гъайлис г1ергъи суалла яра вявла ишара кабалта.

2. Нешлизи дурх1ялизи, - «Х1у чина аркъулри?» - или хъарбаиб.

3. Дудешли, - «Даширая иша!» - или ахъли вявъиб.

1.А, - «Гъ», - а		2. А, - «Гъ?» - а		3. А, - «Гъ!» - а
------------------	--	-------------------	--	-------------------

Мяг1на барсх1ебиахъубли, дугъби дарсдиахъубли чердурибти чила-биалра гъайлис гъарси ах1енси яра ург1ебси гъай или бик1ар.

Масала: *Гляхляй, ну жаглял архляли аркьулрал, хьарбаиб* ибси предложениелизир ну жаглял архляли аркьулрал дугьби урглебси гьай сари, сенахленну илди дарсдилахьубли дурили сари. **Цугдурцехле:** *Гляхляй набзи хьарбаиб: «Хлу жаглял архляли аркьулрив?»*

Гьарси гьайличилси предложениелизир кьяйда урглебси гьайличилси предложениелизирра к1ел бут1а дирар. Ца бут1али дирар авторла дугьби, к1иибил бут1али дирар урглебси гьай. Цализи ца илди бут1ни союзуначил (или), союза кесекуначил (-ал, -л), союза дугьбачил дилгьули дирар.

Урглебси гьай гьарсилизибад бетаруси саби. Ил багьандан гьарси гьай урглебсиличи бархьли шурбатес багьандан, хасси пикри бях1чаэс чебиркур. Урглебси гьай гьарси гьайлизибад хаста лишантачибли дек1арбулхьан. Илизир гьарси гьайлизирван дугьабизуни, междометиеби, глагола амру наклонениела формаби х1едузахьу, амма гьарси гьайлизир х1едузахьути союзуни, союза кесекуни дузахьу.

Масала, цугдурцехле: *Расулли Гписази хьарбаиб: «Гписа, жяглял хлу Мяхлячкъалализи аркьулрив?»* ва *Расулли Гписази ил жяглял Мяхлячкъалализи аркьулил хьарбаиб.*

Х1янчи 1. Бархьси интонацияличил белчленая. Багьлабирнила ишараби сен кадатурлил, бурая.

1. «Амма ну вик1усиван бетаур, чебиулрив? – михьирлизи хунк1ли бяхьиб ухънани. – Юх, жяглялла дурсри дархьдатес х1ейрус» (Г1.А.-Б)
2. «Эй, ухъна, бурагу, х1ед се биубсил, х1у чинаврил хьуммартид! – т1ама ахьбариб Эскендерли. – Дебали г1ясиибсигъунаригу?» (Г1.А.-Б.)
3. «Наб се бетаурсил балули ах1енра, - иб илини. – Абзур дуги гьанк1х1ехьира» (Г1.А.-Б.)
4. «Нуни балули ах1енра, илди чинаб х1ербирутил, - буриб Эскендерли. – Дила пикри х1ясибли, х1у вархьли вик1ули ах1енри» (Г1.А.-Б.)

5. «Чай-сек1ал дараягу нушаб», - иб илини. (С.Г1.)
6. «Нушала шилизир чай х1едирули балас», - иб ухънала рурсили. (С.Г1.)
7. «Нура х1ушала адам сайли, - вик1ули сай Г1ябдусалам, - х1уша набчи дукес дигулра». (С.Г1.)
8. «Ну ак1убсира, - иб илини, - Залав хъучивах1ибси дус. Залавлис г1ергъи хъучивах1ибси сай Бургъан, илис – Амай, илисра г1ергъи - Мазгай» (С.Г1.)
9. «Юх, ардукъадалли, гымурк1ус, - иб илини, - адамличи вак1или, къац1 – шина т1ем х1ебагъурли, арукъни нуша духънабала г1ядатлизиб хъа вег1 мучлаагарварни саби» (С.Г1.)
10. «Гъари, гъубзни! – вик1ар ахъли командир. – Гъачам сай убк1уси....» (Р.Р.)
11. «Семен! – иб Г1исани. – Семён!» (З.З.)
12. «Селра х1ебирар, жаваб бедиб Семенни. – Цалис цали кумекбирни чараагарси сек1ал саби» (З.З.)
13. «Г1ях1си урчи леб къалли! » – пикрибариб Г1исани. (З.З.)

Х1янчи 2. Белч1еная. Гъарси гъай ва авторла дугъби дек1ардарая.

1. «Х1ушани букуси нунира букас, вик1улра ну, гъариллис конфетуни лугули. – Г1елар калунти нешлизи деда, ишди х1ушаб диур. Мурити дахъал дукути х1ебирар, ит Х1яса цулби чедиулрав кадиркули?» (А.-Б.)
2. «Се бетаурли? Сагати се хабурти лера?» - паргъатагариуб Супелтар Ражбадин. (А.Б.)
3. «Ил хат1а саби, - сигарик1улри Буба. – Халаси хат1а х1ушани, сецад т1ама-гъама дирарал, балулрив х1уни?» (А.Б.)
4. «Арали ватаби, х1ура мурадличи вааби!» - жаваб гиб набра лацла устали. (А.Б.)

5. Итди дус-бархилизиб Глисани Муъминатличи белкунсири:
«Х1у гъар минутлизир х1ядурли рии»

6. «Мургъила някъби дуили сари х1ела хъуна, - пишряхъиб ил. –
Пат1имат агарси риалри, чина бажардидиркутири, гъари, нуша?» (А.-Б.)

7. Хъули ац1ира, ва дуц1ли рурси набчи гъамриули
вяврик1есириб: «Дудеш вак1иб! Дудеш вак1иб»

8. «Дудеш, нура рарх рукабагу», - тиладирик1ули сари Зайнаб. (А.-
Б.)

9. «Чинартирая?» - хъарбаиб ишини. (С.Г1.)

10. «Агъ, заманаличив вак1ира!» - халаси гъигъ бушиб илини.

Х1янчи 3. Урх1ла гъайлис г1ергъи гъарси гъай имц1абирули, текст
чеббелк1еная.

1. Илини буриб: «...»
2. Дудешли уршилизи иб: «...»
3. Докладчик гъайик1есириб: «...»
4. Ученик дугъаизур: «...»
5. Дежурныйли т1амадариб: «...»
6. Нешли набзи буриб: «...»
7. Учителъли хъарбаиб: «...»
8. Илини дурх1нази иб: «...»
9. Г1яли вик1ар: «...»
10. Хала дудешли иб: «...»
11. Дурх1нани тиладибариб: «...»
12. Ца бук1уй иб: «...»

Х1янчи 4. Гъарси гъайличи урх1ла гъай имц1адарая. Илдазирти
ишараби сен кадатурлил бурая.

«Се бирех1е нушани?» -...

«Гъази гъаниркуру!» -...

«Х1унира ну вирг1яиргулирав?» -...

«Даг набадури адит1унра», -...

«Нушани илди жявлил курла кадихьилра», -...

«Ишбарх1и класслизиб собрание саби», -...

«Делхъла кружоклизи у белк1ахъунра», -...

«Х1у секъайда уч1улри?» -...

«Наб велосипед дигулра!» -...

Х1янчи 5. Текст белч1еная. Гъарси гъайлис г1ергъити урх1ла гъай цакъадар т1ама г1яшбарили къалабаливан делч1еная. Гъарси гъай дек1ардирути ишарабачила бурая.

Х1ямид ва миллат.

«Дарган сайниличи пахру бирулра, амма царх1илти миллатунала вакилтира цаван чебиулра», - вик1и патриот ва интернационалист Х1ямид.

Сай минала дарган виалра, Х1ямидли миллатуни бек1лил дек1арх1едири.

«Миллатуни цаличир – ца г1ях1ти сари, вайси миллат лебси ах1ен», - гъар мурталра тикрарбири интернационалист Х1ямидли. Ил миллатла хъарихъ ва къакъбяхъ сайри, миллатла пахру сайри, Дагъиста игъбар сайри.

Патриот Х1ямидли даргантала, дагъистанлантала, кавказлантала миллатуни Россиялизир ах1енну, цах1нарли дунъяличирра машгъурдариб.

Адамли саби дунъя жагабируси, - бик1ар. Х1ямидли Дагъистан эркинбарес, вавалибяхъахъес, дурала улкначил бархбас уржахъес дахъал къайгъи-х1яракат дариб.

«Адамлис вируцад г1ях1деш барес, чянк1ли г1ях1дешцун», - вик1и мурталра Х1ямид. Марлира, г1ях1дешунацун вирули вебк1ра вебк1иб.

Адамлис г1ях1деш барес бикаллири, илала урк1и харидешли бирц1и.

«Вег1лис дигахънира вег1 дигахънира халаси талих1 саби», - вик1и урусла чевях1си писатель А.П.Чехов.

(М. Тахсурманов)

1. Текст саркъахъили белчленая.
2. Х1ямидов Х1ямидличила ихтилат барая
3. «Миллат» ибси девла фонетикалашалси разбор барая.
4. «Дагъиста миллатуни» бик1уси сочинение белчленая.

Х1янчи 6. Скобкабазирти авторла дугъби точкабала мерличи кадалтули, гъарси гъайличилти предложениеби делчленая. Багълабирнила ишараби кадатирая. Илди сен кадатуртил, бурая.

Раши иличила жал х1едик1ех1е Г1ур х1ед се-биалра къиянбулхъалли, набзи багъахъи (иб Султан Сяг1идовичли)

.... репетицияличи раклес хъуммартид Кавсарат Самадовна (Бика учительницачи дугъаризур)

Ну ил къиматличила ах1енра (жаваб чарбатур илини)

Аркъулра (бизахъур Халитли г1ясили, ва арякъун)

Сегъуна х1ядурдеш бирида х1ушани ил дарсличиб ... (г1ядатлисван хъарбаиб учительницани)

Х1у илкъяйда пикриик1ни наб дебали г1ях1билзули саби Гъанна наб ца гъат1и гъалмагъ имц1ариуб (разили гъайрухъун ил)

Х1янчи 7. Бархъси интонацияличил белчленая. Чеббелчленая, гъарси гъай гъарси ах1енсили (ург1ебси) барсбарая.

1. Ну иличи вех1изурра: «Х1ушала гъайличи лех1ра х1ехъили, - вик1ули сай ил гъимиличил, - хъурабарибси виасри, чайлара бержес бирки, багълара бираси, бурям багълакабири, г1ур дашес бири. Чина къалабаик1уда?» (П.)

2. Нуни пайтунчизи хъарбаира: «Къалализи гъарахълив?» (Пушкин)

3. «Гъарахъли ах1ен, - иб илини, - х1ера, ит чебиули»

4. «Сен ватх1ерхъуда х1у?» - ира нуни пайтунчизи, сабурагариубли.
(Пушкин)

5. «Ватихъес лебу гъатѝи, - иб илини, ящиклизивад кайцѝули, - хѝера, чина духѝнадухъирал, гъуни агара, алав дирихъ чебихъи саби» (Пушкин)

Хѝянчи 8. Предложениеби дарсдали, белкѝеная.

Гѝибрат: Бакъибтани буриб: «Гъанна гъамли гѝяхѝти хабурти дирар» - Бакъибтани бурни хѝясибли, гъанна гъамли гѝяхѝти хабурти дирар.

1. Чебаибтани буриб: «Гѝяйибла вегѝ шофер ахѝенри»
2. Газетализиб лукѝули саби: «Хѝебла хъу делгѝни ункъли бетурхули саби»
3. Гѝялимтани бурули саби: «Урхъни ва дубурти алкѝути сари ва деткайхъути сари»

Хѝянчи 9. Чеббелкѝеная ва хѝедиути багълабирнила ишараби кадатирая.

Баресил-батесил агарли шагъарла къакъакад ватихъибси Къабкъинчила хѝулби шали-шайчи хѝердикѝулри. Илала хѝулбала гъалар тѝашдилзулри гъалар гѝянжила кирпичуначил делшунти ца дерхѝла юртанала мерличир шурбулхънила манзиллизир делшунти авмузан къаркъала ва хѝунтѝена кирпичунала кѝидерхѝ-хѝябдерхѝла юртани.

Гъар хъа гъалаб яра ил юртла бухѝнаб туken кафе аптекаби сари. Илдазибад цалра мерлахѝебарибси юрт рахѝира агара. Илкъяйда чина хѝеризалра хупѝ-пѝехѝлизѝ гѝелабикили яхѝ-ламуслизивад къяббердибтира къаршибиркулри.

Гъар бархѝи бержили кепбирути Нуша хѝянчи агарти мискин пѝкъирти сарра бикѝули бирар. Чучиб гѝяхѝцад халати адамтала гъала тѝашбизурли Ца камси кумекбара Къацѝ асес арц агара! тѝладибикѝули дучибти арцѝис кафелизи абацѝили чягъирла бержили кабизала агарси ихѝилатлизѝ гѝелабиркули саби.

Къабкъинчи сунела дамсурти къяшмачи мутиг1х1ек1или, чумилра къакъа дайдахъили шагъарла к1иибил базарла гъалав вагъариуб. (Т1ант1ан Мях1яммад)

- а) Текст саркъахъили белч1еная.
- б) «Гъаннала г1ямруличила дила пикри» бик1уси сочинение белк1еная.
- в) Ишди дугъби сен дефисличил делк1унтил, бурая: к1идех1-х1ябдерх1, хуп1-п1ех1, баресил-батесил.
- г) «Авмузан» ибси девла фонетикалашалси разбор барая.
- д) «Дила шагъар» бик1уси темаличила ихтилат барая.

Х1янчи 10. Схема х1ясибли предложениеби пикридарая ва делк1еная.

А: «Гъ»

«Гъ», - а.

А, - «Гъ!» - а

А, - «Гъ?» - а

А, - Гъ! - а

«Гъ, -а, - Гъ»

§ 27. Диалог

К1ел яра чумал адамла гъайлис диалог или бик1ар. Гъар бут1акъянчили диалоглизир дирути гъайлис репликаби бик1ар.

Диалоглизиб гъарил реплика сагаси къяйлизибад халаси х1ярпличил лук1уси саби. Гъар репликала гъала тире кабалта, амма кавычкаби ках1едалта.

Масала: - Г1ях1 сяг1ят биаб, мурад бааб, хала дудеш Х1ябибуллагъ! – иб рурсили

- Баркалла, ах1ерси!

- Аркъулрив, хала дудеш?

- Г1е, укъес г1яг1нили саби.

- Москвализирив?

-Г1е. (Г1.А.-Б.)

Диалог царх1ил тях1ярлира белк1ес виар, гъарси гъай лук1уси тях1ярли: кавычкабира тирера кадалтули.

Масала:

«Сен г1ях1си бетаурал ишбарх1и х1у вак1ни», -тикрарбариб г1урра нешли. – «Кадилхъех1ев, неш, яра х1у ца хабарличи лех1ихъуду?– «Сегъуна хабарличи?»- Ириъ вак1ибх1ели, х1ечил барибси ихтилат гъанбиркуру?» (М.Р.)

Диалог имц1аливан цаибси тях1ярли лук1ули бирар. Илкъяйда лук1ули бирар мурталра художественная литературазиб.

Х1янчи 1. Белч1ес. Диалоглизирти гъарси гъай ва авторла гъай дек1арли дурес. Авторла гъай сен камли дузахъутил якъинбарес. Чеббелк1ес ва багълабирнила ишараби сен кадатурлил бурес.

Вахъчеб пясписаг.

Вахъчеб пясписаг кабиинил яра кабихъил багъес х1ейрар, сенк1ун ил кабирусила кабилхъусира цаван бирар. Дек1ли бяхъибси къяйда, мях1камли ганз ихъули батбирхъур. Марлира, ил башух1ели гунзри дуйг1уси тях1яр

бирар. Агъ, се-биалра хахъес ил бархъили, чарбиайчи иличи вег1 х1ерик1анмаркъ!

Х1ера, гъачам ургубализи ц1адикиб. Гъарил миц1ирси ибси жан гъаббухъун. Вахъчеб пясписаг биалли чили-биалра гужли гъалабях1 бит1ак1ибсиван валт1бухъун.

Чебкад арцурси къянала дурх1яли илизи т1амадариб:

-Къя! Х1уни ц1адикили чех1едиулрив? Къалабабики!

-Дуг1ли къях1ебик1ули, ц1а дишахъес шин черт1адри. Х1ушаб, арцантас, черкад х1ердик1ес гъамадли саби.

-Х1едра гъамадли биубли дигадли, лайбик1а ил х1ечибси дех! Чина архуси х1уни ил архалра?

-Се дех чебиулри х1уни набчиб? Дех ах1ен ик1. Дила къакъ саби.

-Гъари ца набзи халбарахъа. Юх, ишгъуна х1ебирар къакъ. Бесси, азирна белт1унси лига саби иш. Илини сабри х1у илкъяйда бамсахъурси. Убаса буркъа лига!

-Иш дех убасасли, ну бек1лил вяшбухъес х1ебирус.

-Бируд. Дуц1ли башес бируд. Гъари ил нуни бит1ик1исну.

Бируси тях1ярли къянала дурх1я пясписагла вахълизи бит1ак1иб. Дех удили, саби чедили пясписаг ругбяхъиб.

-Х1уни набзи авария барахъири. Т1ашбатаба гъанна къяшмачи, абизес х1ебирулану.

-Се баралли чеббиркура х1ечибад ил дех?

-Се баррили хъали ил чеббиркуси ах1ен. Набчи ил нешли чебихъибси саби.

-Х1у нешлис дигули буили ах1енри, х1ебиалли. Ил сек1ал набчи чебихъалри, ну вяшбухъес х1ебираси. Сен нешли х1ед иш дилагъунти дуклума х1едарибти?

-Дила нешли дуклума дарес х1ебала.

-Валлагъ, вайси уста буили саби х1ела неш! Х1елагъуна чебхъла чили-дигара барес бала.

Нешлис вайси гъай бурибх¹ели пясписаглис вайбизур:

-Ца чилилра х¹ебала! Балалри, царх¹илталара иш дилагъуна вахъ бири!

а) Текст саркъахъили белк¹еная.

б) Мяг¹на кавлахъи къант¹си изложение белк¹еная.

в) Ишди дугъбала лексический мяг¹на бурая: вахъчеб пясписаг, гунзри, черт¹адри, ругбяхъиб, чебхъла.

г) Иш предложениела разбор барая: Бируси тях¹ярли къянала дурх¹я пясписагла вахълизи бит¹ак¹иб.

д) «Дуг¹ла миц¹ираг» бик¹уси темаличила ихтлат барая.

Х¹янчи 2. Диалог чеббелк¹еная, багълабирнила ишараби кадатирая.

Къядгализи г¹яра уктемли бик¹ули саби чина аркъулри ишцад жявли къант¹а къашмар? // Шадиб аркъулра. Х¹ебалтарав? // Букъен, букъен гъарахъли аркурину х¹у х¹ела къашма! // Х¹ела къашми дахъ ц¹акъти сари х¹ебик¹уду, Г¹яра? Багъи, х¹елайчир дила к¹инали цакъти сари бик¹ар Къядга. // Г¹ях¹-х¹яй-х¹яй! дукарк¹ули саби Г¹яра. Х¹у пях¹ирк¹ун нуни лебси мерличиб балтари. Х¹у ита бетаайчи, ну итара бетаили, ишара чарбулхъас! // Х¹ердик¹ех¹е бик¹ули саби къядга. Х¹у лаглизиб дуц¹бик¹уд ункъли, амма катлизиб х¹у пайда лебси ах¹енри. // Баши, баши, бургех¹ену, лайикъси мер сабурагарбиуб Г¹яра. Х¹у, ашкарлигу, дуббатурли дурабухъири. Ну, биалли ах¹енра бик¹ар Къядга.

Х¹янчи 3. «Тукейзир» ибси ситуацияличила диалог белк¹еная.

§ 28. Цитатаби ва илдазир багълабирнила ишараби.

Сунени буруси марбарес багъандан, гъайик¹усили сегъуналра барсдеш х¹ебиахъубли пайдаладарибти, чила-биалра гъайлис яра сегъуна-биалра произведениелизирад касибти гъайлис цитатаби или бик¹ар.

Цацах1ели цитатаби, авторла дугъбачил дарх дак1или, гъарси гъайличи дурусли мешудикесра асубирар. Илх1ели илди гъарси гъайван лук1а.

Масала: Алексей Толстойли бурибсири: *«Мез чучивли адам пикриик1ути ярагъ сари. Мез цаити пайдаладирни цаити пикриик1нигъуна саби»*

Амма цитата авторла дугъбала ца бут1а саблинра бак1ес бирар. Илх1ели ил кавычкабази бурцу ва бишт1аси х1ярпличил лук1а.

Масала: 1. Алексей Толстойла *«мез чучивли адам пикриик1ахъути ярагъ сари»* ибси пикри лебг1еб мурхъси пикри саби.

2. А.М.Горькийли *«арзибси сек1айчила гъайик1ни, ил бархахъни саби»* или бурни дебали бархъси саби.

Ишара. Назмула, далайла тугъи назму тях1ярли делк1и пайдаладирули диалли, кавычкаби ках1едалта.

Масала: Наб дебали г1ях1билзан Батирайла далай

Вебк1мебк1аб г1ях1на гъабза,

Виалра турла душман.

Катмалаб вайна гъабза,

Виалра даргла узи. – ибти тугъи

Х1янчи 1. Урусла чебях1ти писательтала пасих1ти гъай, предложениела бут1али диахъубли делк1еная.

Глибрат: «Ну вахъх1и халкълис дигули кавлас». А.С. Пушкинна сунела назмулизир «Ну вахъх1и халкълис дигули кавлас...» или делк1унти дугъби мартили урдухъун

1. «Г1ялимли, поэтли, ургъанни, диванчили ва царх1илли виъни г1ях1си саби, амма илх1ели адамли х1ейъни дебали вайси саби» (В.Г.Белинский)

2. «Адам – араг1еб дунъя сай, ч1янк1ли илала бек1сигъуна мурад асилси биалли» (Ф.М.Достоевский)

3. «Талих1 – арадешгъуна бирар: ил х1исаб х1исабх1ебирух1ели, лебсили уббулхъан» (И.С.Тургенев)
4. «Мурталра разиси адам талих1чевси вирар, талих1чевси адам сахаватси вирар» (В.Г.Белинский)
5. «Адам - талих1чевсили виэс г1яг1ниси сай. Рахли ил талих1агарли виалли, сунечиб г1яйиб саби» (В.Г.Белинский)
6. «Ванзаличирти жагати ибти лерилра сек1ал берх1или ак1ахъубти сари ва лерилра г1ях1ти ибти - адамли» (М.Пришвин)
7. «Пергерси саниг1ят саби ванзаличив адам виъни» (М.Горький)
8. «Пагъмуливан гъунарлира мурадличи аркъуси гъуни къант1биру» (Л.М.Леонов)
9. «Талих1чевси сай адам - асилти баркъдлумала мякълар сунела г1ямру дерк1ибси» (А.К.Толстой)
10. «Рахли адамлис гъунарти сархес дигули виалли, илди илини мурт-дигара сарху ва г1яг1ниси мерличир дургу. Х1уни балулрив, гъунартас г1ямрулизиб мурт-дигара мер бирар» (М.Горький)

Х1янчи 2. Белч1еная. Цитатаби деклардарая. Илди секъяйда делк1ил пикри бях1чая.

1. Лебилра г1ялимта цаурк1ли буриси «Рабадан Нуров-даргала литературалис хъулчи кабахъибси поэт сай» ибси пикри нушанира къабулх1ебарес х1едирех1е. А.М.Горькийли ца сунела статьялизиб «Пушкиннис гъалабти поэтуни мискин халкъла г1ямру бек1лил далути ах1енри» или белк1унсири.
2. А.С. Пушкинна «Ну вахъх1и халкълис дигули кавлас» ибти гъай дархътили урдухъун.
3. Илгъуна адамлис халкъ «мух1ли мукъарла, ганжи бец1ла» бик1ули бирар.

4. Учителыис дурибти «лебилра сунела цлакь, х1ила майъа, лебилра сунезиб лебси дурхъасигъуна сек1ал учительли сунела ученикунас, халкълис лугуси саби» ибти гъай Михаил Иванович Калининна сари.
5. Татартала машгъурси поэт Муса Джалильла хъунул Амина Залиловнани бурни х1ясибли, «Мусала бузераила барх1и савли дирути зарядкаличибад бех1бирхъусири»
6. Леблисалра тянишси С.И.Ожеговла словарьлизиб пагъ саби «адам, ит яра иш баркъудиличи, саниг1ятличи вит1ак1ни» яра г1ямрула баркъуди барес чебси». Психолог Б.С. Кравцовли бурули сай, пагъ «х1яя, сек1ал бални, иличи вит1ак1ни» саби или. Профессор И.А. Кассирскийли пагъ белгибирули сай «урк1ила жи» или. Илди лерилра баянбирниби дурусх1едиркни чебаэсли саби. (И.Шамов)
7. Тухтур ва писатель П.Бейлинни лук1ули сай: «Медицинский институнази ва училищебази буч1анти чеббирк1нила гъамадси ва умутчебси тях1яр леб: ца дус бузаб илди санитаркаби ва няняби биубли. Ахъаб гъанк1агар дугурби дек1си зяг1ипсила ухъала мякълар» (И.Шамов)
8. Петр Первыйли тухтурла саниг1ят чеббик1ибти адамтазибад т1алаббириусири «г1ях1деш барес дигни ва бузери, валикибдеш ва къурбандеш, г1яг1ниси анц1букълизиб сунела х1янчи дугели ва х1ерели бирес х1ядурдеш» (И.Шамов)
9. «Урухк1уси тухтур – ил бег1лара кахси тухтур сай, сенк1ун илини зяг1ипсилис селра х1ебарес азир сабаб дургу», - белк1ун урусла терапевт академик Б.Е. Вотчалли. (И.Шамов)
- 10.«Г1ямрулизиб бег1ла халаси талих1 – х1у дигахъниличи умут бихъни саби», - вик1и Францияла машгъурси писатель В.Гюго.

Х1янчи 3. Удир гибти духути пикруми саркъахъили делч1еная ва илдала мяг1на бурая.

Арц дурхъати сек1ал сари, адамла г1ямру гъат1ира дурхъати сари,
замана биалли лерилра сек1айчибра дурхъаси саби. (А.В.Суворов)

Замана бег1лара дурхъаси сек1ал биалли, замана х1яжатагарли
харжбирни бег1лара халаси усалдеш саби. (Б.Франклин)

Бетахъахъибси гъарил сяг1ят – ил бетахъибси х1янчи, бетахъибси
г1ях1деш саби. (Ф.Честерфилд)

Бег1лара г1ядабси ва халаси бетахъ – ил замана бетахъни саби.
(Ж.Бюффон)

Тамашала саби адамла т1абиг1ят – давла бетахъибх1ели дец1ик1ули
вирар, сунела г1ямрула бурх1ни чарх1едиэсли дуг1ли ардашниличи
х1яжатагарли х1ерик1ар. (Абуль-Фарадж)

Сунела заманала ца сяг1яталра дуг1ли берк1ес къасбарибси адам
г1ямрула лебилра кыматчебдеш аргъеси даражаличи ахъиубли х1ейрар.
(Ч.Дарвин)

Халкълис г1ях1дешлис узни - х1ера, ил саби г1елайзи арбухес
асух1ебируси мурад. (В.Гюго)

Гъарли-марли адамли виэс ибси ах1енси адамла царх1ил мурад биэс
х1ебирар. (Л.Шефер)

Мурталра игитли виэс х1ейрар, амма мурталра адамли калес вирар.
(И.Гете)

Г1ямру илди ахирагарли чеункъик1ни сари. Вег1 таманни
чеветаибсилизи халарни – вег1ли вег1 кавшнигъуна саби. (В.Геббель)

Х1янчи 4. Чедир гибти духути пикруми цитатаби диахъубли,
предложениеби пикридарая.

Гъарси гъайличилси предложениела синтаксический разборла план.

1. Бурес, гибси предложение гъарси гъайличил биъни.
2. Авторла ва гъарси гъай дек1арли дурес.
3. Авторла гъайлизир предложениела членти чедаахъес.

4. Гъарси гъай ва авторла гъай сегъуна предложение сабил бурес.
5. Багълабирнила ишарабачила бурес.
6. Гъарси гъайличилси предложениела схема чебаахъес.

Учибяхъ предложение.

Царка предложениебала дурарад мезлизир къаршидиркули дирар чунитинтиси пикри иргъахъути учидяхъ предложениебира.

Сунезир кел яра имцлати царка предложениела грамматический хъулчи лерси предложениелис учибяхъ предложение или биклар.

Масала: Ил хабарличи неш дебали разириуб, ва уршила урши чезс урки шагъарлизи гъуцлбухъун.

Царка предложениеби сари-ургар мягнализир ва грамматикалашал дархдалснила тяхлурти хлясибли, учибяхъ предложение бирар кел журала: цалабяхъниличилси учибяхъ предложение ва чебедниличилси учибяхъ предложение.

§ 29. Цалабяхъниличилси учибяхъ предложение.

Цалабяхъниличилси учибяхъ предложение или биклар мягна хлясибли бутлацугти, ихтиярлизир цагъунти, цаличи ца хъархлехъибти, цахнадирхъути союзунани яра илдала мер бурцути цархилти дугъбани цализи ца дигъунти царка предложениебазибад бетаруси учибяхъ предложениелис.

Цалабяхъниличилси учибяхъ предложениелизи цахнадиркути царка предложениеби мягнализир цагъунти, ихтиярлизир цугти, цаличи ца хъархлехъибти диъни глячихъли чебиули бирар.

Масала: Лехкахъилри чедиб закра, паргъатлири удиб ванзара. (Р.Р.) ибси учибяхъ предложенелизир тикрарбиклуси союз -ра -ли ихтиярлизир цугти, цаличи ца хъархлехъибти кел царка предложение цализи ца дигъи сари.

Чула мяг1на х1ясибли ва сари дилгъути союзуни х1ясибли
цаладяхъниличилти учидяхъ предложениеби х1ябал журала сари:
цах1надирхъути союзуначилти, къаршидурцути союзуначилти ва
дек1ардирути союзуначилти.

1. Дарган мезлизир бег1лара зумали къаршидиркути
цах1надирхъути союзуни сари – ра, ва, я.

Союз –ра цализи ца дилгъути к1ел предложениела урга – дек1ар
кабалтули х1ебирар, ил предложениела чиди-дигара членничил
бархбалсули бирар. Дарган мезла –ра союзла мяг1на урус мезла *и* союзла
мяг1наличил цугси саби. Учибяхъ предложениелизир чум царка
предложение лер диалра, илдачил цугли тикрарбирар –ра союза.

Масала: Къяцмук бугъа унцра леб, ца шел къуруш арцра лер, ца-к1ел
бала ч1янк1ара. (Б.)

Союз *ва* дарган мезли г1ярабла мезлизибад г1ебасибси саби. Г1ядат саблин,
ва союзличирли учибяхъ предложениелизир цализи ца к1ел предложение
дилгъули дирар. Союз *ва*-личилси цалабяхъниличилси учибяхъ
преджениели ца заманализир яра гъар-г1ергъили кадиркути анц1букъуни
чедиахъу.

Масала: 1. Вац1ализибад бец1ла авла т1ама чехиб, ва илмадан мера-
мераначирад бук1унала хури гъямдик1есдииб.

2. Ургубадани илала хъуц1арлизи хъат къужбариб, ва илх1ели
Чакарабазир сари туснакъла аркниличи сегъуналра ташмишдеш ках1елун.
(Х1.Г1.)

Союз *я* дарган мезлизиб союз *ва* тях1ярли тикрарбик1уси журала союз
саби. Г1ядат саблин, союз *я* подлежащеелис гъалаб башули бирар.

Масала: Я эмх1е дехличи башар, я дех эмх1еличи башар. (Х.)

Дарган мезлизир къаршидурцути союзуни сари: *амма, биали, -ну, -гу*.

Масала: 1. Янила каникулти ахирличи гъамдик1улри, амма рурсилис
шилизи чаррухъес х1ейгулри. (З.З.)

2. Дураб буг1ярли ах1енну, ванали саби.

Дарган мезлизир деклардирути союзуни сари: *яра (яра-яра), я (я-я), я-яра.*

Ишди союзуначилти учибяхъ предложениебани гъандушибти анц1букъуназибад ца ах1енси кабикили биэс х1ебирни чебилахъу.

Масала: 1. Я х1у набчи вак1и, я ну х1ечи ляхкъяс.

2. Х1уни дудешлизи балахъаду, яра нуни нешлизи буришав?

Х1янчи1. Чеббелк1еная. Учибяхъ предложениела жура белгибарая.

1. Савли чеваргъибх1ели, Асельдерли хъулиб я нешла я дудешла т1ама х1ергъиб. (М.Х1ус.)
2. Дудешли муц1ур луг1улри, нешли Асельдерла ц1уба х1ева итулабирулри.
3. Хапли ц1яббиуб, къукъуиб, заб карт1иб.
4. Рахли дила бек1ла черкад селирил т1яхъяр-т1яхъяръили т1амадариб, ва серил дила бек1лизи чегиб.
5. Чеваргъили х1ерик1уллагу: нуни хибти хъярби делхъи, илда букес лебилра алавбухъи.
6. Ил лагерьлизив Загъир илала г1ергъира к1ел базцадх1и калунсири, амма илини г1ур Муртаза чех1еиб. (Х1.Г1.)
7. Гъанна дург1елаб дуц1румла ахир ибгулри, дуц1румла х1янчилис бег1ла г1ергъиси к1ант1 кабалтулри. (Х1.Г1.)
8. Цабех1ли анк1и т1ирхдирулри, царх1илтани гавлагуни дирц1улри, жагъилтани илди укрочи ва машиналичи чедирхъулри. (Х1.Г1.)
9. Загъир х1ерк1личи увях1ихъуси бях1ла дайлизи каибх1елира, г1елабад далайла т1ама чебихулри. (Х1.Г1.)
10. Ил хъули чарриубх1ели, Барият русули ах1енри.

Х1янчи 2. Белч1еная. Царка предложениеби дек1ардарая.

Литературала кабинет балкъарахъни.

Литературала кабинет дурх1нас чула хъаливан дигахъес чебиркур. Ил сек1ал сархес виар ч1янк1ли учительла гъар барх1иласи къайгъиличибли.

Селичибалра гъалаб, кабинет балкъаахъес саби дурх1ни жибирес г1ях1си саби.

Вег1ла бут1акъяндешличил бируси х1янчи имц1али дигесли ва ил гъат1ира чекъулайбик1ахъес дигесли уббулхъан, урх1ли барибсиван яра бирусиван ах1и.

Луцрала бях1яназирад детх1ел-сатх1ел чумал ч1ярт1а уркъли (рейкаби) кадирхъути сари, жагали лаклира дакили. Илдала урглumi цагъуна къадарла дирулира дирар. Илдази г1ябли кадяхъили, ила гъимиртачил черях1ихъес гъамадли дирар цацадех1 суратуни, бек1аначилти тетрадуни, папкаби, альбомти ва ц.

Хъали илкъяйда балкъаахъурли г1ергъи, илар пайдаладирути (дузахъути) ваях1 т1алабдирнила, дурчнила ва мерладирнила х1янчи дех1дирхъур.

(Амирбек Къадибях1яммаев)

Х1янчи 3. Цах1надирхъути союзуни даргая, илди баяндарая.

Г1е, ч1умали сабри шилизиб директорла хунк1ра, бяг1ули сабри илала къакъра, кахли сабри т1амара, бухъянни сабри някъра. (Г.-Б.)

Яра ну вамсурли или дила андализи-мага белк1ив, яра х1уни вамсурли-мага чейулав? (Х1.Г1.)

Г1ях1тира бири илди-ургаб, камх1ебири вайтира, къаршибирки х1ялалтира, сецад-дигара бири х1ярамзадабира. (Г.-Б.)

Учительскаяла унза гъаргдиуб, ва илавад ургарти г1ямрула, ургабси ахъдешла мурул адам дуравхъун. (Г1.-Б.)

Ил хабар барх1ехълис шилизи сабаиб, ва лебил шанти бачабархиб.

Я нуни шала чебиули ах1енра, я наб эркиндеш агара. (А.Къ.)

Х1янчи 4. Къаршидурцути ва дек1ардирути союзуни даргая, илди союзунала мяг1наби цаличил ца цугдуцая, союзуни баяндарая.

1. Г1ях1на гъабзала г1ямру дирар гъану шура дус: я урх1лиини каршу, я Сибирьлизи арку. (Г1.-Б.)
2. Гъачам дяг1 булхъи, гъачам къянарлих1ирадван заб чях1дик1и. (А.-Б.)
3. К1елра някъли галгара алавбарили вьвэс къасбарибгу, т1ама х1ебак1иб. (Х1.Г1.)
4. Х1уни илдас г1ях1деш барес халаси х1яракат барригу, ишдани биалли х1ела къайгъни ург1ерли аргъиб.
5. Я хъайг1и ац1и, я х1ед нуни х1яка лебхис. (К.Г1.)
6. Иш я чедибад пяхъярбухъунси халал бялихъ саби, яра дуг1ла къузрала х1енкъ урухбиубли арцурли бурги. (С.Г1.)

Х1янчи 5. Учидяхъ предложениеби царка предложениебачи дут1ая.

Глибрат: Гъагси, бамкъурси барх1и саби, амма ванали саби. Гъагси, бамкъурси барх1и саби. Амма ванали саби.

1. Юртла луцри ч1умати къаркъубазирад дарибти сари, ва х1ерк1ли илди шишдарес бирули ах1ен.
2. Илала вях1личибад майъа къири къяйда кабухъи саби, амма ил адавзичил разили узули сай.
3. К1елра някъли галгара алавбарили вьвэс къасбарибгу, т1ама х1ебак1иб. (К.У.)

Х1янчи 6. Ишди союзуни дак1ахъили, предложениеби делк1еная: *-ра, ва, -ну, -гу, яра, амма, я.*

Х1янчи 7. Творческий диктант. Цалабяхъниличилси ва чебедниличилси предложениеби белгидарая.

Хаслира анц1букъесли бирар янила буг1ярси аргъализиб, сенах1енну лебилра хъулрази диг1янбикили бирар, хъунрицун ах1енну, муйлира. (Г1.А.-Б.)

Неш рахъх1и х1еррик1ули калун, Мухтар биалли, урга-ургади г1елавах1 шурирхъули, нешлис някъра гъак1бирули, нешличивад гъарахъиркулри. (Г1.А.-Б.)

Забидачи чегъурси ца бук1улси вавнар ч1янк1ила х1ева сабри - илис буг1ярли биъниличи шакикес къиянни ах1енри. (Г1.А.-Б.)

Вари, х1ушани ил сек1ал дила адавзила вайси къиликълизи халмабиридая, ил къиликъ пахрула ва дигила лишан саби. (Г1.А.Б.)

Шамил х1елуси х1ушала ургав мажах1ят лев виэс: ил г1яжаибси къисматла адам сайри. (Г1.А.-Б.)

Х1ерк1 мут1иг1ли саби, х1ерк1 разили саби, халкълис пайда лугес илала къас халаси саби. (Г1.А.-Б.)

Х1янчи 8. Назму саркъахъили белч1еная. Цах1надирхъути союзуни даргая ва илдала къадриличила бурая.

Марти гъалмагъуни.

Х1у чина укъядлира,
Хурира лер гъар мерлар,
Шимазир шагъуртазир
Ва дурзамтала дублар.

Къушлизир къаршидиркур
Дуц1румла урдабазир,
Ва геологунала
Гъарахъти чятиртазир

Камли диалра дирар
Хури автобусларра,
Г1ягначи кадаркьили
Карзинкала дух1нарра

Къунздиру, шадир дику
Шагъарла анхъкад илди,
Бигъи яра х1ебигъи
Хъябличи к1ант1ил гъимир.

Къяшмачир хъярхъти сари,
Лих1бачир сахъти сари,
Гъалмагъдешлизир даим
Адамтас марти сари.

Илис сар кадизурти
Ургар гъалмагъдеш марти, -
Адамтас дигахъути
Ва х1ердирути хури. (Р.А.)

- 1) «Нушала хя» бик1уси темаличила сочинение белк1еная.
- 2) Урус мезлизирад г1ерасибти дугъби черделк1еная ва илди дарган мезлизир лук1нила тях1урти дурая.
- 3) «Гъалмагъдеш» ибси девла фонетикалалашалси разбор барая.

Х1янчи 9. Чеббелк1еная. Къаршидурцути союзуначилти учидяхъ предложениеби даимдарили, тамандарая.

Глибрат: Гъайбат дудешлизи гъайрухъун, Салимат биалли
Гъайбат дудешлизи гъайрухъун, Салимат биалли илизи гъайрухъес урузриуб.

1. Мухтарли ил кагъар белч1ун, амма
2. Нуни дила хат1а гъаргбарра, х1ушани биалли
3. Гъала хъулиб муйли сабри, г1ела хъулиб биалли
4. Х1улби дукарк1улри
5. Нушаб ик1аб буг1ярли ах1енрину

Х1янчи 10. Царка предложениеби учидяхъ предложениебази цах1надахъяя союзунала (ва, амма, сенах1енну) кумекличил.

Савлиличибадал аргъ буг1ярбиуб. Авлахъуначи г1ях1цад дях1и бариб.

Нушала шилизивси Г1ях1мад лебтанилра вала. Ил хабарла бук1ун сай.

Янилизир х1яйванти дурхъбазир дирар. Ванаси барх1и чумал сяг1ят дурайу.

Жаниварти дукикъяна х1ерудиагар виали чедулхъан. Илдани миц1ираг талапдиру.

Хамис нешличи х1еррик1ули сари. Сунени гъайэс рирули ах1ен.

Г1инизла къярд бик1ни бархъси саби. Ишаб г1яжаиб г1ях1ти шинна г1иниз леб.

Х1янчи 11. Предложениеби делч1еная, дархъдатурти союзуни чедаахъая. Союзуни кадалтули черделк1еная.

Ц1елда буркъбиубли ах1ен, иличи чуйнара чях1-заб дарли диъни багъесли саби. (Г1.А.-Б.)

Хъулрала гъалар, бурухлиур, адамла ганзла т1амри дикъесдах1иб, унза гъич1бухъун, хъа вег1 ух1навхъун.

Илала далайлизиб ца-дек1ар г1ячихъдеш агара, Сулайбай ил селичила уч1улрил балулри.

Х1яб биркъес алавбак1иб, биркъубси мер итсег1ят шинни биц1иб. (Р.Р.)

Баргили дила къап1а, касили дила хъярби, ну дуц1ли хъули вак1и.... (Л.Толстой)

Школьникуни хъули чарбулхъулири, берх1и г1елабикес замана баилри.

Чуйнара рурсили х1еръиб, сунени спутник чебаэс х1ериуб.

Рах-махли дяг1 вьшбулхъи, илала т1ама лебил анхълизи т1инт1бири. (Х1.Г1.)

Х1янчи 12. Точкабала мерла г1яг1нити х1урпри кадатирая ва саркъахъили белч1еная. *Ва* союзлис гъала запятая кабатурсил ва ках1ебатурсил бурая.

Вац1ализир къукъу-лямц1.

В...шт1ах1ели гъачам ну вац1ализи в...къунра. Вац1ализи вета...ра, ва нуни хъ..рби дучира. Ну чарухъес валкъаур...агу, рахли ц1яб...иуб, къу...уиб, заб карт1иб. Илх1ели ну, урухиубли, ца халаси ми...ла галгала уди кайира. Лямц1бу...алри, нуни х1улби г1еркаси. Дила б...к1ла чедирад с...лирил т1якъ-т1якъ или вайти т1ама дариб, ва дила б...к1лизи серил чегиб. Ну къа...иубра ва кайкира, заб тамандиайчи, ил...в калунра. Чеваргъирагу, вац1ализирти гал...убачирад шин к1ант1дик1улри, арцанти ду...улри, барх1иахъилри. Х...ласи ми...ла галгала уц1луми лерри. (Л.Толстой)

Х1янчи 13. Текст чеббелк1еная. Подлежащеебала ва сказуемоебала уди къелаая. Царка ва учидяхъ предложениеби дек1ардарая.

Рахли дубуртачир ц1удара гъагулти дагъардиуб. Берх1и к1ап1бариб, ц1яббиуб. Дурх1я хъули гъавухъун, амма Хъябц1а биалли сунела пукъалаб калун. Заб к1алт1аларад карт1утин дашули сари, дубуртачирадли халати х1урк1би кадухъи сари. Х1ерк1 гъачамлис-гъачам ахъбик1ули саби, алавчарли чеб-чеббулхъули саби ва адам урухиэсли т1амалибиркъули саби. (С.Г1.)

Чебедниличилси учибяхъ предложение.

Чебедниличилси учибяхъ предложениелизи чула даража цугти ахленти клел яра имцлати предложение кадурхар: ца бек1 предложение ца яра чумал чедедиб предложение, чулира араг1еб бек1 предложениела яра илала декларти члентала мяг1на т1инт1бирути, баянбирути, г1ячихъбирути. Чебедиб предложение бек1 предложениелизи билгъа чедедлугути союзунани яра илдала мер бурцути царх1илти дугъбани.

Масала: Нушани х1янчи бех1бихъес х1едиубра, сенк1ун илар х1янчилис г1яг1нити лерилра ваях1 аги.

Чула мяг1на ва каргъни х1ясибли, чебедниличилси учидяхъ предложениеби чумал журала дирар. Илдазирад хасте лишантачирли деклардулхъули сари подлежащееела, объектла, определениела, аги-къяйдадала, мяг1на къаршибурцути, шарт1ла чедедиб предложениеби.

Бек1 предложениера чедедиб предложениебира сари-ургар, запятаябачил деклардиру.

§ 30. Подлежащееела ва объектла чедедиб предложениеби.

Подлежащееела чебедиб предложениели бек1 предложениела подлежащее баянбиру, илала мяг1на т1инт1ли гъаргбиру, г1ячихъбиру.

Подлежащееела чебедиб предложениели бек1 предложениела подлежащеегъуна суайс жаваб луга. Эгер бек1 предложениелизиб подлежащее уббатурли биалли, ил журала чебедиб предложение бек1 предложениелис объект биубли башар. Чула каргъни х1ясибли бек1 предложениера цагъунти диэсра, цагъунти х1едиэсра асубиар: ца номинативный журала биалли, итил эргативный журала биэс асубиар. Бек1 предложениела каргънилизибад дигахъуси саби чебедиб предложениеличи кабалтуси суал.

Масала: Урх1ла урчиличи чи мурдайалра, ил чярт дахъил лерих1и чевкалхъан. (бурала) Урх1ла гъамбарили, вег1ла чили гъарахъбаралра, ил пашманх1ейэс г1ямалагарси саби. (бурала)

Объектла чебедиб предложениели бек1 предложениела объектлигъуна суайс жаваб луга. Эгер бек1 предложениелизиб объект уббатурли биалли, ил журала чебедиб предложение бек1 предложениелис объект биубли башар.

Дарган мезла объект мурталра аргъахъили бирар уйхъу падежла формали, ил багъандан иличи суалра уйхъу падежла формализиб кабалтуси саби: чи? ва се?

Объектла чебедиб предложениела каргъни ва ил бек1 предложениелизи билгъути тях1урти подлежащеела чебедиб предложениелагъунти сари.

Масала: Ну чили чех1ейули виасра, ил нунира чех1ейис. Чи ункъли узалра, нушала бригадирли ил г1евурцу.

Илдигъунти предложениебазиб гъарилра бек1 предложение эргатив журали каргъуси бирар, сенк1ун номинативный журала предложениебазиб объект бируси ах1ен.

Х1янчи 1. Чеббелк1еная. Таманх1едиубти чедедениличилти учидяхъ предложениеби тамандарая. Имц1абарибси предложение, бек1 яра чебедиб предложение сабил, белгибарая.

Масала: Ну илизи ахъли гъайик1ес вех1ихъира, сенах1енну ... - Ну илизи ахъли гъайик1ес вех1ихъира, сенах1енну илини вайт1а бикъулри.

1. Ил гъачамлис вец1ну авра дус сари риубси, биалра
2. хъалли, нуни ил х1янчи х1ебирис.
3. Гъалмагъдеш дурхъати сек1ал сари, ил багъандан
4. Сяг1ят урч1емал дикилри, биалра
5. Х1яйванти дукирад леркух1ели,
6. или, Г1исани нешлизи багъахъур.
7. Собрание г1еланачи арбухиб, сенах1енну
8. Эгер жаг1яйс администрацияла секретарь чарх1евхъалли
9., илдани чула хъучибад г1ях1си сабухъ кайсу.

Х1янчи 2. Чузиб уббатурси подлежащее кабалтули, ишди удирти предложениеби черделк1еная ва секъяйдали царка предложение подлежащеела чебедиб предложениеличилси учибяхъ предложениеличи шурбулхъулил, пикри бях1чаия.

Глибрат: Гидгари биг1унсили г1ярг1яра билг1я.- Гидгари чили биг1ялира, илини г1ярг1яра билг1я.

Дец1 чех1ебаибсили разидешла мяг1на х1ебала.

Набзи маймайик1уси гъанна ишав дак1уухъаб.

Гъабзали барибси дуг1ли бетх1ейхъур.

Къут1къусила т1ем х1ебагъурсили мурисила т1яг1ям х1ебала.

Диркъаличиб ч1ич1ала чебаибси дубуртазив гъаялизивад урухк1ар.

Х1янчи 3. Подлежащеела чебедиб предложение дек1арбарая. Сен ил чебедиб предложение бируси? Сегъуна суайс жаваб лугули илини? Чебедиб предложениела ва бек1 предложениела каргъни сегъуна?

1. Ну вархъли ах1ен вик1уси чи саял, илини ганз гъалабях1 кац1аб.
2. Чи узх1евзалра, ил укх1евкар.
3. Илди авара шикъдарибси чи виалра, илини илди сунечи чекасесра чебиркур.
4. Гъайгъай, нуша-ургав халасигъуна чи саял, лебтала шайзивад ил гъайра ухъаб.
5. Чи вахъх1и калалра, илини дахъал чедиу.
6. Савли жявли чи алзаллира, ил пашман х1ейрар. (Бурала)
7. Верх1ел талхъаннацад мас чили кабухаллира, ил ветарар нушала рурсилис мурул. (Х.х.)
8. Бамсри х1ебалули чили х1янчи бараллира, ил мурадличи виур. (Бурала)

Х1янчи 4. Подлежащеела чедедиб предложениеби дак1ахъили, шел учидяхъ предложение делк1еная.

Х1янчи 5. Подлежащеела чедедиб предложениеби имц1адирули черделк1еная.

1., ил мук1урвак1иб.
2., илини дахъал чедиу.
3., илини бураб.
4., илини илди сунечи чекасесра чебиркур.
5., ил ункъли х1ерирар.
6., ил дак1укавхъаб
7., ил вак1аб.

Х1янчи 6. Объектла чедедиб предложениеби чедаахъая.

1. Нуни бурра, бурямла замана авлахъличив Пугачевличил ну сен-сен тянишиубрал. (Пушкин)
2. Итаб се бетаалра, нушачи белк1ен.
3. Уктемдеш агарси жагъил адамла куцлизи кахси къачагъ диг1янаикили сай или, цалисалра гъанх1ебикиб.
4. Чи ункъли узалра, нушала бригадирли ил г1евурцу.

Х1янчи 7. Т1инт1си объектичилси царка предложениеби ва объектла чедедиб предложениебачилти учидяхъ предложениеби дек1ардарая ва илдала дек1ардешла баянтачила бурая.

1. Чи ункъли узалра нуни г1евурцис. Чи ункъли узалра, ил нуни г1евурцис.
2. Г1айибла вег1 чи саял нуни г1евх1ерцис. Г1айибла вег1 чи саял, ил нуни г1евх1ерцис.
3. Х1у г1евурцуси чи виалра х1унира г1евурцен. Х1у г1евурцуси чи виалра, ил х1унира г1евурцен.

4. Х1у г1евурцуси чи саял х1унира г1евурцен. Х1у г1евурцуси чи саял, ил х1унира г1евурцен.

Х1янчи 8. Объектла чедедиб предложениеби даклахъили, х1ябал учидяхъ предложение делк1еная.

Х1янчи 9. Текстлизир бек1 ва чедедиб предложениеби даргая, илди каргъни ва мяг1на х1ясибли сегъунти журала сарил бурая. Чучи суалти кадатирая.

1. Тяп дудеш Мях1яммад сегъуна вирибал, тяп илгъуна ак1уб дудешла у бедибси Мях1яммадра. (Г1.Г1.)
2. Илкъяйда гъямиру дебали вайси хяли, сабира ца гъям или адамла къяшличи сабиуси. (С.Г1.)
3. Илав левси сай хабардерхурси ца мушлукъя, сайра дебали ц1акъси, гъанналис цалра адамла кайкахъес х1ейубси.
4. Ишди дубуртачивад берх1и г1елабиркна х1ерик1алли, чебиули саби лебг1еб дек1арси мер: Кавказла дубуртала гъайбатчебси халаси лац-х1урхъала тугъ, суненира закла ил лебил шали гъалакбарибси. (С.Г1.)
5. Хъубзар сегъуна виалра, унцира илдигъунти дирар. (Бурала)
6. Губденила шилизив левли уили сай ца давлачевси адам, сунелара лерг1ер жагаси чехъери рурси лерси. (Х.х.)

§ 31. Дополнениела чебедиб предложение.

Дополнениела чебедиб предложениели дополнениела суалтас жаваб луга ва бек1 предложениела дополнение баянбиру, илала мяг1на г1ячихъбиру.

Дополнениела чебедиб предложение бирар жура-журала каргънила бек1 предложениеличил барх, сенк1ун дополнение биэс бирар лерилра журала предложениебазиб.

Масала: 1. Дила урк1и чили иргъу или гъанбикалра, иличи ну кумекбарахъес дугъаилзас.

2. Нуни тамашабарра, (селичи?) ил иткъяйда гъайик1ниличи.

Х1янчи 1. Дополнениела чедедиб предложениеби даргая, илди бек1 предложениелизи сен-сен дархдасил ва чуни сегъуна мяг1на иргъахъулил бурая.

1. Нушачи къаршили чили гъай бураллира, ну иличил варгъиличи дуравхъес х1ядурсира.
2. «Нушала азадеш х1ебатес или чи шикъухъалра, нуша илмадан иличи къаршили дявли х1ядуртира», - буриб шантала пикри нушазивад халасигъунали.
3. Урши, къиянтазив чили х1у лайвак1ади виадра, г1ур иличил гъамдеш мадирид х1уни.
4. Набчил узес чи къабулли виалра, иличил варх ну бусяг1ят-дигара х1ядурлира.
5. К1арахъази дявли чихъали арбякъунтирил, нуни лебтала уми х1едалас, амма илдачил варх дила адада узи Хизри левсири.

Х1янчи 2. Дополнениела чедедиб предложениеби имц1адирули, чеббелк1еная.

1., иличи нушани адам урхъех1е.
2., дила урк1и къясли саби.
3., туken абхъилил.

Х1янчи 3. Бек1 предложениеби имц1адирули, чеббелк1еная ва суалти кадатирая.

Аги-х1ял далуси чи-виалра,

Лайдак1ибти ванзурби трактортани далцниличибли.

Ишди нушала къийинжапалис г1яйибла вег1 чи-виалра,

Х1янчи 4. Дополнениела чедедиб предложениеби чедаахъая, илдачи суалти дак1ахъая.

Иш вархъкатурли, илди арбукниличи дила урк1и г1ясибиуб. Се баралли г1ях1илал или пикриик1ули, ну ил мерла т1ашкайзурра.

Бархъси биралри, илав ил дурх1я лайкак1или ватнилис илдас тамбих1 бареслири.

Илала кьаркъайзиб х1ила клант1 лебсигъуна ах1енри: клел-х1ябал барх1и гушли калъниличивли, ил дебали зяг1ипикилри.

Пикриухъен, гъари-ца, сегъуна анц1букъ бетаурлил!

Х1янчи 5. Дополнениела чедедиб предложениебачилти х1ябал учидяхъ предложение пикридарая ва делк1еная; цаибиллизиб чебедиб предложение бек1 предложениелис гъалаб бак1ахъили, к1иибиллизиб бек1 предложениелис г1ергъи бак1ахъили, х1ябъибиллизиб бек1 предложениела ургаб бак1ахъили.

Х1янчи 6. Урдатурти багълабирнила ишараби кадатирая. Дополнениела чедедиб предложениеби даргая.

Къурбан уч1ули сай адамтас х1еб ляркъниличила гъамли цабех1тала эмх1е бубк1ниличила.

Иван Владимирович пикриик1и урусла лебилра ванза унхъралабирниличила ва ц1едеш овощуни къяйдали, г1ядатла беркай детаахъниличила.

Дила урк1и кабизур Хадижат университетлизи карурхниличи.

Илав урши шакикиб сай илис вирг1якайубли диг1янаси сек1ал бурниличи, ва лезмиличи кьац1икун.

Диг1янаси сек1ал бих1есичиб, кьаклар дебали дуц1арти шинна клунт1ри дих1ес гъамадли бирар. (М.М.)

Дурх1ни гъайбик1ули буили саби, ца рухъна хъунуйс кумекбарес аркъех1е или.

§ 32. Определениела чебедиб предложение

Определениела чебедиб предложениели существительноели яра илала мер буцибси царх1ил девли аргъахъибси бек1 предложениела чиди-биалра членнис определение -деш диру ва сунени сегъуна? чиди? ибти суалтала цалис жаваб луга.

Масала: Ишарад верх1елра шайчи кадухъи сари варачанти, *сарира халати шурмачил аждагъа къайда дургъути.*

Определениела чебедиб предложение бек1 предложениелизи имц1аливан *сайра (сарира, сабира, сунелара, сунечира)* ибти союзла дугъбачил бархбалсан. Цацах1ели союзла мерличир глаголла формаби (*причастие, деепричастие*) ва кесекуни *-ван, -ра*, къаршидиркули дирар. *Сайра (сарира, сабира)* ибти союзла дугъби дашули сари лерилрара *-сера* падежунала формабазир.

Определениела чебедиб предложение бек1 предложениелизи билгъули бирар *х1ятта* ибси союзлира.

Масала: 1. Иличи жагъдеш чардухъи сари, бик1ар, *х1ятта сай дагарх1ели хъайчи кайибсиван.*

2. Халал х1ерк1, *сабира бамкъурси, жагаси ва къалабаси*, Днепрличи кабаэс гъалакбик1ули саби.

Х1янчи 1. Чеббелк1еная. Скобкализиб гибси предложение определениела чедедиб предложение бетаахъая ва багълабирнила ишараби кадатирая.

Г1ибрат: Ил барх1и Насират гъунила дублар т1ашлири (сари шагъарлизи рукъес х1ядурриуб) – Ил барх1и Насират, сарира шагъарлизи рукъес х1ядурриубси, гъунила дублар т1ашлири.

Нушала нешлис бизиигусири (унра Сариятли чуду бариб).

Илгъуна адам г1ур нуни чеибси ах1енри (сунени царх1иллис г1ях1 х1ебири)

Наб мурталра гъанбирки дубуртазибси дила бишт1аси ши (сунезир дила дурх1ядешла г1ямру дерк1ира).

(Иша бак1иб дурх1ни) нуни чех1ебаира .

Х1яйдарла Асиятли (сунела нешлис ухъна цугикиб) вагъх1егъурли сай уили сай.

(Жаг1ял мекъличи унра шила жагъилтира лябкъути саби) хабарли мекъличи букъяхъес лебилра иштях1бирулри.

Х1ямзатли ахъли салам бедиб (гумаила адапти т1ашбизур).

Нешли хабурти дех1дирхъи (илди дебали тамашалати дири)

Х1янчи 2. Багълабирнила ишараби кадалтули, чеббелк1еная.

Определениела чебедиб предложениеби дек1ардарая.

Сунела т1амаличибли багъеслири ил бишт1аси лакъай х1ебиъни ил бук1унала чумра г1ява –г1явати хинк1 деркунси ва чумра мазала лигуби делт1унси чубкар хя биъни сабира дуки-гъундурачиб буц1ачира балли бях1ес г1елемх1ебилзуси. (А.-Б.)

Гъанна пайда агара ибси гъанбикили илди урк1иагарбариб. (А.-Б.)

Нушачир (дубуртазир) дак1или сари азир рангли ухути пергер вац1урби ва унхъри сарира буц1арси барх1и х1ери г1ергъи кабулхъуси нушала ц1уэрлизи шивк1ивдик1ули гингишуша диркъути. (С.Г1.)

Гъар адамла урк1илизиб ца диг1янаси г1ямзи леб сунечи царх1иллис гъаввак1ни агарси яра вег1лисра ца гъат1илисра ах1енси абхъес асух1ебируси.

Рахли вачар бареси ахъесгу ибси пикриличил илини жагати тугъар хунжала чеди камгъамти сек1ал дурасиб. (А.-Б.)

Сари заманалис гъалар шадрирули риишагу ибси урехили ил таманни гъузгъалдириахъублири. (М.-Р.)

Х1янчи 3. Сунелара, сабира ва сайра союзла дугъби даклахъили, чумал учидяхъ предложение пикридарая.

Х1янчи 4. Определениела чедедиб предложениеби имц1адирули, чеббелк1еная.

1. Илаб леб шизиб башуси халати к1ап1рала бег1 кьар,
2. Бухъна биризла галга,, дяг1ли ч1якьярбик1ахъулри.
3., бишт1аси юрт анхъла байлаб сабри.
4. Илдала ца,, нушани гъалавра чеибсири.

Х1янчи 5. Белч1еная. К1унт1рала мерла, г1яг1ниси падежла формализир даклахъили, сай, сари, саби ибти союзла дугъби имц1адарая.

1. Валк1а Х1ятиши, вег1ла хъари каибси, урчи кавцес тугъ бирулри.
(Р.Г1.)
2. Гъарга, ахъси ва къадала гъалакабухъунси, ил дирихъла чедиб курт1бик1уси къяйда саби. (С.Г1.)
3. Х1ябкъайла дублаб Муркли бик1уси бишт1аси диркъа леб, байрумтала замана алавчарти махъурби – шимала халкъ учибиркуси.
(А.Къ.)
4. Нушала г1яскурти оборона буцибси мер музурбар сабри, лебил алавчарлаличибад чедибикибси. (С.Г1.)

Х1янчи 6. Бек1 предложениеби имц1адирули, чеббелк1еная.

1., сарира аждагъа къяйда дургъути.
2., сарира буц1арси барх1и, х1ери г1ергъи кабулхъуси нушала ц1уэрлизи шивк1ивдик1ули, гингушана диркъути.
3., сабира лебил алавчарлаличибад чебикибси. (С.Г1.)
4., сайра дебали ц1акъси, гъанналис гъалав цалра адамли кайкахъес х1ейубси. (С.Г1.)

Аги-къяйдала чедедиб предложениеби.

§ 33. Мерла чебедиб предложение.

Бек1 предложениелизибси баркъудила мер чебилахъуси чебедиб предложениелис мерла чебедиб предложение или бик1ар. Илни мерла аги-къяйдаливан чина? чинаб? чинад? ибти суалтас жаваб луга.

Мерла чебедиб предложениелизиб суалла местоимение къаршибиркур , сунечилибра чебедиб предложение бек1 предложениелизибси мерла наречиелизи билгъуси.

Масала: Заб чина даралра, чяртра илар дирар.

Х1янчи 1. Заманала чедедиб предложениеби даргая, илди бек1 предложениелизи сен-сен дархдасил ва чуни сегъуна мяг1на иргъахъулил бурая. Чучи суалти кадатирая.

1. Х1уша чинадах1 аркъядалра, нушара х1ушаб г1ергъи ляркъях1е. (Р.Г1.)
2. Гъалабла юрт гъят1биубси мер баргадалли, илар гъаб – убла адамтала сегъунти-биалра бург1лумира дургидая. (Г1.А.-Б.)
3. Х1улбала х1ер чебетиуйх1иб, сегъуналра миц1ирдеш чебиули ах1енри. (Х1.Р.)
4. Шин чинарад дурадикалра, шинкъанкулани г1янжила къала гъабирулри.
5. Бамсриахъес цалабикибих1иб, адамти дургъбачила хабурта бугъулри. (Р.Г1.)
6. Бег1тани чина вархъаслира, ну ила вашусири. (А.Къ.)
7. Алавчарли чина х1еръалра, лерилра дубуртачир дурзамти чедиулри. (Р.Г1.)

Х1янчи 2. Мерла чедедиб предложениебачилти учидяхъ предложениебира кадерхахъурли, бишт1аси хабар тях1ярла сочинение белк1еная.

Х1янчи 3. Царка предложениебазирад мерла чедедиб предложениеби дарая.

Г1ибрат: Г1ежа башнабад гежбара башар.- Г1ежа чинад башалра, гежбара илад башар.

Дяг1 бухъуних1ирад забра ляркъян.

Х1уни касибих1и бухили кабихъа.

Иш х1ерк1 башуйх1ир дуг1ла бяг1ани камх1едирар.

Бархъдеш агарих1иб г1ях1дешра х1ебирар.

Х1янчи 4. Чеббелк1еная. Мерла чедедиб предложениебачи бек1 предложениеби имц1адарая.

1. Бец1 чинабад авбик1есбиалра,
2. Заб чина даралра,
3. Дяг1 чинад биалра,
4. Зубрала удиб дяг1 чинабях1 кабухъалра,

Х1янчи 5. Чеббелк1еная. Мерла чедедиб предложениеби имц1адирули, учидяхъ предложениеби дарая.

1., итх1ели нуша гъайдирех1е.
2., илцадла къанни нуша детиутира.
3., нушара илцадх1и калех1е.
4., итх1ели вак1или х1ура левсири ишав.

Х1янчи 6. Текст белч1еная, мерла чедедиб предложениеби дек1арли чедаахъая. Сегъунти суалтас илдани жавабти лугулил, бурая.

1. Чина х1ерик1адра, гъар мерлар душманни дарибти зулмуртала асурти сарри.

2. Шин дашукад k1at1a гъяркабарили вашуси гъабзара гъабза ах1ен.
Бархъси бурес чебиркур.
3. Вяхълякъи чинабях1 урцулил, х1ерра илабях1 бик1ар. (Бурала)
4. Х1уша нушала х1яз тебих1и дукъеная.
5. Ит вац1ала къидакъари чебиуйх1иб гавла т1ал ахъбиуб.
6. Душман диг1янайкибси мерлаб ши, дигубти ва гъаннара ц1али
ламдик1ути хъулра биц1илри.

Х1янчи 7. Х1яб-х1ябал мерла чедедиб предложениебачил учидяхъ предложениеби пикридарая ва делк1еная.

§ 34. Заманала чебедиб предложение.

Бек1 предложениелизисси баркъуди кабиркуси яра кабикибси замана чебиахъуси чебедиб предложениелис заманала чебедиб предложение бик1ар. Иллини заманала аги-къяйдали жаваб лугути мурт? сецадх1и? муртличибад муртличи бикайчи? ибти суалтас жаваб луга. Масала: *Ну х1ечи вак1ибх1ели, х1у хъайг1ив агади.*

Заманала чебедиб предложение бек1 предложениелизи билгъа -х1ели, -мад, -ла, -айчи, -адра, -ах1елра, -аслира ибти суффиксуначилти глаголла формабани аргъахъибти сказуемоебани, сарира союзла дугъбани диубли дашути.

Заманала чебедиб предложение алк1нилизир бутлакъяндеш диру ишдигъунти местоимениебазирада детаурти наречиебани: *мурт жявли, къанни, сецад, сецадх1и.* Илдани бек1 предложениелизир дирути чучи далдиркути наречиеби баяндиру: *итцадх1и, итх1ели, илцадла къанни, илцадла жявли.*

Масала: Х1у сецад жявли вак1адра, илцад жявли нушала дирути тамандирар.

Цацах¹ели заманала чебедиб предложение бек¹ предложениелизи *г¹ерг¹и* ва *г¹ылаб* ибти барк¹удила куц чебиах¹ути деепричастиебачил ва инфинитивличил дак¹ибти послелогунанира билг¹ули бирар.

Масала: Мухтарра Заирара х¹айчи кабишли г¹ерг¹и, шилизирти г¹ай-мез детках¹иб.

Х¹янчи 1. Белч¹еная. Заманала чедедиб предложениеби дек¹ардарая ва илдазир подлежащеелира сазуемоелира диубти дуг¹ьби глаголла сег¹уна формали арг¹ах¹илил, бурая.

1. Гумайлабти бух¹наби х¹улрази чарбулх¹ух¹ели, х¹арша-х¹аршарад чугурла т¹амри зайдух¹ун. (М.-Р.)
2. Шилизибад х¹алибарг кес ну х¹ядурик¹ух¹ели, дила лерилра сек¹ал дук¹дуун. (М.-Р.)
3. Нуни илди лерилра кесекуни дасунх¹ели, ил япон сукура уббух¹ун. (М.-Р.)
4. Ну вах¹х¹и пикриик¹ули г¹ерг¹и, нуни ца сек¹ал арг¹ира. (М.-Р.)
5. Нуша каникултачи датаила, жагати бурх¹ни дашули сари.
6. Ванзаличи ц¹ябдеш х¹урабиубмад, жагати бурх¹ни дашули сари.
7. Машина чарбиайчи, нуша к¹араулла к¹ушлизир калунра.
8. Станциялизи бикайчи адапти х¹урали башуси замана, г¹ар арх¹ялик¹янани хунжазиб к¹ац¹ бихусири.

Х¹янчи 2. Чеббелк¹еная. Бек¹ предложениебачи заманала чедедиб предложениеби имц¹адарая.

Г¹ибрат: Нуни чайла ружери бак¹ах¹ира. – Неш кариларад рак¹айчи, нуни чайла ружери бак¹ах¹ира.

....., хабурта буг¹ули кабиилри.

....., к¹улала х¹енк¹ чарбарили ах¹енри.

....., карилаб к¹ац¹ берц¹иб.

....., машина аги.

....., дудеш газетали уч1улри.
....., бук1унани маза дубуртачи гечдариб.
....., автобус батбихъиб.
....., ца ах1енти лебилра ученикуни лебри.

Х1янчи 3. Чеббелк1еная. Заманала чедедиб предложениеби дарсдарая, -х1ели ибси суффиксличил детаурти деепричастиеби –мад – ибси суффиксличил детауртачи дарсдарая.

Г1ибрат: *Неш чарриубх1ели, ну х1ушачи шадив лявкъяс. - Неш чарриубмад, нура х1ушачи лявкъяс.*

1. Нуша Ростовлизи хъурадиубх1ели, хъайг1ирад телеграмма дак1ибтири.
2. Ириъ нуни илис заманаличиб арцла чебла чарбарибх1ели, ил набчи таманни вирхесииб.
3. Илдигъунти хабар-т1ама шилизи даибх1ели, лебилра шанти кумеклис дурабухъунтири.
4. Дудешли ил хабар бурибх1ели, Салих1 урк1ухъунсин виуб.
5. Илди Сергокъалализи кабаибх1ели, вец1ну к1ира сяг1ят дикилри.
6. Ну школализивад чариубх1ели, нушачи к1ел дурашан ах1ял абац1иб.

Х1янчи 4. Заманала чедедиб предложениебачи бек1 предложениеби имц1адарая.

Х1у ил сек1айчи разиикили г1ергъи,
Дявти тамандиубти барх1и-дугелизир,
Дурх1ни хъули чарбухъайчи,
Дудеш дуравхъунх1ейс,
Ну шагъарлизи гечиэс гъалав,
Лебилра арбякъи г1ергъи,

Х1янчи 5. Шушел заманала чедедиб предложениебачил учидяхъ предложениеби пикридарая ва тетрадунази делк1еная.

Х1янчи 6. Урдатурти х1урпри ва багълабирнила ишараби кадалтулти, чеббелк1еная. Заманала чедедиб предложениеби дек1арли чедаахъая. Сегъунти суалтас илдани жавабти лугулил, бурая.

1. Къаркъубар ми..ла авлахъ шурбулхъахъис базлайчи удушили к1ел чури б..мсриахъайчи. (А.Г1.)
2. Д..х1ц1и шараличи каба..йчи нуни дила лерилра дурсри х1..дурдарес г1яг1нитири. (Д.Гъ.)
3. Хазула къ..пула гъала айбх1ели нуни а..ли хъех1ираси. (Х1.Р.)
4. Г1елав..х1 чарирух1ели ца барглизив Жабраилов Г1ябдусаламлис г1..вваиб. (С.Г1.)
5. Зизихъала М..х1яммад гъалав зизини иша кибх1ели набчи шади.. ваши вик1и. (Р.Р.)
6. Дел..ли булхъути бамсу..ли г1ергъи далайчила ярга саби.
7. Мухтарли ил ка..ар белч1айчи Г1ях1мад стол..вайлизи ветаиб. (Р.Г1.)

Х1янчи 7. Союзуни ва предложениеби дилгъути дугъбала формаби дурая. Чидни предложениеби сарил, бурая.

Каштанкани, хозяйинни саби дуклабуцили къакъабарибх1ели, саби чула бух1на кибти халкъ х1ербариб.

Урхъула дублаб дирихъли ва х1ябцли биубх1ели, дубуртазиб аргъ баршили, дегъли ва ванали бирар.

Собрание сецад къанни бех1бихъалра, илцадла къанни ил таманра бирар.

Х1у ишав сецадх1и каладлира, илцадх1и нура кавлас.

Ну Кашаурла къадала ух1навхъунх1ели, берх1и дях1ила сиртла г1ела диг1янбиркес бех1бихъилри.

Х1янчи 8. Точкабала мерла г1яг1нити суффиксуни (*-х1ели, -мад, -ла, -айчи, -адра, -ах1елра, -аслира*) чеимц1адарили, чеббелк1еная.

1. Шанти дявличи дурабухъун..., Къичи-Къалайчира илдала къукъялизи кайзурсири. (А.-Б.)
2. Х1у усаун..., ну хъули чарухъунра.
3. Гъалаб-гъалабси дях1икабирку..., ц1уба ванза, ц1уба хъулчри чедаэс т1яг1ямли бирар. (А.П.Чехов)
4. Заб т1ашдизур..., сунела г1ядаб баррили, Мурад авлахъкад ва вац1акад къунзухъун.
5. Дурх1ни хъули чарбухъ..., неш паргъатх1ериуб.

§ 35. Мешубируси чебедиб предложение.

Бек1 предложениелизиси баркъуди сегъуна-биалра царх1ил баркъудиличил мешубируси предложениелис мешубируси чебедиб предложение или бик1ар.

Мешубируси чебедиб предложение бек1 предложениелизи мешубируси – ван ибси кесекличил бак1ибси, - х1ели ибси суффиксличил бетаурси ва чебедиб преложениелизиб сказуемоели биубси деепричастиели билгъа.

- Масала: 1. Ит х1у нушачи вак1ибх1еливан, гъанна нушачиб ванали саби.
2. Берх1и бухъунх1еливан, илала дях1 шаладиуб.

Х1янчи 1. Белч1еная. Мешубирути чедедиб предложениеби дек1ардарая.

Итх1ели гъалав нуни чеибх1еливан, гъанна ну чагъли ах1енра.

Ил анц1букъ сунени чебиули кабикибх1еливан, Къасум гъариллизи халаси умутличил хабурта угъулри.

Сунела рурси халаси х1якимла уршили шери аркух1еливан, Рабиятра пахрумарирулри.

Халаси декідеш сунела кьакъличиб лебх¹еливан, Мирза г¹ибкьизурли вашулири.

Рахъх¹и чех¹ераибси риганай чераэс жагъси дурх¹я аркьух¹еливан, ишбарх¹и ухъна Хасбулат арх¹яличи дуравхъес разилири.

Сунес алжанала пай бикибх¹еливан, унра Сабият гьаргала эркинни кариилри.

Х¹янчи 2. Мешубируси чебедиб предложениебачилти учидяхъ предложениебира кадерхахъурли хъулиб бишт¹аси хабар тях¹ярла сочинение белк¹еная.

Х¹янчи 3. Чеббелк¹еная. Бек¹ предложениеби имц¹адирули, учидяхъ предложениеби дарая.

Г¹ибрат: *Вишт¹аси нешличи х¹ерли кайибх¹еливан, Вишт¹аси нешличи х¹ерли кайибх¹еливан, Сяг¹идра сунела хъунуйчи х¹ерли кайилри.*

1. Г¹язиз жан айсух¹еливан,
2. Асх¹яб сунени ишбарх¹и бег¹ гьалав чейух¹еливан,
3. Илдигъунти хабурти сунени бег¹ гьалар аргъибх¹еливан,
4. Сунела эмх¹е бек¹ибх¹еливан,
5. Сунени экзаментачиб шула касибх¹еливан,
6. Сайра мекъличи нушачил варх¹ т¹алабварибх¹еливан,
7. Сай чемпион ветаурли чариубх¹еливан,
8. Пат¹иматличибад сунечи кагъар бак¹ибх¹еливан,

Х¹янчи 4. Чеббелк¹еная. Багълабирнила ишараби кадатирая. Мешудирути чедедиб предложениеби дек¹ардарая.

1. Абзур х¹ерк¹ кабухъунх¹еливан турбалабад халал ц¹акъличил ц¹ала лами абухъи саби.
2. Халаси балагъ бак¹ибх¹еливан ил дебали ахъли ч¹яррик¹есрииб.

3. Нуни сунес халаси вай барибх¹еливан ит набчи гымук¹или сай.
4. Ит х¹у нушачи вак¹ибх¹еливан гъанна нушачиб ванали ах¹ен.

Х¹янци 5. Шушел мешудирути чедедиб предложениеби пикридарая ва делк¹еная.

Х¹янци 6. Белч¹еная. Чедедиб предложениеби дек¹ардая. Илдала жура белгибарая.

1. Г¹ерг¹ила барх¹и Х¹яжимурад Воронцовличи вак¹ибх¹ели, княз¹ла приемная адамта биц¹илри.
2. Шила х¹ярличи машина абаибх¹ели, канцеляртала г¹алабси дирк¹аличи цалабикибти адамти чебиулри. (Р.Г¹.)
3. Бамсриах¹ес цалабикибх¹иб, учительти дерг¹лизибти чула г¹алмаг¹уналачила хабурта буг¹улри.
4. Сентябрьлизи агили г¹ерг¹и, буц¹ардеш цак¹адар х¹ярх¹биуб.
5. Цабалгундеш лебих¹иб, эркиндешра бирар.
6. Шин дашнарад, к¹ат¹а г¹ярбиран сай. (Х.б.)

Х¹янци 7. Назму сарк¹ах¹или белченая. Чедедиб предложениеби черделк¹еная. Баг¹лабирнила ишараби сен кадатурлил, бурая.

Нешла х¹ябличир.

Г¹ямрула к¹ут¹к¹удеш дубша буцили,
Ришт¹аси х¹яшаван нург¹ба ушкули,
Нура неш сарк¹ира, ил х¹умкартурли,
Х¹ела х¹ябличи ну г¹урра рак¹илра.

Х¹ябличирти х¹алта кайх¹или,
Ц¹елдала дях¹ц¹ила дец¹ кабих¹или,
Черрерхи, бац¹дешлис саламра гили,
Лех¹деш буунрану, урк¹и бурили.

Дунъяла бархибдеш х1уни ах1енкьи
Аманатбарибси, уббалтух1ели,
Г1ярзрик1ули х1ези, рухънариулла,
Аррякъунсилизи, х1янх1ериубли.

Бег1тала ц1елдала дярг1ибти дях1ра
Паргъатти х1ябрала лех1кахъибдешра
Дурх1ядешла х1язтас дех1сурдарибси
Бура, къисматлизи се га рик1ишал?

Селилра х1ебиуб х1ела мер буцес,
Х1ела някъбачиван я нургъби душкес,
Х1уван лех1кахъибси, цундеш ах1енси,
Чилра варгх1ергира, дардла иргъуси.

(А.Г1ябдулманапова)

1. Ишди дугъбала лексический мяг1на бурая: дубша, хъалта, аманатбарибси, ц1елда.
2. «Дила неш» бик1уси темаличила сочинение белк1еная.
3. Иш девла фонетикалашалси разбор барая: дунъя.
4. Учидяхъ глаголти черделк1еная ва илдачила баянти дурая.

§ 36. Сабабла чебедиб предложение.

Бек1 предложениелизибси баркъудила сабаб чебиахъуси ва сунени сен? се багъандан? ибти суалтас жаваб лугуси чебедиб предложениелис сабаб предложение или бик1ар.

Саби бек1 предложениелизи бигъни х1ясибли, сабабла чебедиб предложение к1ел журала бирар: союзунала бег1 ва союзуни агарси.

Сабабла чебедиб предложение бек1 предложениелизи билгъа сенк1ун, сенах1енну, сенадли, -ну, или, -у, -в ибти союзунали.

Масала: 1. Отряд дебали багълалли башулри, сенк1ун гъуни вайсири.

2. Урши хъайчи кайибу – нешлис къиян - жапа имц1адиуб.

Сабабла чебедиб предложение цацах1ели бек1 предложениелизи билгъули бирар багъандан ибси послелоглира.

Масала: Дебали буг1ярли биъни багъандан, нуша иш барх1и экскурсияличи х1ядякъунра.

Х1янчи 1. Сабабла чедедиб предложениеби ва илди дилгъути чедедлугути союзуни дек1ардарая.

1. Г1инизла къярд бик1ни бархъси саби, сенах1енну илаб г1яжаиб т1абиг1ятла шинна г1иниз лебси саби. (А.-Б.)
2. Г1ур къанни бирарну, замана шалг1еббухъайчи, къайгъибара, бяхъя душмайс. (Г1.)
3. Хала неш гъимрук1ес асубирар или, Шагънавазли илизи х1ейгеси сегъуналра гъай х1ебуриб.
4. Ил шилизи автобус х1ебашни багъандан, наб урчиличив укъес чебикиб.
5. Х1у вахъ г1ях1ил гъайик1ули, х1ела гъайла кымат беткахъили саби.
6. Х1у ахъли гъайик1удешли, х1ела т1ама буи саби.
7. Х1уни гибил тйй нушала бек1илину, г1елавях1ли чарухъен, ва Г1ямарла Батирай. (Г1.Б.)

Х1янчи 2. Чеббелк1еная. Бек1 предложениебачи сабабла чедедиб предложениеби имц1адарая.

1., неш хъули къалабарик1улри.
2. Адамти тамашабирутири,

3., ишбарх1и нушала х1янчи бетх1еур.
4., дила бек1 изули саби.

Х1янчи 3. Чеббелк1еная. Чузир сенк1ун, сенах1енну ибти союзуни дак1если, предложениеби дарсдарая.

Г1ибрат: *Дураб буг1ярлири, ил багъандан нушани пальтоби чегъурра. Нушани пальтоби чегъурра, сенах1енну дураб буг1ярлири.*

1. Райх1янатлис сегъуна-сабил балагъ челябкъусин билзурли, ил багъандан илала урк1и паргъатагарбикилри.
2. Исмаг1ил чина аркъулил, багъес дигули, Салимат, къалабали дурарухъун.
3. Дургъби тамандиублири, ил багъандан г1ямру сагали дех1дихъибтиван дилзулри.
4. Ши-алав арши дилкъулри, ил багъандан Амакъиз аршила дурабухъайчи уршилис мекъ барес къалабалири.
5. Г1ебшни чесадиулри, ил сабабли галгубала к1ап1рира духъут1дирес ва пях1дирес дех1дихъилри.

Х1янчи 4. Чеббелк1еная. Нукъсанси сабабла чебедиб предложение нукъсанси ах1енсиличи шурбатирая.

Г1ибрат: *Собрание дурабурк1уси замана гъамбик1ули, Айханум ишди бурх1назир школализирад хъули къанни чаррулхъулри. - Ишди бурх1назир Айханум школализирад хъули къанни чаррулхъулри, сенах1енну собрание дурабурк1уси замана гъамбик1улри.*

Тормозуни х1едузанкайубли, ишбарх1и илини машина дурах1еиб.

Хъали х1ябцбик1уси сабли, узихъали царх1ил мерла гечбиубли саби.

Берх1и бахъ г1ях1ил буц1арбик1ули, нушани заманалис х1янчи т1ашкаира.

Х1уни вайти хабурти дурили, гъанна Марият шагъарлизи х1ерукъесли каризурли сари.

Дях1или ургъули, лебил алавла ц1убкабиублири.

Хъубзурани х1ебла хъу делг1ули, лебил ургуба вач1асах1ири.

Гъайбухъес дигути бахъбаили, Г1ях1яллис собрание бузахъес дебали къияннири.

Х1янчи 5. Урдатурти х1урпри ва багълабирнила ишараби кадалтули, чеббелк1еная.

1. Г1ур, къал..бали чилирил живарили дудеш дуравхъун.
2. Урчиличивад ка..кили пяхъирла ня.. бячи саби. (Къ.М.)
3. Ну шила дубкад багълали къунзухъ..нра, цакъадар бамсрияхъес дигули. (Р.Г1.)
4. Ну биалли ц1ахх1ей..с къайгъна..ркъули, алавчарли х1ерик1аси. (Х1.Р.)
5. Седовра нура, бет1у гесгу или г1..бшнила вац1ализир ц1едешлара дикесгу или шин..ани дудешлици д..къунра. (С.Р.)

Х1янчи 6. Ишди сабабла чебедиб предложениеличилти учидяхъ предложениеби тамандарая.

1. Х1у ахъли гъайик1удешли,
2. Ил шилизи автобус х1ебашни багъандан,
3. Хала неш гъимрук1ес асубиар или,
4. Дурх1ни цайли бургар или,

§ 37. Мурадла чебедиб предложение.

Мурадла чебедиб предложениели иргъахъу, сен ва се мурадли бек1 предложениела баркъуди дурабурк1улил, суненира жаваб луга се багъандан? се къасли? се мурадли? ибти суалтала цалис. Илгъуна чебедиб предложениелис мурадла предложение или бик1ар.

Мурадла чебедиб предложение бек1 предложениелизи имц1аливан билгъа или ибси союзли.

Масала: Бигути хъалибарглис беклахъ сархусра или, хъулилад
дуравхъунра ва Г1ямарла Батирай.

Мурадла чебедиб предложение цацах1ели бек1 предложениелизи
багъандан ибси послелоглира билгъули бирар. Илх1ели, г1ядатли
биубли, чебедиб предложениела сказуемое инфинитивли аргъахъили
бирар, ва ил предложениелизи багъандан ибси послелоглира билгъули
бирар. Илх1ели, г1ядатли биубли, чебедиб предложениела сказуемое
инфинитивли аргъахъили бирар, ва ил предложение нукъсанси бирар.

Масала: Заманаличив школализи ветаэс багъандан, нуни ганз
имц1абарра.

Цацах1ели мурадла чебедиб предложение сабабла чебедиб
предложениелизибад дек1арбарес дебали къиянни бирар.

Масала: Шагъарлизир ну чилилра х1ералара или, Хамис ила гечриуб
ибси учибяхъ предложениелизибси чебедиб предложениели дигалли сен?
дигалли се мурадли? ибси суайс жаваб луга. Ил багъандан илдигъунти
чебедиб предложениеби дигалли мурадлайзи, дигалли сабаблайзи халдарес
вираp.

Х1янчи 1. Белч1еная. Мурадла чебедиб предложениеби дек1ардарая.

Поезд батбихъайчи Нуржанат чериисра или, нуни ганз гъалакбарра.

Дила т1амала бакъабгу или, Бахуни ургубалаб далай зайбухъахъири.

Пат1иматли ахъли вявъибси, Рабазай аргъабгу или сабри.

Х1ушаб г1ях1 биабгу или, сабри нуни ил сек1ал барибси.

Дудешли наб ца насих1ят х1ебуресара или, ну хъули вак1ибсири.

Рузинилра ил сек1ал балули ах1енара или, нуни иличи кагъар
белк1унра.

Нешли арц дархъесгу или, нуни кагъарлизиб белк1унра.

Х1янчи 2. Чеббелк1еная. Бек1 предложениеличи мурадла чебедиб
предложение имц1абарая.

Г1ибрат: Ну шагъарлизи аркъулра. – Биџуси машина
къарших1ебикесара или, ну шагъарлизи аркъулра.

1. Иличила нушани чизилра бурибси ах1енри.
2. Г1инизла дублаб нушани машина т1ашаибсири.
3. Хатиба гъар базар барх1и ила рашусири.
4. Нешла барда диг1янбарибсири.
5. Ишбарх1и ил хъулир кали сари.
6. Илх1ели нуша бег1лара ахъси музаличи адац1ира.
7. Нушани ил х1яйзир дудешличи зянкъдыхъира.

Х1янчи 3. Чеббелк1еная. Урдатурти х1урпри ва багълабирнила ишараби
кадатирая. Мурадла чебедиб предложение дек1ардарая.

1. Жавадли хан чула урдализи арукиб. Гъайгъай илизи чула мер
чех1..баахъес багъандан Жавадли илала х1улби дигъ..н.
2. Адамли адам вагъ..с багъандан зела пуд барх б..ркес х1..жатбиркур.
(Х.б.)
3. Г1иниз за..кабарилри ашкарлира сунезирад шин ках1есахъ..с къасли.
4. Илх1..ли нуни ургъ..р хъуц1арличи чекахъира вашу-вашукад
гъанк1ик1..с багъандан. (А.Гъ.)

Х1янчи 4. Ишди заманала чебедиб предложениеличилти учидяхъ
предложениеби тамандарая.

Базар т1ут1убиубх1ели,

Барх1и ахъибмад,

Дях1и барибх1ели,

Нушала шила ургуба къугъали бирар,

Октябрьла г1ергъити бурх1назир,

Бара дях1и уббизурмад,

Х1янчи 5. Чеббелк1еная. Скобкализир гибти союзуназибад ва илдигъунти царх1илти дугъбазибад имц1али балбиркуси дев имц1абарая.

1. Бисули т1ашх1ебилзути клелра урши рях1ят биахъес (или, багъандан), илини балх1ебурцуси г1ямал аги.
2. Ишдира диур наб (или, багъандан), Салимат ишбарх1и х1янчиларад жявли аррякьи сари.
3. Дармунти бишт1атазирад мях1камдарес (или, багъандан), нешли илди шкафлизи кайхъиб.
4. Вишт1аси гъалав шинни ужахъалли, берх1и башусигу (или, багъандан), нешли гъала-гъала Луарат шинни ружахъун.
5. Урк1и паргъатбиахъес (или, багъандан), неш хъулирад дурурухъун.

Х1янчи 6. Мурадла чебедиб предложениеличилти учидяхъ предложениеби тамандарая.

1. Нушани мусни – зубри руркъулра,
2. Нуша ц1яббияйчи гъачам-гъат1и урцуйчи дякъунра,
3. Нуша жаг1яйс экскурсияличи х1ядурдирулра,
4. Адам азадли ва разили х1ериахъес багъандан,
5. Ну ишав чилилра чех1ейура или,

Х1янчи 7. Х1яб-х1ябал мурадла чебедиб предложение пикридарая ва делк1еная.

§ 38. Шарт1ла чебедиб предложение.

Шарт1ла чебедиб предложениели иргъахъу, бек1 предложениелизисси баркъуди сегъунти шурт1разиб кабикес яра ках1ебикес бирулил ва сунени *се биалли?*, *се биалра?* ибти суалтала цалис жаваб луга. Илгъуна чебедиб предложениелис *шарт1ла чебедиб предложение* или бик1ар.

Шарт1ла чебедиб предложение бек1 предложениелизи билгъути союзуни сари ишди: эгер, рахли, нагагъ, нагагъладан. Союзуни эгер ва рахли мяг1нализир цагъунти сари.

Масала: 1. *Рахли ил барх1и х1ушаб самолетличир арцес х1ебикалли, барх1ехъла поездличи чедиили дукъеная.*

2. *Эгер нушани къасбарах1елли, нуша барх1ехълис хъябличи дурадиркех1е.*

Шарт1ла союзуниагар чебедиб предложениела сказуемое –асли, -адли, -алли суффиксуначилси глаголла шарт1 наклонениела формали аргъахъили бирар. Шарт1ла чебедиб предложениебас дузахъу –аслира, -адлира, -аллира суффиксуначилти -би - аслуличилти глагола шарт1 наклонениела формабира: биаслира, биаллири, биалри, биаллири.

Масала: Илини ил сек1ал х1ебарибси виаллири, нуни Ургубадази набчивад чевверхни тиладибираси. (X1.Г1.)

Х1янчи 1. Чеббелк1еная. Шарт1ла чедедиб предложениеби даргая ва илдала жураби дурая. Чебедиб предложениела лишанти чедаахъая ва баяндарая.

Зулпукъарличи г1ях1ли бак1алри, хурег барес Зумруд рашусири. (Г1.А.-Б.)

Дуклумар виалри дунъяла инсан, чина белшишира илини пукъа. (Р.Р.)

Ванзакад адам къунзухъалли, авлахъ мекъличиб адамван буч1ули саби. (X1.Г1.)

Илдачила нуни бураси, эгер илдала г1ергъи ардякъунти х1ябал гъат1и дус дила г1ямрулизир ц1удара дамкъам детх1еурти диалри. (X1.Г1.)

Цакамси мугълат биубси биалри, илдани саби пашманбиъниличила Насибазы хъардиути суалти ках1едурхахъи. (Г1.А.-Б.)

Сен биэсара, эгер ну учительница Зумрудличил гъайрухъасли. (Г1.А.-Б.)

Г1ямрулизиб сегуна масъала гъала т1ашбизалра, ил мурталра
Зумрудличи дугъарилзи ва илала г1якълуличи лех1ихъи. (Г1.А.-Б.)

Х1янчи 2. Схемаби х1ясибли предложениеби пикридарая ва делк1еная.
Бек1 предложениера чебедиб предложениера дек1ардарая.

Г1ибрат:вак1алли, - *Бригадир Г1усбан вак1алли, нушани х1янчи
бех1бирхъех1е.*

1. Х1ебелк1асли,
2. Ц1ябли х1ебиалри, белики
3. Нагагъладан разих1ейкалли,
4. Эгер буцалли,
5. багъахъадли,
6. Эгер х1ебалталли,
7. хили виалри,
8. Нагагъ кали биалли,

Х1янчи 3. Ишди шарт1ла чебедиб предложениеличилти учидяхъ
предложениеби тамандарая.

1. Жаг1ял ардукъес къас сабри, рахли
2. Арадеш биалли,
3. Гъар къиян-жапа дях1яэс вирар,
4. Вац1а мякълаб биалра,
5. Ну итини чеибси виасри, белики
6. Лех1кахъили кайили уадри,

Х1янчи 4. Г1яг1нити союзуни кадатурли, предложениеби черделк1еная.

1. Илгъуна къисмат х1ерлири Чакарабала дудешличира, сунела къасани таманни гъаргдарайчи, селрацад халал зарал барес валкъаайчи, таманни сай вагъайчи вебк1ибси х1ейаллири.(Х1.Г1.)
2. х1ед се-биалра гъанбиркули биалли, набчил барх итаб лебти гъалмагъунази хъарбаэс вирудра.
3. анц1букъ муц1урлизиб биалли, г1ежа бег1 гъалаб шайх бетари. (Бурала)
4. нушани къасбарах1елли, нуша барх1ехълис хъябличи дурадиркех1е.
5. Баришкабиубли калесра асубири, сагали бухъунси ц1уэрила ц1али илдала гъамдешла мякъи таманни дигубти х1едиаллира.

Х1янчи 5. Чедедиб предложениеби даргая, илдала жураби дурая, бек1 предложениебази илди сен-сен дигъил бурая.

1. Масра, х1якимдешра, х1якъикъат балнира г1ях1ти сек1алри, нагагъладан г1ямру дахъ къант1ти х1едиаллири.
2. Илдицад къунзъала набзи дирахънилис г1яйибла рег1 рахли х1у уррухъадли, гъалахили бурулра, багъи х1ед бируси. (У.Ш.)
3. Рахли сегъуна-биалра галга зяг1ипбикалли, илини сунела сих1рула дармунтачил ил бусяг1ят арабиру. (А.-Б.)
4. Хала дудеш Х1ябибуллагъ чейуси адам тамашах1ейэс вирару, эгер галгала къялуби илала гъалар мут1иг1ли ва харили г1яшдик1алли, шивк1ивдик1алли. (А.-Б.)
5. Илгъуна танбих1 х1ерлири Якъубличира, эгер ил Чакарабала мурул х1ейаллира. (Х1.Г1.)
6. Гъар сек1ал гъунчидирки, эгер халкъ ванзализибад бахъ къябудути х1ебиаллири. (Х1.Г1.)

Х1янчи 6. Багълабирнила ишараби кадатирая.

1. Берх1и гъаббик1набад шала алкалли зубарти шулдиар диц1ур тят миъван. (Х1.Р.)
2. Гъар дуги муэртазир х1у набчил х1ериадли чериъни х1уруц1лизир наб баибси ах1енри. (Г1.А.-Б.)
3. Илди гъалар лерниличи чилра шакх1еркни эгер гъаланачи чех1едаибти диалри. (И.Х1.)
4. Дуги сецад г1еркъаси биалра, ахирра барх1и лябкъян. (Бурала)
5. Г1ярбук1айс сунени бурисиличи лех1ихъуси вирхаахъес дигалли, илини, уста Ражабла бек1личира или, хъя биру. (Г1.А.-Б.)

§ 39. Мяг1на кършибурцуси чебедиб предложение.

Мяг1на кършибурцуси чебедиб предложениели бек1 предложениелизи аргъахъибсиличи кършиси мяг1на аргъахъили бирар.

Мяг1на кършибурцуси чебедиб предложение билгъули башар бек1 предложениелизиб бак1ибси биалра ибси союзлира.

Масала: Физикала билетуни нуни х1яйна тикрардарилра, биалра цакъадар урухк1улра.

Мяг1на кършибурцуси чебедиб предложение бек1 предложениелизи имц1аливан билгъа -гу, -хъалли, -къи союзуначил.

Масала: Яни бак1илигу, гъачам илцад-дек1ар буг1ярли ах1ен.

Мяг1на кършибурцуси чебедиб предложение бек1 предложениелизи союзуни агарлира билгъули бирар. Союзуна мерличир ишар глаголла шарт1 наклонениела формабани аргъахъибти сказуемоеби дашули сари. Илдигъунти сказуемоебала суффиксуни сари: -аслира, -адлира, -аллира.

Масала: Хухус дарайла х1ева барадлира, чехъери ретх1ерар. (Бурала)

Х1янчи 1. Текст белк1еная. Мяг1на кършибурцуси чебедиб предложениеби даргая. Бек1 предложениелизи илди секъйда дигъил, чебаахъая.

1. Сецад учительтас ил сек1ал барес дигули хъалли, ил г1еруцес дак1у-гъаргли директорличи кършили дурабухъес илдала ахъри аги. (Г.Б.)
2. – Адам уили ах1енри х1у, наб адам ургар или гъанбиркули хъалли, - иб ахирра руржуси т1амаличил Людмила Алексеевнани, журнал касес учительскаяличирях1 ратрирхъули. (Г.Б.)
3. Шатурли лих1би автобуса дух1наркъи, х1ули дуабри. (И.Х1.)
4. Сунес бег1тани Г1ялидай бихъибкъи, шилизиб ва унра шимазиб илис «Пирсидатил» или къант1кабири. (И.Х1.)
5. Канцеляриялизи шила актив цалабикили биэс г1яг1нисикъи, гъачамлис бак1ибти илди х1ябалрацун сабри. (И.Х1.)

Х1янчи 2. Чеббелк1еная. К1ел царка предложение цаладяхъили, мяг1на кършибурцуси предложениеличилти учидяхъ предложениеби дарая. Мяг1на кършибурцуси предложение бек1 предложениелизи чумал жураличил цалабахъес къайгъибарая.

Г1ибрат: *Дях1или ургъули саби. Буг1ярли ах1ен. - Дях1или ургъалра, буг1ярли ах1ен. Дях1или ургъули сабгу, буг1ярли ах1ен. Дях1или ургъулигу, биалра буг1ярли ах1ен. Дях1или ургъули сабкъи, буг1ярли ах1ен.*

1. Сентябрь базлизи агилри. Сагурби шинишли лералри.
2. Нешли Ник1а-Пат1имази ахъли вавъиб. Илини нешла вавла х1ергъиб.
3. Ришт1аси Луарат хала дудешла къушлизи гъар барх1и рашулри. Амма илис хала дудешли буцибси гурдала дурх1я чебаэс х1ебикиб.

Х1янчи 3. Точкабала мерла чебедибси яра бек1 предложение имц1абирули, чеббелк1еная.

1. Бак1ибси набадари илцадра халасири, (Х.х.)

2. Гъачам нушани тях1ярагарли халаси шанг барра, х1ятта
3. Х1ерк1лизир калунти чумал минутцадх1и диэх1елра,
4. Къукъула асар илцадра ц1акълири,
5. буг1ярли ах1ен.
6. Вебк1мебк1аб г1ях1на гъабза,

Х1янчи 4. Мяг1на къаршибурцуси чебедиб предложениеби даргая, гъарилла жура сегъуна сабил бурая, бек1 предложениелизи сен-сен бигъил ва бек1 предложениела чиди членничи чебедилил чебаахъая.

Ч1и къянала гидгури шихъли дяхъили хъалли, манай лагъала дурх1ни сах1елт1ни х1ебаладав? (Б.)

Чарх ишаб сабли хъалли, урк1и хъайг1иб саби. (Б.)

Релгъи лайрак1аслира, х1у вик1ул х1ебирисра.

Иш дунъя дуаллира, х1еруус рик1адигу, ца хъали х1ебуункъи, гъанна сен руулири? (Б.)

Турла душман виалра, вебк1мабк1аб г1ях1на гъабза; даргла узи виалра, камалаб вайна гъабза. (Б.)

Х1янчи 5. Чедедиб предложениеби чучи хъарихъути бек1 предложениебазирти дугъби чедаахъая.

1. Адам сецад гъамли валули виалра, наб къиянни саби иличила къант1ли бурес. (Р.Р.)
2. Урчира дякъличи дурабухъи саб, Къасумли ил бигъи батес виригу, жанивар цугбирки. (Р.Р.)
3. Дунъя сагабиубкъи, имц1али ц1и х1ейрути, цуръабира белкъункъи, ц1икнала пях1х1ейубти! (Х.)
4. Сецад х1ейгули хъалли, бурес чебиркулину, аман буриша гъат1и, биубси анц1букъ бархъли. (С.Г1.)

5. Балх1ебалас илди мегъла барибтил, х1ули къяп1х1ебиру, салт1ули хъалли. (Р.Р.)
6. Пурс къяцара ила чебях1биркигу, ч1акала къялшуби дугати сарли, къялшубала дуар дуклума лер.

Х1янчи 6. Чеббелк1еная. Скобкализир гибти союзуназибад ва илдигъунти царх1илти дугъбазибад балбиркуси дев имц1абарая.

1. Къанни сабри.., нуша хъули къалабах1едик1ира. (-къи,-гу)
2. Самурлис иличила г1ур пикрих1ейк1ес дигулри.., вирули ах1енри. (-къи,-гу)
3. Х1у шилизи вак1иб.., набчи х1ек1ири. (-къи,-гу)
4. Яни бак1или.., гъачам илцад-дек1ар буг1ярли ах1ен. (-хъалли, -къи,-гу)
5. Уршили г1ях1си х1янчи бариб.., дудеш разих1ейуб. (-хъалли, -къи,-гу)

Х1янчи 7. Бек1 предложениеличи мяг1на къаршибурцуси чебедиб предложение имц1абарая.

1., Аминатли иш гъак1лис дебали халаси сабур бариб.
2., Т1агъир къанирус или урухк1улри.
3., биалра хала дудешли ил сайцун базарличи урхъули ах1енри.
4.,ил ц1убх1ебирар.
5., житалара ламус биэс г1яг1нисигу.

§ 40. Х1ясилла (следствиела) чебедиб предложение.

Х1ясилла чебедиб предложениели бек1 предложениелизиб кабикибси баркъудила асар, резулътат чебиахъу. Илгъуна чебедиб предложениелис *х1ясилла чебедиб предложение* бик1ар.

Х1ясилла чебедиб предложение бек1 предложениелис г1ергъи башар ва саби бек1 предложениелизи *х1ятта, ил багъандан* ибти союзуначил билгъа.

Масала: 1. Илх1ели хъубзарли дебели ахъли т1амадарили сари, бик1ар, *х1ятта илала т1амали лебил алавла балли зайбухъахъи саби.* (Х.х.)

2. Дубуртачиб гъар аллагъла барх1и лап1кабик1ули дях1или урхъули саби, *ил багъандан диркъаличибра буг1ярли саби.*

Х1янчи 1. Белч1еная. Чедедиб предложениеби дек1ардарая. Чедедиб предложениеби бек1 предложениебази секъяйда дигъил, бурая. Илди дилгъути союзуни яра союзла дугъби чедаахъая.

Гъими сецад халаси биалра, дубурланта г1ядат буэси чилра адх1ехъиб.

Хала неш лех1кахъили хъалли, илини гъар се-сек1айчила балули сари. (М.-Р.)

Илгъуна хабарла аргъили г1ергъи, вилив, гъат1и, адам паргъатли кайхъи уэс, х1ятта сай тухтур х1ейалра. (А.-Б.)

Узи-урши мер х1ясибли сецад гъарахъли биубли хъалли, илдала урк1би гъамти дирар.

Шаладикес к1ел сяг1ят лералкъи, къанирус или, ну дуравхъунра.

Х1ела х1ева жагасигу, амма ил читла саби.

Гъачамлис бац абухъи х1ебиалра, илцад-дек1ар ц1ябси дуги ах1ен.

Някъби дярг1или хъалли, ну вярг1или ах1енра.

Къукъула т1амали дила лих1би г1янц1дариб, х1ятта к1ел-х1ябал сяг1ятцадх1и ну селра х1ергъули калунра.

Х1янчи 2. Чеббелк1еная. Бек1 предложениебачи х1ясилла чедедиб предложениеби имц1адирули, учидяхъ предложениеби дарая.

1. Дила хала нешли бахъ бизити нусила чудни диригу,

2. Хадижала булбул чат1алагъуна т1ама саби,

3. Зайнаб мурталра мурили гъайриклар,
4. Итаб илцадра халаси буглардеш тебри,
5. Хабарла симсир Саният илцадра къркърси руили сари,
6. Загъидат-аба дебели декли зяглипи сари,
7. Дубуртачир ил дус глебшни лерглерал ванати ва даршибти сарри,

ХIянчи 3. Текст саркъахъили белчленая. Ва хIясилла чедедиб предложениеби деклардарая.

Нуша хIябал узи дирехлери. ХIябалра узини ца хъуличи ца набадари беглунра. Баклибси набадари илцадра халасири, хIятта ил абитлес шантази кумекбарахъес чебуркъуб. Букуси замана чеббяхъибси илала хъар дебели халасири, ил багъандан нуша хIябалра узини иличир ца бархилизир хIябал дег дарес имкан баклиб. ХIябалра дурглела гъарзати майдунтицад лерри, хIятта дугби ибгуси замана илдала хяса цаличи ца чейгути ахленри. Урклухъунси клиэсил гIяхIял виклар: «Нунира бурис ца хабар. Нуша авал узи дирехлери. Авалра узи мегъла устни сарри. Гъачам нушани тяхIярагарли халаси шанг барра, хIятта шангла духлар авалра узи къутдиклуси замана цали цала тIамалра иргъуси ахленри».

Хабар таманбиайчира гъандуцес хIейубли, цаибил гIяхIял, ургавхъи, виклули сай: «Увас, узи, илцад халаси шанг барили се бирусире?»

Клиэсил гIяхIял жаваб бедили сай: «Илгъуна шанг агарли глергъи хлушали набадари чинаб лухъусири, гъатли?» (Х.х.)

1. Иш предложениела синтаксический разбор барая: ХIябалра узини ца хъуличи ца набадари беглунра.
2. Белгиагрила формала глаголти черделчленая ва илдала суффиксуни чедаахъая.
3. Ишди дугъбала морфологический разбор дарая: авалра, узи, майдунтицад.
4. Иш девла фонетикалалси разбор барая: клиэсил.

Х1янчи 4. Точкабала мерла чебедибси яра бек1 предложение имц1абирули, чеббелк1еная. Чедибси текста пайдалабарая.

Х1ерк1лизир калунти чумал минутцадх1и диэх1елра,

Бак1ибси набадари илцадра халасири,

Гъачам нушани тях1ярагарли халаси шанг барра, х1ятта

....., х1ушаб аман х1ейк1усра.

Къукъула асар илцадра цакълири,

Сай х1ерируси ши гъамли биалра,

Чакар, чакар вик1ули хъалли, мух1ли

....., амма илис хала дудеш чеэс х1ебикиб.

Х1янчи 5. Точкабала мерла г1яг1нити союзуни ва багълабирнила ишараби кадатирая.

1. Дуреста раргуду, гъайх1еили руулра. (А.Г1.)
2. Х1улбала х1ер чебетиуйх1иб миц1ирдеш чебиули ах1енри.
3. Европала ва Гъамси Востокла улкназир арцантала грипп т1инт1биубли саби нушачира мер-мерлар алхунти арцанти къаршидиркули сари.
4. Нуни ил хъунул адам гъалар-гъалар сари чераибси ну иличи дугъаизес х1ейрус.
5. Илх1ели хъубзарли илцадра ахъли т1амадарили сари, бик1ар илала т1амали лебил алавла балли зайбухъахъи саби. (Х.х.)

Х1янчи 6. Шушел х1ясилла чедедиб предложениеби пикридарая ва делк1еная.

Чебедниличилси учибяхъ предложениела разбор бирнила тях1яр.

- I. Бек1 предложениера чебедиб предложениера дек1ардарес.
- II. Нукъсанси ва нукъсанси ах1енсил чебаахъес.

III. Бек1 предложениелара чебедиб предложениела, царка предложениеливан, разбор барес.

IV. Предложениела схема чебаахъес.

Масала: Шагъарлизир ну чилилра х1ералара или, Хамис ила гечриуб.

I. Иш чебедниличилси учибяхъ предложение саби. Ишизир леер к1ел царка предложение:

а) Шагъарлизир (сущ.) ну (мест.) чилилра (мест.) х1ералара (глагол.). (царка, хабарла, к1ел составла, т1инт1си, таманси)

б) Хамис (сущ.) ила(нареч.) гечриуб(глагол.). (царка, хабарла, к1ел составла, т1инт1си, таманси)

II. Нукъсанси ах1енси чебедиб предложение.

III. Цаибил ах1енси чебедиб предложение саби, к1иибил-бек1 предложение саби; ил мурадла чебедиб предложение саби, ва саби бек1 предложениелизи или союзли бигъи саби.

IV. Бек1 предложение авмузан скобкаличил [...], чебедиб предложение журуга скобкбачил чедаахъилли иш предложениела ишгъуна схема бетарар: (...или), [...]

Шагъарлизир (сущ.) ну (мест.) чилилра (мест.) х1ералара (глагол.) или, Хамис (сущ.) ила(мест.) гечриуб(глагол.). (Нукъсанси ах1енси мурадла чебедниличилси учибяхъ предложение, сабира к1ел царка предложениелизибад бетаурси ва или ибси союзли бигъунси)

(...или), ← *се мурадли?* [...]

§ 41. Чумал чедедиб предложениеличилси учибяхъ предложение ва илала жураби.

Чебедниличилси учибяхъ предложениелизир ца бек1 предложениеличил диэс дирар к1ел яра чумал чедедиб предложение. Илдигъунти учидяхъ предложениеби чула каргъни х1ясибли к1ел журала сари: дархъаначи чедедибти предложениебачилти ва гъар-г1ергъила чедедибти предложениебачилти.

Сунезир лерилра чедедиб предложениеби ца бек1 предложениелизи дархдасунсил учибяхъ предложениелис дархъаначи чедедиб предложениебачилси учибяхъ предложение или бик1ар.

Масала: Арсла Г1ябдуллагъла рурси Калимат х1ушачи рак1алли, Басират шери аркъули сари или, х1уни илизи бура.

Эгер дархъли чедедибти предложениебани ца суайс жаваб лугули ва чули лебтанилра бек1 предложениела ца дев баянбирули диалли, илдас ца журала чедедиб предложениеби бик1ар.

Масала: Нушани чебаира, Селим секъяйда машиналичи ац1ибал ва Селимлис Казимли секъяйда кумекбарибал.

Цаибил чебедиб предложение бек1 предложениелизи, к1иибил чебедиб предложение цаибил чебедиб предложениелизи дархдалсули, бетаурси учибяхъ предложениелис гъар-г1ергъили чедедиб предложениебачилси учибяхъ предложение или бик1ар.

Масала: Наб гъанбиркулри, ил гъайик1ули, сай мук1урвак1нила хабар бурух1ели, илала т1ама руржули саби или.

Цацах1ели цаибил предложение бек1 предложениелис гъалаб бак1или, к1иибил чебедиб предложениелизи, х1ябъибил чебедиб предложение к1иибил чебедиб предложениелизи билгъули дак1ибти учидяхъ предложениебира къаршидиркули дирар.

Масала: Жаг1ял сецад г1ях1си барх1и бак1алра, Жумяг1 концертличи х1якъян, сенк1ун ил урухк1ули сари, давление ахъабиэсгу или.

Х1янчи 1. Чеббелк1еная. Чумал чедедиб предложениебачилти учидяхъ предложениеби даргая.

1. Селра бируси агарли г1ергъи, буц1арли сабину, галгала уди кадирех1е.
2. Г1янц1-г1янц1ти хабурти дикъули сари, муртрил ит ши давлачебси ва гъарза-хъямси бири или, илала лебилра шанта давлачебти бири или,

дусли гъачам харж бурчули бири ва, ил чис сабил х1ебалукъи, уркуд бурхъули или.

3. Набзи унруби вьавбик1ули саби или, нуни бакъибмад, ну бусяг1ятал къакъала дуравхъунра.
4. Илини балулри, шила халкъли, Х1яжимурад сунечив левни, гъарил минутлизиб багъес бирни ва ил ведни сунезибад т1алаббарес бирни.
5. Жяг1ял сецад г1ях1си барх1и бак1алра, Г1яли ила х1якъян, сенк1ун ил урухк1ар, дудешли багъесгу или.

Х1янчи 2. Чедибси х1янчилизирти предложениебала схемаби дарая.

Х1янчи 3. Дархъаначи ва гъар-г1ергъили чедедебти учидяхъ предложениеби дек1ардарая.

1. Забида русули хъулир кали сари или, Мухтарлис сеннира гъанбиркули ах1енри, сенк1ун Забидани гъачамалра сек1ал урх1ли къяйда х1ебирину, сунес дигуливан бири. (А.-Б.)
2. Сари гъарх1ейзести диалра, цацадех1 илала пикруми дебали тамашалати дири, ил багъандан илдачи нушала пикри бях1чих1еили дуэс х1едирех1ери.
3. Шурухъи ил х1еризалли, илини чебиули саби - тайга г1елабях1 башули.
4. Забида гъанк1лизир рургар или, Г1яшура разилири; сенах1енну ил, нура узичил рарх аркъяс или, ралризес асубири. (А.-Б.)

Х1янчи 4. Удир гибти схемаби х1ясбли, предложениеби пикридарая.

Бек1 предложение

(или)

чебедиб
предложение

чебедиб
предложение

чебедиб
предложение

Бек1 предложение

(или)

цаибил
чебедиб
предложение

(ну)

к1иибил
чебедиб
предложение

(алли)

х1ябъибил
чебедиб
предложение

Х1янчи 5. Урдатурти предложениеби чеимц1адали, учидяхъ предложениеби делк1еная.

1. Машина жявли х1якбули биалли, т1ях1ули сабину,
2. Нуша лерилра дурх1ни барх1ехъ хъули цаладикибх1ели,, сай ил барх1и сели виркбули калунал.
3., Селим секъайда машиначи ац1ибал ва Селимлис Казимли секъайда кумекбарибал.
4. Х1уша сецад тиладидик1адаллира,, сенк1ун ил ташмишик1улри, нешла халал узи Г1ябдулкъадирли бала или.

Х1янчи 6. Дархъаначи ва гъар-г1ергъила чедедибти учидяхъ предложениеби дек1ардарая. Багълабирнила ишараби кадатирая.

1. Эгер чили-биалра сунела риштласи рузи Забида гымруклахъалри яра илис чили-биалра вайси гъай буралри Мухтарлис хаслира хлейгахъи. (А.-Б.)
2. Аргъ бамкъахъалли закирти гъагъултани берхила нурани диглянкадиралли; урхъу бамкъурли ва глясили бирар. (А.-Б.)
3. Илини хъумартес вирау, гъатли, секъяйда илдани сай урегал дусли дурхля гымуклахъибсил ва илди сунела нешличиб чебдукарбяхлибтирил.
4. Селра бируси агарли глергъи буцларли сабину галгала уди кадирехле.
5. Нушани балула духълуми сари духъути муснала шуртлрачи секъяйда далдикилил культурный духълуми адамли секъяйда пайдаладирулил.

Хлянчи 7. Чедеднила гъуйчил детаурти хлябал учидяхъ предложениера пикридали делкленая.


§ 42. Цалабахъниличилси ва чебедибниличилси учибяхъ предложение.

Цацахлиели учибяхъ предложениелизи кадурхути царка предложениеби цадех1 цаладахънила, цадех1 чедеднила гъуйчил дархдикили дирар. Илгъуна учибяхъ предложениелис цалабахъниличилси ва чебедниличилси учибяхъ предложение или биклар.

Масала: Патлиматла неш базарличирад хъули чаррухъалли, Патлимат нушачил делхъанала ва далуйтала кружоклизи раклес рирар ва илхлиели якъинни, чедибдеш нушала классли сархи, сенахленну Патлимат дебали къугъали далайриклуи ва рулхъуси рурси сари.

Учидяхъ предложениебазир цалабахънила гъуйчил цаличил ца дархдасес дирар дигалли бек1 предложениеби, дигалли чедедиб предложениеби.

Масала: Нуни бикъулри, неш секъяйда рисулил ва сари дудешли секъяйда паргъатрирулил.



Х1янчи 1. Чеббелкленая. Учибяхъ предложениелизи кадерхурти царка предложениеби деклардарая ва илди сари-ургар секъяйда дархдасил, бурая.

1. Шилизи вак1ибси чи сайри или х1уни дила адавзизи хъарбаадли, х1улилра г1инк1х1ебарили, ил дила хала нешла тухум сайри или, илини чебетаахъили буру, ва х1у иличи вирхаруд, сенк1ун рякъдизурти супелтала вег1 дубурлан гъабзала къяна буру или, чисалра гъанх1ебиркур. (А.-Б.)
2. Или биубли г1ергъи илала къисмат белгибарес г1яг1нили саби, сенах1енну, чи-биалра ца бек1бяхъ адамличи илини дигай дихъалли ва се-биалра х1ейгеси беталли, г1ур т1улбачи къац1дик1ес чевкъар. (А.-Б.)
3. Бархъли бурасли, дила илцад-деклар дахъал дусми ардякъи ах1ен, амма илди дусмала мяг1на нуни г1ях1ил балулра. (А.-Б.)
4. Дила адавзира иличила г1ях1гъабзаличила къяйда хабурта угъар, ва сай дила дудешличила гъайик1ух1ели, илини гъар мурталра ца сек1ал гъанбиркахъу.

Х1янчи 2. Ик1 х1янчилизирти предложениебала схемаби дарая.

Х1янчи 3. Чеббелкленая ва удир чедаахъибти чидилти схемаби чиди номерла предложениеличи далдиркурал, бурая.

1. Илини балуси саби, глянруч1 неш мурхъли русни ва х1у гъанк1лизирад гъамадли черх1ергъни, ну биалли, х1ерусули хъалли, аризес х1ерирни. (М.-Р.)
 2. Х1еблизид агибх1ели, ила нуша аркъусира, г1ур, баз дикили г1ергъи, Пат1иматра ляркъян.
 3. Аллагъ икъалайалли, г1ур дус нура юрт барес вех1ирхъус.
 4. Шилизид ил хабар т1инт1биубла, лебилра дугели хъулрази диг1анбиркутири ва, сецад х1яжатдеш биубли хъалли, хъуливад чилра дурах1елхъи.
 5. Иличила хала дудешли бала или неш урухк1усири, амма, хала дудешли багъалра, селра х1ебирар или, ну паргъатли кайилри.
1. (.....), [.....] ва (.....).
 2. (или), [.....], амма, (.....), (или),].
 3. [.....], (.....) ва (.....).
 4. (.....), [.....], (.....), [.....].
 5. (.....), [.....].

Х1янчи 4. Цалабяхънилараче беднилараче гъуйчил дѣтаурти учидяхъ предложениебира кадерхахъурли «Нуша вац1ализи экскурсияличи ардукъни» ибси темаличила сочинение белк1еная.

Х1янчи 5. Белк1еная. Учидяхъ предложениелизид кадерхурти царка предложениеби дѣклардарая ва илди сари-ургар секъяйда дархдасил, бурая. Тетрадуназир гъарил предложениела схемаби дарая.

1. Сай разили х1ейэсти сабабти агара или пикриик1ули хъалли, сенрил ил урк1и авадаисили ва талих1чевсили виэс вирули ах1енри. (М.-Р.)
2. Баргили леб или, нуша вѣвдик1ули хъалли, ил катх1ел аркъулри, сенк1ун илини нуша вѣвла бикъули ах1енри.

3. Мазала мас вагонтачи адалтух1ели, иларад гъарахъли ах1и буц1ира дец1лизи дикили дисули дирар, сарира дарх х1екниличи гъимдук1ибтиван. (А.-Б.)
4. Цацабех1тани бурули бирар, ил хазартани барибсири или, царх1илтани – саби хазартазибад берцес багъандан, сасанидунани барибсири или. (А.-Б.)
5. Шаладикибмад, лебил алавла чебсаргъиб ва арцантани чула далуйти дех1дихъиб.

Х1янчи 6. Удир гибти схемаби х1ясибли, предложениеби пикридарая.

Ца учибяхъ предложениела синтаксический разбор барая.

1. [.....], сенах1енну (.....).
2. (...или), [.....].
3. (.....), [.....].
4. (.....-гу), [.....].

§ 43. Союзуначилси ва союзла дугъбачилси чебедибниличилси учибяхъ предложениелизир багълабирнила ишараби.

Союзуначилси ва союзла дугъбачилси чебедниличилси учибяхъ предложениебази кадурхути царка предложениеби, дигалли бек1 предложениеби диаб, дигалли чедедиб предложениеби диаб, цализирад ца запятаяличил дек1ардиру. Чебедниличилси учибяхъ предложениелизи багълабирнила ишараби дархъли кадатес багъандан, ил предложение бархъли бут1начи бут1или, илизир чум царка предложение лерал белгибарес чебиркур.

Масала: Океанниси бялихъуни дурцан гамурби аркъули сари, сенк1ун бялихъуни дигалли, х1янчиличи дуравхъес замана баили саби.

Чебедиб предложениеби имц1аливан бек1 предложениелис г1ергъи яра бек1 предложениелис гъала дашар. Илх1ели чедедиб предложениеби

дигалли бек1 предложениелис гъала дак1аб, дигалли г1ергъи дак1аб, запятаябачил дек1ардиру. Цацах1ели чебедиб предложение бек1 предложениела ургаб бак1ес асубирар. Илх1ели чебедиб предложение к1елра шайчибад запятаябачил дек1арбиру.

Масала: Наб х1уни илгъуна х1янчи биру или, сеналра гъанх1ебирки.

Союз *ва* - личил дигъунти ца журала чедедиб предложениеби цализирад ца запятаяличил дек1арх1едиру.

Масала: Чис гъанбиркусири, баягъи ит чебаагар адам пагъмучевси далайчи сай или ва илини итгъуна жагаси далай буч1а или.

Учибяхъ предложениелизи кабурхуси чиди-биалра ца царка предложениела дух1нар запятаяби лер диалли, царка предложениебала урга запятаябала мерлар, точкара запятаяра кадалта.

Масала: Илх1ели лебилра билхъаличи бак1ибтири; рухъна Зазабикара, къяш агар Г1усманра, зяг1ипли карихъунси Шамайра биалли хъулиб калунтири.

Х1янчи 1. Учидяхъ предложениеби чум царка предложениелизирад цаладикилил, бурая.

1. Г1яшура селра х1ерик1алра, ил дец1лизир риъни багъеслири: илала ляжуби ц1али алкунтиван х1унт1еннири.
2. Нуни сурат бирис, лебил Миргород секъяйда бусулил, луг1и агарли дахъал зубарти секъяйда вяхъала агарли иличи х1ердик1улил; ил гъанаруси лех1кахъи хурала гъарахъли ва гъамли дашути гъямла т1амали секъяйда хумбик1ахъулил... (Г.)
3. Наб х1уни илгъуна х1янчи биру или, сеналра гъанх1ебирки.
4. Сецад илкъяйда лайкак1ибси виалра, вякъи неш чераэс г1ях1сири или, ил пикриик1улри.
5. Х1ед ил сек1ал къабулбиркур биалли, адапти туснакъла кабатахъес дигахъадли, асубирар. (М.Г.)

6. Нушаб гъанбикиб, дяглі дирихъмира дугліу, сагали аргъра ванакабирар ва нушала шадибгъунира бетарар или.

7. Берхлі гіелабикибхліели ва хіянчизарти хъули чарбухъунхліели, манкъушли шила музаличибад вьвѣили, илдачила шантази багъахъурсири.

Хіянчи 2. Гіягіниси мерличи багълабирнила ишараби кадалтули, чеббелклѣная.

Халасигъуна гъуни ахъайчи Патіимат жявли дурарухъниличи шакхіерикиб. Гъачамлис бацла шалалиур алавчарти мер-муса хіерели къяйда гіячихъли чедиулри. Байрамла инкъурбачи ретаибхліейс биалли лебси аги бехісурбиуб алавчарси ванза чирагъ бишунхліели къяйда ціяббиуб. Патіиматли балусири илад мазала фермализи каэс халаси гъуни агни. Биалра илала урклі гъатлі ретахъ рукъес гъуцліхебиуб. Алавчар бикъуси тіама аги. Дубурти савлила гъанклізирад чераргъили ахленри. Илдачил далли рахліятлири маза-масра.

(У.Ш.)

1. Текст саркъахъили белклѣная.
2. Учидяхъ глаголти черделклѣная.
3. Цаэсил предложениела синтаксический разбор барая.
4. Иш прилагательное падежунарбарая: халасигъуна.
5. Ціяббиуб ибси девла фонетикалалши разбор барая.

Хіянчи 3. Сунезир союзуначил ва союза дугъбачилти чебедниличилти учидяхъ предложениеби имцла-имцлали даклахъили, «Кавказла дубурти» биклуси темаличила ца халаси ахленси сочинение белклѣная.

Хіянчи 4. Чеббелклѣная. Багълабирнила ишараби кадатирая ва илди ишараби кадалтути къяйдурти гъандикахъая.

Ну ухънавайбси адам сайра ну цябдешлизив аклубсира дила дурх1нира цябтили кавлули саби. Набра нугъунти царх1илтасра гъанбиркусири лебилра кашишуни Г1иса ибдагла адапти бургар или х1якъикъатлизиб биалли илди мазала гуйх1ибти буц1и сабли уббухъун. Нушаб дузес дигулра дузх1едузули нушала г1ямал бетаруси ах1ен амма нушала ванзурби агара. Дила пикри х1ясибли къуртмабала къуш лебалли хъубзурани ванзара ках1ейсу.

Гъайла къант1а нуша къяш халатани ганзкадирулра лезмуни халатани дугулра. Биур ишдигъунти бут1ацугдеш агарти г1ямрулис ахир кабихъес г1яг1нибиркур. Сяг1идра алавчарли х1еризур ва сунени гъалавван сунела мякъла т1ашизурси жагъил урши х1ерличил варгиб някъла лишанничил ил илини сунечи гъамахъуб. (А.-Б.)

Х1янчи 5. Т1инт1ти учидяхъ предложениеби детаэсли, ца яра чумал чедедиб предложениела схемаби дарая.

1. Пат1иматлис гъанбиркулри,
2. Хасбулат чарухъалли,сенах1енну
3. Эгер Г1ях1мадла рурси разих1ериркур, сенк1ун
4. Хабурти т1инт1дирули сари, ва или, сенах1енну
5.или ах1енрину Хадижатли ибси или сабри.
6. Дях1и биц1улри ва х1урк1би халадик1улри, ил багъандан
7. Аргъ-барх1ила мяг1на-х1ял руркъути синоптикунани балахъули саби,

Х1янчи 6. Назму саркъахъили белч1еная. Багълабирнила ишараби кадатурти къяйдурти гъандикахъая.

Биалра дила ахъри.

Ва дила дунъя, ну х1ед
Т1ашх1ейзурли улгулра.
Цацах1ели г1яш-г1яшли

Х1ечил вайт1а ургъулра.

Балулра х1у ца х1яйчиб

Даим биэс х1ебирни.

Балулра, дунъя, х1ечив

Гъачамцунра х1ерирни.

Ну царх1ил дунъяличи

Хъулик1уси ах1енра.

Х1езиб ах1енси дила

Лебси ах1ен г1ур селра.

Х1у ункъбарес къасличил

Улх1усира ну савли.

Х1еризурмадан х1ечи,

Вирц1усира ну гъавли.

Ак1убла дила дунъя

Х1ушазиб саб, дубурти,

Ну мях1камли айкъурти,

Ну къяшмачи катурти.

Биалри дила имкан,

Х1уша цах1нар к1ап1дуцес,

Биалри дила ахъри,

Х1уша г1урра ахъдуцес!

(Рашид Рашидов)

1. Дугъабизуни лерти предложениеби черделк1еная. Илди сели аргъахъилил, бурая.

2. Ишди дугъбала морфологический разбор дарая: дунъя, дубурти, дила, айкъурти.

3. «Дила Россия» бик1уси темаличила ихтилат барая.

§ 44. Союзуниагар учибяхъ предложениеби ва иллала жураби.

Учибяхъ предложениелизи кадурхути царка предложениеби цализи на союзуни агарлира дигъи дирар. Гъайлизиб ил имц1аливан интонацияличибли, белк1лизиб биалли багълабирнила ишараличибли чебаахъили бирар.

Союзуниагар учидяхъ предложениебазирад союзуниагар учидяхъ предложениеби сари дузахънилизирад деклардулхъан. Союзунар учидяхъ предложениеби имц1али белк1ла гъайлизир, союзуниагарти – ирнила гъайлизир имц1али дузахъу.

Чула мяг1на х1ясибли союзуниагар учидяхъ предложениеби чумал жураличи дурт1ули сари:

а) цазаманализир яра гъар-г1ергъили кадиркути анц1букъуни иргъахъути царка предложениебазирад детаурти.

Масала: Дубуртачибад бац г1елабикиб, ши ц1ябдешли ясирбуциб.

б) цали итилла сабаб чебиахъути яра цали итил чебирц1ахъути ва якъинбирути царка предложениебазирад детаурти.

Масала: Сунела г1ямрулизив Мухтар илкъяйда жагали вег1иубси бег1 гъалав сайри: нешли иличи чегъурти лерилра палтар сагати сари. (Г1.А.-Б.)

в) цали итилла замана, шарт1 чебиахъути яра предложениелизибси анц1букъ итил предложениебазирад детаурти.

Масала: Савли шаладикибу – нушани гъайбирех1е.

Х1янчи 1. Белч1еная. Учибяхъ предложениелизирти царка предложениеби деклардарая ва илди цализи ца секъяйда дигъил бурая.

1. Неш рахъх1и х1еррик1ули калун, Мухтар биалли, урга-ургади г1елавях1 шурирхъули, нешлис някъра гъак1бирули, нешличивад гъарахъиркулри. (А.-Б.)

2. Забидачи чегъурси ца бук1уси вавнар ч1янк1ила х1ева сабри – иличил буг1ярли сабри. (А.-Б.)

3. Шамил х1елуси х1ушала ургав мажах1ят лев виэс: ил г1яжайбси къисматла адам сайри. (Г1.А.-Б.)

4. Х1езиб къуват ва ц1акъ леб: х1у халакабаилри. (Г1.А.-Б.)

5. Х1ерк1 мут1иг1ли саби, х1ерк1 разили саби. (А.-Б.)

6. Хаслира анц1букъесли бирар янила буг1ярси аргълизиб, сенах1енну лебилра хъулрази диг1янбикили бирар, хъунрицун ах1енну, муйлира. (А.-Б.)

Х1янчи 2. К1ел царка предложениелизирад гъала-гъала союзунар, г1ур союзуниагар учидяхъ предложениеби дарая.

Масала: Урцул керхурли сари. Кари сели абилкъуси? – Урцул керхурли диалли, кари сели абилкъуси? Кари сели абилкъуси: урцул керхурли сари. Урцул керхурли сари – кари сели абилкъуси?

1. Заб тамандиуб. Лебилра колхозникуни авлахъличи х1янчила дурабухъун.

2. Х1уни ца гъай бурид. Итини илис жавабли вец1ал дуру.

3. Шагъарлизи укъес дигусири. Машина х1ебикиб.

4. Къанни аркъяд. Илав чилра х1ергид.

Х1янчи 3. Чеббелк1еная, учидяхъ предложениебази кадурхути царка предложениеби деклардарая ва илдала ургабси мяг1наласалси бархбас сегъуна сабил, бурая.

1. Гумайла дайлаб газик машина тлашбизур, илад цлуба хлеваличи хлунтлена галстук баршибси шиниша шляпала вегл жагыл дурхля дуравхъун ва вархъли шилизивяхл арякъун. (М.-Р.)

2. Дебали къугъаси байрам сабри, дуцлрумла ванаси аргъ сабри. (А.-Б.)

3. Лаг ахъирив – катхлелра ихъид. (х.б.)

4. Ил хлериклалли – сунела хъу хляйна алавбарили, халаси чличлала бусули саби. (х.х.)

5. Къяй бекл унзаличибяхл шурбатур – Хадижа дярхълизи рухларухъун. (М.Р.)

6. Илала сабабра лебсири: хъулирти ва хъа дурарти баркъудлумазир хъунул адам мурул адамлис геларулхъуси ахленри.

Хлянчи 4. Урдатурти хлурприра багълабирнила ишараби кадалтули, чеббелкленая.

1. Нуша чучи чедашули диъни багъур..и душмантани са..деш барес гъеч къасхлебариб сенахленну илдас гъанбикили буили саби нушала цлакъ ба..хляагарли ахирличи б..ркур ва глур чули нуша гъамадли ясирд..рцура или.

2. Цла дик..б цлали диг..б куцлила зумал ва..а дарибну дахъ дигляна мукъара дергун хъанцл б..цл. (Гл.Б.)

3. Ил дуги хъулир цаличи ца къ..ршити клел пикри дургъулри амма чиди ч..дибиркурал чулира балули ахленри. (Р.Гл.)

4. Ишис гъ..нбиркули бургар ну барибсилич.. пашманиубли сай или Хадижат чучи тиладиличил аркъ..н или.

5. Илини жуз къул..бачи кабихъиб вас ай пикриличил цлала ламил..чи хлериклескайиб, сенклун бучлус.. жузли тамашала дахъ-дахъал пикруми алкля..улри.

Х1янчи 5. Учибяхъ предложениеби черделк1еная.

Цехисли бялихъуни дурцуси тур касиб. Гансли илала пикри бусяг1ят аргъиб ва, чизилра гъайх1еили, к1елра илди разведчик уцес арбякъун. Къакъала итил ва ишил шайчиб диг1янбикили, иличи бахъх1и х1ерли калун. Сабур каберхурли г1елабях1 чарбухъес балбизурх1ели, дугила г1ях1ял хабарагарли чула мякълав вагъариуб. Ил манзилличи х1ертиван, илдани иличи тур лайбак1иб. Зантси къаркъа вег1 ил т1ашаэс х1ебирули, бахъх1и аварализи ахъили калун. Ахирра, някъби г1ела дигъи, чучи х1ерли кабиибти гъалмагъуначи хиб. Илди бак1ибх1ели, чирил, къакъа буч1ахъули, ахъли дукарях1иб.

- Се журала бялихъа ил х1ушани буцибси?!

Мявализи т1ашкатурли, илизи машрикъла мезли чи сайри, чинавадсири или хъарбаиб, амма илини илдала цадех1алра мез х1едалули увухъун. Чумал сяг1ят сари шаладикес калунти, илх1ейс капитанра гъаввак1ес асубиар. Цехис алав-гъалав х1еризур ва чучибад илила гъарахъли, бебк1ибтиван бусути к1ел солдат чебаили, илдачивях1 къалабаикиб.

(А.Ибиев)

1. Текст саркъахъили белч1еная.

2. Деепричастиела авид лерти предложениеби даргая ва илдачила баянти дурая.

3. Ишди дугъбала мяг1на бурая: разведчик, сабур, зантси къаркъа вег1, тур.

4. «Дявила гъуни» бик1уси темаличила ихтилат барая.

Т1ашкатурли ибси девла фонетикалалашалси разбор барая.

§ 45. Союзуниагар учибяхъ предложениебазир багълабирнила ишараби.

Цазаманализир яра гъар-г1ергъили кадиркути анц1букъуни иргъахъути учибяхъ предложениелизи кадурхути царка предложениеби цализирад на запятаяличил дек1ардиру. Илдигъунти царка

предложениебала урга точкара запятаяра кадалтули сари, эгер илдала цализир запятаяби лер диалли.

Масала: 1. Шила дублаб х1ерк1 саби, х1ерк1личиб гуми саби, гуми х1ерк1лизи гъачам иши бик1ули саби. (Р.Р.)

2. Шилизиб рях1ятдеш камбиуб, халкъ бачабархиб, гъарил ярагълизи ахъиб.

К1ел точка кадатурли дек1ардиру, эгер к1иибил предложениели гъалабсила сабаб иргъахъули яра ил чебирц1ахъули, якъинбирули биалли.

Масала: Артемлис сунела узи деполизи катес х1ебикиб: вещ1ну шура дусличиб бишт1ати ила къабулбирули ах1енри. (Н.Островский)

Учибяхъ предложениелизи кадурхути царка предложениеби цализирад ца урга тире кабатурли дек1ардиру, эгер цали итил предложениела замана яра шарт1 чебиахъули диалли. Тире кабалтули бирар, ца предложениелизиси анц1букъ итил предложениелизиси анц1букъличи къаршибурцули яра итилличи хъярхъли шурбулхъули биаллира.

1. Гъай бедирив – ч1умали кайзи.

2. Ил варсвахъибу – пайда агара.

Х1янчи 1. Мисалти делч1еная. Кадатурти багълабирнила ишараби баяндарая.

1. Дуарти т1ама-гъамара дахъх1и черх1едердиб: ца шайчибад назикси барскъа гъямличил хя гъямбик1ули саби, ца шайчирад чидирил къапу гъяч1дик1ули сари, ца шайчибад дегъти х1улрала бег1 уркура аркъули бикъули саби, аркъули саби ва сеналра арбякъи бетяхъес къас агара.

2. Илдигъунти дац1ти мер-мусализи ну къарших1ейубсигъуна х1ял сабри: чинабалра ц1ала ц1ил-ц1илъала агара, сегъуналра т1амала бикъули ах1ен. (Т.)

3. Ну диркъла дубличи гъамиубра ва удидях1 х1еръира, дила бек1 ласбулхъули х1илх1и калун: илаб, удиб, х1яблизибван ц1ябли ва буг1ярли саби или гъанбиркулри. (л.)

4. Организация илцад – дек1ар халаси ах1ен, амма х1янчи сецад – дигара дирар, кадикибти яра кадиркути анц1букъуни гъар барх1и къаршидиркур ва пикридарести, х1ердарести масъулти камх1едирар.

5. Татьянала аргъала дак1или х1еррик1ули сари; синка агара, сари гъаргалар сари, хъулир т1ама – гъамала ва стакантала зянкъла бикъули саби. (П.)

6. Х1ера, гъари, сегъуна аргъал! Марлира, гъунчивад чевкалк1ан. (П.)

7. Рахли чебиулра: ил адам т1ама-гъама х1едарили, ванзаличивад алзули сай, тахличи гъамирули сай, илабад табтар кайсули сай, гъаргбирахъули сай ва х1улбау убурцули сай. (М.Р.)

Х1янчи 2. Чеббелк1еная. Союзунар учидяхъ предложениеби союзуниагар учидяхъ предложениеби детаахъая.

Глибрат: Сахаватли Х1ямзатлизи балахъулри, гъамти бурх1назив х1ечи ца адам льявкъан или ва ил х1ечив ца камси замана т1ашаа или.

- Сахаватли Х1ямзатлизи балахъулри: гъамти бурх1назив х1ечи ца адам льявкъан, ил х1ечив ца камси замана т1ашаа.

1. Батирхан урчиличивад кац1иб, ва сунени илди к1елра адам мижитла лацла гъала т1ашбатур, сенк1ун илди лебтанилра х1исаббарес г1яг1нисире.

2. Х1яйдар сагадан абзлизив чедиикес къайгъилизив сай ва ил гъар барх1и т1ашагарли тренироватик1ули сай или, чилирил шилизиб хабар т1инт1барилри.

3. Адамти иличи тамашабиубли х1ербик1улри, ва лебтанилра хъуц1руми гъунч1дирулри, сегъуна мушлукъя вируси, гъари, ит или. (А.-Б.)

4. Адамти багъес дигули, ил алавчарли х1ерик1улри, амма чилра тянишси аги, х1ятта ил анц1букъ гъарахъси дурала улкализиб кабиркух1еливан.

Х1янчи 3. Схемаби х1ясибли предложениеби пикридарая ва делк1еная.

1. [.....], [.....], [.....].
2. [..., ...]; [.....].
3. [.....]: [.....]
4. [.....] - [.....].

Х1янчи 4. Союзун и агарли детаурти учидяхъ предложениеби союзуначилра ва интонацияличилра детаурти учидяхъ предложениеби детаахъая.

Глибрат: Сегъуналра лаг-катбулхъуси машина аги, гъунила дубла т1ашбизурти адамтира ца-цали арбашули арбяхъун, гъанна илар калунти нешра нурацун сари: нуша ил барх1и сенира шагъарлизи х1едаэс г1ямал аги. - Сегъуналра лаг-катбулхъуси машина агара или, гъунила дубла т1ашбизурти адамтира цацали арбашули арбяхъун, гъанна илар калунти нешра нурацун сари, сенах1енну ил барх1и сеннира нуша шагъарлизи х1едаэс г1ямал аги.

Гъариллис ашкарси саби: Муслитмат неш-дудешли хамли х1еррарибси сари, илини илгъуна усалдеш чех1ейсу, ил гашани ребк1ес руар – урх1ла сек1ал х1ебилг1я.

Нуша дигарцад дамсурлири, забли ургъулри, гъуни гъарахъсири, ил шинк1абиублири, дабриличи чярт челкулри.

Ил ишбарх1ира, тяп дагван, х1янчилизи ахъиб: хъу х1ерейс баци таманбарес г1яг1нисири, барх1ехъ иличи унра шилизибад г1ях1ли лябкъутири.

Х1янчи 5. Белч1еная. Учидяхъ предложениебазир чум царка предложение лерал, бурая. Илдала урга кадатурти багълабирнила ишараби сегъуна правило х1ясибли кадатурлил, гъанбикахъая.

1. Г1ях1си адам ветаэс дигив – халкълис пайдала х1янчили узен.

2. Кавказла дубуртачиб ванза бузахъес къиянни саби: дубуртачир къаркъуби имц1али сари, ва дег1нубас пайдалабиэси к1ант1иси г1янжи камли саби.

3. К1илалра х1улби нургъба т1ут1удик1улри: хъали гавли хъяч1кабарили биц1илри. (Р.Г1.)

4. Дубурланта г1ядат илгъуна саби: гъала – гъала г1ях1ял къац1ли вахес, к1инайс биалли баркъудлумачила гъайик1ес. (С.Г1.)

5. Калхъес дигахъиду – гъямли дихесра дигахъен. (бурала)

6. Ну вак1ес х1ейрус: нушала собрание саби.

Х1янчи 6. Точкабала мерла предложение имц1абирули, учибяхъ предложение чеббелк1еная.

1. Нуни, музаличи ац1или, х1еръира:

2. Арши садаибу -

3. – дуги бухъяна бирар.

4. Верх1ел сяг1ят дикибу -

5.- гъар сек1ал г1ях1ил дирар.

Х1янчи 7. Багълабирнила ишараби кадалтули, чеббелк1еная.

Дила бек1либиубсигъуна х1янчи районнизиб бири ну школабала инспектор вираси. (И.Х1.)

Нуни шангла чебхъла ахъбуцира гъачамлис я нергъ садаили ах1ен я диъ белхъи ах1ен. (И.Х1.)

Някъ белкъайчи узади кани белкъайчи укен. (бурала)

Дила х1ер илала х1улбачи бархъбизур илала х1улби гъарли-марли дисулри. (И.Х1.)

Х1янчи чесири́в ил асилдешли́чил таманбирен.

Х1янчи 8. Назму саркъахъили белч1еная.

Берх1ила шаладичиб.

Ну айкъурси дудешлис,
Дила г1язизси нешлис
Вершаиэс х1ейраси
Каршули хъалли миршли.

Амма ца анц1букълизив
Х1ейраси калес марли, -
Ну г1яшикъси ратурли,
Х1ерх1ейраси дек1арли.

Игули халли хамха
Миц1ир-миц1ирли ц1али.
Х1яри кархъули хъалли,
Къак палдали биц1или,

Ламартиэс х1ейраси
Наб ах1ерти шантасра:
Чула талих1 багъандан
Шалал дунъя балтасра.

Амма ца анц1букълизив
Шанти – ургав х1ейраси, -
Наб ах1ерси лерих1ив
Шалаван камх1ейраси.

Вег1ла ват1айс вершадеш
Вайна гъабзали диру.
Берх1ила шалаличиб
Чебях1си саб Ват1а у!

Амма х1ейрус ват1айсра
Марли калас или эс...
Х1ейрус ват1ан багъандан
Г1язизси агнар калес.

1. Союзуниагар учидяхъ предложениеби черделк1еная.
2. Дефисличил делк1унти учидяхъ дугъби чедаахъая ва илди лук1нила тях1уртачила баянти дурая.
3. Ишди дугъби литературный мезла нормаби х1ясибли делч1еная: марли, ратурли, дек1арли, миц1ирли.
4. Ламартиэс ибси девла фонетикалашалси разбор барая.
5. «Дила ах1ерси неш» ибси темаличила ца бишт1аси сочингение белк1еная.

§ 46. Запятая.

Запятая кабалта.

1. **Союзуни агарли, интонацияличил яра к1инайчир имц1али тикрардарили, я-я, я-яра, -ра –ра ибти союзуначил цах1надахъибти ца журала члентала урга.**

Масала: 1. Неш хъули арац1иб, уталичи карииб, лебтачилра х1ерризур.

2. Ила я директор, я завуч, я нушала классла руководитель букъес биубли ах1ен.

2. **Дугъабиз дек1арбарес, эгер ил ахъли ирули х1ебиалли.**

Масала: 1. Нушабра, дила урши, къиянни саби. (А.Къ.)

2. Бурагу, адавзи, ца сегъуна-биалра лебг1еб дец1агеси балагъ х1ебак1или, шанти илцад хумарх1ебири. (А.Къ.)

3. Урга дугъби, урга предложениеби деклардарес багъандан.

Масала: 1. Марлира, шилизиб сагаси децла хабар лебу? (А.Къ.)

2. Сепайда, илхелира хъяшнани берцуди бургули саби.

3. Нуни хлушази бурасли, Глеса виклуси маар саби.

4. Междометияби ва кесекуни деклардарес, эгер илди ахъли ирули хледиалли.

Масала: 1. Гымихледулхъану, гъатли, илдачи.

2. Гъу, узи сейкли? (В.Осеев)

3. Эй, балкла – сяклла, хлу чина аркъулри? (Хл.Къ.)

5. Бурибси марбарес яра мархлебарес дузахъути *гле, гъайгъай, юх* ибти дугъби деклардарес, эгер илди ахъли ирули хледиалли.

Масала: 1. Гле, хлуни дила пикри аргъес чебиркур. (А.-Б.)

2. Юх, ит агарли ну хлериэсра хлейрус. (А.-Б.)

3. Гъайгъай, ну ила аркъяс. (А.-Б.)

4. Юх, юх, хлу хатлаиркули ургуд. (А.-Б.)

6. Хасдарибти ва дурусдеш иргъахъути предложениела членти деклардарес.

Масала: 1. Урца хлянчи ахленси, илини селра балуси аги.

2. Наб, пяхъирлис, илхели итра баибсири.

3. Илар, шила дайлар, клел глиниз дирутири.

7. Учибяхъ предложениелизирти царка предложениеби царка предложениеби цализирад ца деклардарес, клел точкаличил ва тиреличил деклардирути ахленти.

Масала: 1. Сайра чичилра вашлешар, сунечира чилра хлешар. (А.-Б.)

2. Ил гумайлав вагъириубхелира, ит гъалабгъуна разидеш хлебири. (А.-Б.)

8. Цалабяхъ сказуемоела урга баклибси девлис гъала.

Масала: 1. Итди Москвализи аркъути, жагълал саби.

2. Нуни хлед жузи лерхути, хлбал бархлила глергъи сари.

Х1янчи 1. Предложениеби черделк1еная. Дугъабизунала уди тугъаая. Запятаяби сен кадатуртил бурая.

Гамурбани сунечибях1 гъуни буцибси Александрия дунъяличиб бег1лара жагаси ва дебаси шагъар сабри. Шагъарла мякълa гъамдиубти г1ергъи илди лерилра ца къяйлизи кадизур ва камси заманала г1ергъи ил бомбабалабариб. Илала г1ергъи шагъарличи гъужум бех1бихъиб. Цагъунти ах1енри ц1акъани ва ахирра Египетла г1яскуртани ил бархъбатур. Ц1ализи г1елабуршибси ил англисунани марлира къасапханаличи шурбатур.

Арцлис буцибти солдатуни, шагъар чула някъбази бикибмад хъям-къац1ализи ахъиб. Ил анц1букъ чебаили, капитан дебали г1ясиуб ва дуркъа ваях1 шалк1удуцили лявкъуси италиялан Човитано лев мерличив игъубли кавшиб.

- Илкъяйда, капитан, х1уни нуша ца-цали кадуршура, давлаличил хъули дархъесиля мерлар, - иб гъимук1ибси Цехисли.

- Душман вяч1айчи Чили балк1си Ганз кац1алра, илала илгъуна ахирра бирар, - иличи жаниварла х1улби вякъаили иб капитанни.

- Командир, нуша арцлис дуцибти солдатунира, г1ях1х1ебизалли, ишарад мурт-дигара ардукъес дирех1е. илгъуна вяг1даличил дак1ибтира иша, - даимиуб Цехис.

Арцлис буцибти солдатуни аргъиб, иличил имц1якъ гъай г1ях1ти х1едиъни. Чучил гъар се-сек1ал бек1далили ил арякъунх1ели, ц1яббириулри. Ил манзиллис англисунани шагъарра таманни чула някъбази касиб.

(Агъаси Ибиев «Чиди гъуни чеббирк1уси?» повестълизибад)

1. Текст саркъахъили белч1еная.
2. Ишди дугъбала лексический мяг1на бурая: гамурби, бомбабалабариб, гъужум, вяг1да. Илди дугъбачил предложениеби пикридарая.
3. Дугъбала морфологический разбор барая: Александрия, Египет.

Х1янчи 2. Г1яг1ниси мерличи запятаяби кадалтули, чеббелк1еная.

Эгъ Къамбулат Къамбулат! Х1ябилра гъалакиубли леври, дила къарига ва узигъуна гъалмагъла урши.

Гъу пикрумазибад г1ях1деш агара. Биубси биубли саби. Ил г1елабях1 чарбарес х1ейрар. Гъанна наб баркъудлумази ахъес г1яг1нибиркур. Къамбулатла къагъуртира гъачамлис мурхъдешлизир, ц1ябси курлизир датес г1яг1нибиркур «Х1ердик1ех1е Чамусалавли се бурул»

Хизрикъади пикримазивад чевсаргъиб. Дурх1яличи гъамиуб:

- Чинава азила ишди кагъурти гибси адам?

- Юх адавзи ил адам чи саял, чинав саял нуни х1елабалас. Дила дудешли гиб илди кагъурти набзи ва ч1янк1ли х1езицун дедахъес хъарбариб. Нуни биалли дудешла хъарбаркъ таманбарра. Нуни белк1ес - белч1ес х1ебалас илди кагъуртазиб се белк1илра х1ебалас.

«Илди кагъуртас жаваб жявли х1елуга», - вик1и дудеш.

- Х1ед чи бик1ара дила урши? – хъарбаиб Хизрикъадини.

- Багъадур бик1ар. Дила хала дудешла у саби нуни бихуси.

- Гъарли-марли багъадур уилри х1у х1ед х1ялалдиъ!

Х1угъуна багъадур урги х1ела хала дудешра.

Багъадур ургар х1ела дудешра царх1илла мурад барес багъандан гъарахъси арх1яличи х1у вархъибси.

(Ильяс Х1усейнов «Бац буркъла ц1ябил дуги»)

Х1янчи 3. Союз я лебси предложениелизиб сен запятая кабалтусил ва ках1ебалтусил гъанбикахъая.

Нуни я гамушуни, я ц1а, я гавлагуни чех1едаира. (Р.Р.)

Илала дец1ла ц1умли

Х1ергъиб унруба, шанта,

Чех1едаиб нургъбира

Я тухумли я гъамта. (А.Гъази)

3. Я заманаличиб машина х1ебак1иб, я х1ерли кабиибти паргъатх1ебиуб.
(А.-б.)

4. Я галгала къялуби берх1иличибях1 ахъдик1ули ах1ен, я илала х1ячми
ванзализи мурхъдик1ули ах1ен.

5. Я заманаличив х1янчи таманбара, я нуни х1ези х1янчила х1екъ
чарбирахъис.

6. Агара х1ела къяп1ни
Я сурти я бухарти.
Къяп1нас къядин бек1лизир.
Х1янчи Сар х1ечи хъарти. (Х1ябиб Къурбанов)

7. Я рамсни х1ебалуси,
Я рарг1ни х1ебалуси
Рег1ла г1ях1си неш сари
Дила халаси рузи. (Сайгибат Г1ябдулкеримова)

8. Я заки арцес, я ванзализи кац1ес биалри или гъанбикиб.
(А.Къадибях1яммаев)

Х1янчи 4. Урдатурти х1урпприра ва багълабирнила ишарабира
кадалтули, чеббелк1еная.

Г1ергъила барх1и, чизилра аркъулра – х1якъулрара х1еили Жанай
шагъарлизи в..рхур. «Нагагъ Зугърани дурути м..рти диалли неш-дигара риаб
сари ках1..руиисли х1ералтас», - пикриик1улри Жанай гъаланачи хъурали
вашули г1ур г1еб..аибси машиналичив шагъарлизи къалабаик1ули.

Жумяг1ра – сера тянишли ах1енси шагъарлизив нешли..ив умц1ули
калун: г..стиницабазив хъарик1ули б..зуртачив ахтардиик1ули тук..нтази
айц1ули авт..бусуначив вашули. Я сари раргес я иличила сегъунтилра баянти
дучес имка..х1ебак1иб. арцра кадерхурли вамсурли инж..ткайубли шилизи
чарухъун. Гъанна ил гъат1ира гъай къан..сили вамкъурсили къяр..сили
ветаурлири.

Ил чина ар..кьунал се мурад лебрил чилилра х1..багьур. авдикатла м..лх1ямти гьайли лявли Жанайла дец1 бара камбиахьуб.

Вец1ьибил класслизиб Горькийла «Неш» бик1уси роман буч1ух1ели, Ниловнала ..бразла чебкад хьулиб с..чинение белк1ахъес хьарбарибсири. Дигусини Ниловналичила ах1и царх1ил нешличилара белк1ес асубирниличилара бурибсири.

Шилизи чару..и г1ергьира Жанайла лерилра пикр..ми нешличила сари.
(А.Кьадибях1яммаев «Бишунси анкьи»)

1. Текст саркъахьили белч1еная.
2. Ишди дугьби сенг дефисличил делк1унтил бурая: неш – дигара, жумяг1ра – сера.
3. Иш девла фонетикалалашалси разбор барая: гостиницабазив.
4. «Дила неш» бик1уси кьант1си сочинение белк1еная.

§ 46. Точкара запятая.

Точкара запятая кадалта:

1. Учидяхь предложениелизи кадурхути царка предложениебала урга, эгер ила запятая кабатес г1яг1ниси биалли ва илдазибад цала дух1нар г1урра запятаяби лер диалли.

Масала: 1. Дила дуркьа духьба биц1ибси дек1си уркура сабри; амма илкьайда биубли хьалли, нуни гавлаг чебихьира.

2. Т1инт1ти ца журала члентала урга, эгер илдала дух1нар яра илдала цала дух1нар запятаяби лер диалли.

Масала: Ила арбякьи саби Хамис, сунела клелра бишт1атира сарра; Исбаният, Тетей ва Идрисхьала Сапият.

3. Кьуллукьла белк1аназир гьар-г1ергьили дурути анц1букьунала, сек1ултала, масьултала урга.

Масала: Собраниеличир арзиб ишдигьунти суалти;

К1иибил классла дурх1нала посещаемость;

Верх1ьибил классла цацабех1 дурх1нала белч1уди.

Х1янчи 1. Удиб гибси тесктлизиб точкара запятаяра сен кадатуртил бурая.

Сегъунти жузи дихутив дурх1нани?

Имц1али кыматчерти сари г1ях1цад дусми гьалар дурадухъунти, амма чула кьадри гьаннара бетх1ехъибти жузи. Илдигъунти диэс дирар, масала:

1. С.Г1ябдуллаевли., С. Г1маровли цаладяхъибти цаибти учебникуни, сарира бех1бихъудла классунас ва чедирти классунас хасдарибти;

2. Цаибти словарьти: «Дарган мезла-урус мезла» (1950д.) дарган мезла орфографияла словарь (1951д.);

3. Дарган мезла черкадти г1илмула жузи. (С.Г1ябдуллаевли «Фонетика даргинского языка», А.А.Мях1яммадовла «Кубачинский язык», С.М.Х1ясановала «Очерки даргинской диалектологии»);

4. Даргала халкъла хабуртала жузи;

5. Даргала далуйтала жузи;

6. Даргала буралабала ва багъирабала жузи;

7. Г1ях1мадхан Абу-Бакарла, Р.Рашидовла, Р. Нуровла ва царх1илтала г1ях1цад гьалар дурахъунти жузи;

8. «Гьалмагъдеш» журнала номерти, илди араг1ерли цаладяхъес ибси кьасличил;

9. Лерилра – дек1ар шимази х1едаибти ишх1елла автортала жузи;

10. Даргала царх1илти жузи (бехк1ибти ва миц1ирли лебти писательти - поэтунала);

11. Дек1ар-дек1арти дусмазир дурадухъунти учебникуни, методикала пособиеби, сари гьанна дузахъули х1едалира.

(А.Къадибях1яммаев)

1. Текст саркъахъили белч1еная.

2. Даргала писательтала, поэтунала, г1ялимтала уми гьандикахъили, белк1еная.

3. Даргала г1ялимтачила ихтилат барая.

4. «Даргала мез» бик1уси къант1си сочинение белк1еная.

Х1янчи 2. Чеббелкленая, г1яг1ниси мерличи точкара запятаяра кадатирая.

1. Разият, ашкарли, ила аррякьи сари Мусса биалли арякьи ах1ен.
2. Илх1ели ил дуц1ик1и ахъли дукарк1и диндара къимбик1ахъули, цаагили далайик1и.
3. Уршби-рурсби буч1ахъес бурсибирути саби бех1бихъудла классуназибад. Илар буч1нила шайчир гъладирхъути сари авал т1алаб:
 - а) ахъли буч1ни;
 - б) саркъахъили буч1ни;
 - в) бархъли буч1ни;
 - г) къалабали буч1ни.

(А.Къадибях1яммаев)

Х1янчи 3. Шел предложение пикридарая точкара запятаяра кадатурли.

§ 47. К1ел точка.

1. Ца журала члентала гъала, эгер илдас гъалаб обобщающий дев леб биалли.

Масала: 1. Илар лерри лерилра жаниварти: далк1а къяч1убар синка, хъунц1бар бец1, дахъал дагъурси гурда ва урух-тус г1яра. (х.х.)

2. Союзуниагар учибяхъ предложениелизи кадурхути царка предложениебала урга, эгер к1иибилли гъалабси предложение чебирц1ахъули яра илала сабаб чебиахъули биалли.

Масала: Гошка ахъиубли х1еръибгу: солдатунани ялчнас гъуни баррили, гъалабах1 бурхъули.

3. Авторла гъайлис г1ергъи, гъарси гъайлис гъала.

Масала: Рахли илис бец1ли гъуни буцили саби ва илизи бик1ули саби: «Гежбахъай, х1едра нешличи букъес дигулрив?» (Х.х.)

Х1янчи 1. Чеббелк1еная. К1ел точка сегъуна правило х1ясибли кадатуртил, гъанбикахъая.

1. Гъар шайчибях1 т1ут1укабиуб гъалабван вец1ъибил класс таманбарибти урч1емалра адам: цабех1 буч1ес арбякъун, цабех1 колхозлизиб бузес калун.

2. Нушала маза имц1аливан гъундурачир дирути сари: х1еб ва г1ебшни.

3. Илини бек1ибси мазала кани гъярайб ва илмадан зуг1яла белгибариб: мазала кани ц1удара набтли биц1илри.

4. Гъачамцун ил суайс жаваб гиб: «Вег1личи разили ах1енси мерличи камли вашалли г1ях1си саби, г1ямал бетарули биалли, бек1лил х1ешалли гъат1ира къулайси саби».

5. Жанайла илар бут1акъяндеш дарес бетх1еур: Батирлис-къадинра суненицун къигъмала дурзам бих1ули, жакъначилси к1ел царх1ил бук1уйчил варх ил дубуртазив калунсири.

6. Итх1елира цацабех1ти бик1утири: «Ара-сагъли кали дигалри, жанивартачил х1ерх1ули, сунела гъуни буцили ваши».

7. Анц1къира цундешра даим унраличир дирар: цунси адам анц1къилизи г1елаиркур, анц1къи лерси адам, г1ядатли биубли, цунни вирар.

8. Камлив адамтала дек1ар-дек1арти къиликъуни, х1ял-т1абиг1ят, бухъя-зегъа: цабех1 дазу агарли т1ирбик1ар, цабех1 лех1кайхъур, ца разили вирар, итил-пашмай.

9. Мухчалачи белк1ири ч1янк1ли ца дев: «Жанайличи». Хат1 тяништигъунтири.

10. Дурх1ни-рурсби хъулрази абац1или г1ергъи, Батир Х1яйдарличи дугъаизур: «Х1у вак1нира г1ях1си бетаур» (А.Къадибях1яммаев)

Х1янчи 2. Предложениеби черделк1еная. Урдатурти багълабирнила ишараби кадатирая ва правило гъанбикахъирая.

1. «Гъалмагъдеш» дурабулхъес г1ях1цад гъалабал даргантас ва царх1илти миллатунасра балли машгъурбиубти даргала поэтуни лебтири Батирай Сукъур Къурбан Мунги Г1ях1мад Хадижа Г1ябдуллаева. («Зурх1яб» журналлизибад).
2. Илкъяйда, даргантала баркаллагичи лайикъбикиб, чули фольклорла жузи дураибти: З.Г1ябдуллаев З.Мях1яммадов Ф.Абакарова Г1.Мях1яммадов М.Х1ямидов М.-С.Мусаев ва царх1илти. («Зурх1яб» журналлизибад).
3. Даргала миллатла культурала царх1илти шалубачира пикри бях1чиусири ил журналли жамиг1ятла г1ямруличи г1ядатуначи мезличи багъудлумала ва г1илмула даража чеахъбик1ниличи. («Зурх1яб» журналлизибад).
4. Г1усман х1яйна-авна ахъ-г1яшиуб «Аргъира Амир заклизив ца Аллагъ, х1у вик1уси бетарар». (Басир Г1ялибеков)
5. Т1ашаахъили, кац1ира. Г1елабад т1ама «Арц чили лугутив, президентли гъари!» (Г1.А.-Б.)
6. Алавчар лерти скамейкаби дац1ли сари, гъамиубли набчи ца адам вик1ули сай «Гъари ветитак1и нура кайрусрану!»
7. Х1езивад дек1арх1ейкили х1езив х1ерируси дила ца гъалмагъли, набчил дарх х1ела къакъурбазир дурх1ядешра дургъбала г1язабтира дургъбас г1ергъи разидешунира багъти жагъдешра дерк1ибсили гъалабван набчи белк1ун «Итх1ели х1уни убатурси г1инцла галга бухънабаили саби, дуг1бала балагълиуб байхъу гъятбиубли саби». (Ильяс Х1усейнов)
8. Илала пикри аргъили Култум тиладиличил хала нешличи х1ерризур «Х1у рархъли сари, хала неш. Шямван рархъли сари. Тиладибирулра, ну нешлис ц1ахмарираба иш яргалис х1уни илди держа, х1у

багъандан г1яг1нибикалли, нуни агъу диалра дужис» (Мях1яммад-Расул)

9. Сагати «мез» иргъули сари гъанна дубуртазир илар трактортала т1амри г1ералгъули сари. (Г1.Вях1идов)

10. Уршила вях1лизи бег1ми чейгули саби, ва илис изарахъули саби, амма уршили иличи пикри бях1чиули ах1ен бег1мик1ун рурсили сабри игъубси. (Г1.Вях1идов)

Х1янчи 3. Назму саркъахъили белч1еная. Багълабирнила ишараби кадалтули къяйдурти белгидарая.

Рухънала балгализи

Сари ак1убси шира,
Мякълар г1яшул-шурмира,
Янашар дубуртира
Даршал дус чедиуси,

Сари ак1убси шила
Дура арх1ярякъунси,
Юртличи юрт бях1чиси
Унра лер нушалара

Лер аралии цулбира:
Дялча илди хивира.
Леб х1улбала шалара,
Дугъбала пасих1 дешра.

Жагъилтаван дузахъу,
Дала буреба-ч1ира,
Бук1усиван, г1яскарцад
Леб дурх1нала дурх1нира.

Хала нешли мурталра
Бируси леб балгара:
«Мискин адамла хъулир
Каммайъаб ц1ара гавра.

Мискин адамла хъулиб
Г1яшмабиаб яшавра,
Щаласи дунъяличир
Майъаб къагъара дявра.

Ак1убтачи, лебтачи
Дурабтачи, шантачи
Мях1яммад идбаглацад
Диаб дигира лявра.

Г1ур се балгиша нуни?
Авлаб адамла ура
Адам х1улурк1ахъуси
Берх1ила шадси х1ерра!»

Эгер рякъи риалри
Ша дурра гъачамалра,
Рухънала балгализи
Дархдирки аят чумра.

Сенк1ун х1ела, неш-ванза,
Жагадешуни сари
Инсайзир алк1ахъути
Г1ях1 девра гъар балгара. (С.Рабданов)

Ишди дугъбала лексический мяг1на бурая: г1яшул-шурмира, янашар дубуртира, буреба-ч1ира, камайъаб ц1ара гавра, яшав, къавгъа, идбаг, балга, аят, инсан.

Ишди дугъбала фонетикалалси разбор барая: юртличи, каммайъаб, аят, майъаб.

К1ел точка лерти предложениеби черделк1еная ва сегъуна правило х1ясибли кадатурлил, гъанбикахъая.

«Дила унруби» бик1уси къант1си сочинение белк1еная.

Х1янчи 4. Удир гибти схемаби х1ясибли предложениеби пикридарая.

1) О: о, о, о.

2) (.....): (.....)

3) А: «Гъ»

§ 48. Тире.

Тире кабалта:

1. Подлежащеелара цалабяхъ сказуемоелара урга, эгер цалабяхъ сказуемоелизибси бигъни уббатурли биалли.

Масала: Умудеш-чархла арадеш.

2. Гъалабси яра г1елабси предложениелизибад иргъули саби или, к1иибил яра цаибил предложениелизиб сказуемое гъанх1ебушалли.

Масала: Урчи дуц1си г1ях1си бирар, унц-ц1акъси.

3. Ца журала члентас г1ергъи, эгер илдас г1ергъи обобщающий дев бак1или биалли.

Масала: Миг, хур ва жяр – илди лерилра нушала вац1ализирра дирар.

4. Союзуниагар учибяхъ предложениелизи кадурхути царка предложениебала урга, эгер гъалабси предложениели г1елабсила шарт1, замана яра иргъахъули биалли.

Масала: Забли урзулри – машинти дашули ах1енри.

5. Союзуниагар учибяхъ предложениелизи кадурхути царка предложениебала урга, эгер к1ел предложение мяг1нализир цаличи ца къаршити диалли, яра ца предложениелизиса баркъуди итиллизиб хъярхъли барсбирули биалли.

Масала: Дуц1румли дурчу – янили дуга.

6. Гъарси гъайличилси предложениелизиб: гъарси гъайлис г1ергъи, авторла дугъбас гъала, гъарси гъайла к1елра шайчи, эгер ил авторла дугъбала ургаб бак1или биалли яра авторла дугъбала к1елра шайчи, эгер илди гъарси гъайла дух1нар дак1или диалли.

Масала: «Илала х1екълизиб г1яг1ниси мерличиб нуни бурис», - иб Х1ямзатли, ч1умали кайзурли.

7. Диалог лук1ух1ели, масала:

- Чина аркъулри?
- Базарличи.
- Неш хъулиру?
- Ах1ен. Х1янчилар сари.

Х1янчи 1. Текст саркъахъили белч1ена. Тире сегъуна правило х1ясибли кабатурсил, бурая.

- Сен илди бех1суразс гъанбикибси? – хъарбаиб хъубзарли.
- Нукъсандешуни лерни багъандан, - жаваб бедиб давлачевли.
- Сегъунти?
- Ца азгъинси сари, итиллизир шилтахъдеш лер, х1ябэсил – к1ушудеш.

- Дила рех1сурх1ейис, амма лайикъси багъалис х1ела илди х1ябалра бяркъличи бикахъес вирус, - иб хъубзарли. Унра къабулкайкиб. Давлачевла арцлис итди хъунрас хъубзарли к1ел хъали дариб: ца – лацла авалра бях1лизир дахъал т1ярхъуби лерси, итил – к1идех1 унзала бег1. Илдази к1ел хъунул кабатур. Азгъин хъунуйзи иб:

- Х1ед хъали барес дилацун ахъри агарану, набчил парх х1ура рузен.

Чесабиубси янилизир дулар кавдлуси х1ериишигу ит. Рузескарииб ва дуб-дубли х1янчиличи бурсикариуб. (А.Къадибях1ямаев)

Х1янчи 2. Предложениеби тамандарая. Тире сен кабатурсил бурая.

Г1инцби – Пат1ис, хъярби -

Унц Уцумила саби, урчи -

Дудеш х1янчила арякъун, неш -

.... – урцуйчи, х1у шинкъала урхъусири жаг1ял.

.... – гъарил рангла ч1янк1и лерри ишбарх1и тукейзир.

Сяг1ят гех1ел дикилив -

.... – нушачиб дурх1ни лагерьлизи бурхъу.

Забли урзулри -

Нуни бирц1аси -

.... – ит дукарк1и.

Итини ц1аличи набт чекарт1иб -

Х1янчи 3. Чеббелк1еная. Г1яг1ниси мерличи тире кабатирая.

Даим жагъси Батирай.

Х1ера, нуша кадили лерли, булугунала гъуникад нушачивях1 лявкъули урчила мурда чеира. Аиб ил нушала мякъла, урчиличивад кац1иб, урчиличи къяшум даршили, мякълабси сагаличи къарли бугахъес каиб. Сай биалли нушала мякълабси къасигъуна мерличи кайъиб.

Мургукантирав, исбагъиби? Хъярбаиб илини нушази.

Сарра, жаваб бедиб нушазирад халасигъуна Нуркъиятли. Х1у чи сайри?

Ну х1урхъан Г1ямарла Батирай сайра. Аргъибсив х1ушани иличила?

Аргъибси саби, аргъибси, ира нушани цах1наб.

Х1у вак1ибил мерлике

Х1яли-арцла заб дараб.

Хъуравиуб Мургуке

Мургъила марка дараб.

Белчленгу нушаб далай,
Дила хлурхъан Батирай,
Хлела пергер тламали.

Далай белчли дигадалли, цакамти хиви ябуличирти дила дацли хунжази
какырая, иб илини.

Нушани гъарилли цаца мехл хлясибли илала ца хунжла духлна какъурра.
Байхъала хъунж бицлиб. Илхлели Батирайли гляш-гляшли тламадариб:

Алхлят бархила байрам,
Дигайликъулла хляйран.
Шидаис бигахъирра,
Гъай-аман, дила жайран.....

Гъу, рурсби, биклулион, далай глеркъал белчлалли, лехлихъутас
анцлбулхъан. Гъанна ну чарулхъас дила Хлурехъивяхл, иб Батирайли ва
урчиличи мурдаэс хлядуриуб.

Цагъатли далай белчленгу, жан датла Батирай, тиладибариб Нуркъиятли.

Батирайли ца къяш улыбхъализиси чвахликллизиди кабихъиб, ца къяш
ванзаличи кацлиб, глур нушачивяхл чаряхъили:

Иклиди ахъ дубуртира,
Дубурла хъябуртира,
Хлечи дигай дихъахъес
Аминатли хлелтара.

Глур гъуцлухъи урчиличи мурдайибну, нуша рурсбачира хлеръили,
тламадариб:

Вацлализир янцури,
Миклхлила набадури.
Хлябра ахлерадякъиб
Муркукантли къябкъури.

Тлаш, тлаш, Батирай! Или, нушани Батирайла итил хунжлизи цаца мехл
гъатли хивала какъурра.

Гляк – глякбяхъили дукаряхлиб Батирай ва сунези сунени багълали иб:

Мух1лили квани балхан

Ва Г1марла Батирай....

Г1ур дуц1барили урчира сайра Батирай арякьун. Къябкъурала къада бик1уси мерличибад нушаб Батирайла далайла пергер макъам г1ебг1ебагьур.... (Ильяс Х1усейнов)

1. Текст саркъахъили белч1еная.
2. Г1ямарла Батирайличила ихтилат барая.
3. Х1урхъила лугъатла дугъби черделк1еная ва литературный мезличи шурдатирая.
4. Къант1си изложение белк1еная.
5. Ишди дугъбала морфологический разбор барая: мурда, биц1иб.

§ 48. Кавычкаби.

Кавычкаби кабалта:

1. **Авторла дугъбазибад гъарси гъай дек1арбарес.**

Масала: Г1ежа бик1ули саби: - «Юх, ил бархъси ах1ен, гурда»

2. **Жузала, газетабала, журналтала, совхозунала, колхозунала, гамурбала ва илдигъунти царх1илти умази.**

Масала: Нуни «Даргала рурсби» бик1уси жуз буч1улра.

3. **Цитатаби лук1ух1ели.**

Масала: Илини сунела докладлизир гъандушиб «Замана» газетала цаибил бях1лизи кадияхъибти « Г1ергъити дусмазиб пенсионерти, дергъла инвалидуни г1еббуцнила даража г1ях1цадла ахъбиубси саби», - ибти дугъби.

4. **Буруси девла мяг1на гъарси мяг1нализиб х1ергъили, цараванси мяг1нализиб аргъахъес дигалли.**

Масала: Ваши, дякъи, Идрисхъали «сабумц1ахъех1ену»

Х1янчи 1. Кавычкаби сегъуна правило х1ясибли кадатуртил, бурая.

1. Гъар чуйна ша вак1асра

Ц1умулхъуллагу цаван:

«Шанти агнав х1ебк1или

Х1ериулла ну севан?» (Г.-Б.Бях1яндов)

2. Бержес дигулихъалли гъат1и нунира ках1ертри. Ил Бержа хурегла т1яг1ям бак1ахъес, «шайт1ан шинна» т1ем багъес. Ишдани урк1ила пикруми лезмила бех1личи хъурадиру, духути абдалбиру, абдулти х1ярибирхъу. (Мях1яммад Х1ямран)

3. Сай вик1уливан, «бахълис сахаватти г1ямрули сунес дусми гес мяшт1дариб», ва даргазибра ак1убси бег1лара шалатазибад шаласи ва бег1лара буц1артазибад буц1арси урк1или сунела сагъси, саркьибси ва къалабаси тимхъ т1ашаиб. (М.Г1исаев)

4. Ил дебали рачарирхахъули сари хъулкни, хъямчиби, хасмушуни, къачагъуни «заманала игитуни бетаъниличи» (Пат1имат Вях1идова)

5. «Ч1акнани пукъни урдалтух1ели» бик1уси поэмализир бек1 игит агара-х1ялани, пикруми ва баркъудлуми х1ясибли лебилра бут1якъанчиби цагъуна даражаличиб саби. («Гъалмагъдеш» журналлизибад)

6. Ват1айчи дигила мяг1на х1ергънила лишан саби или. Амма бахъалгъунти гечликъянабани х1екъси жаваб гиб: «Адамтира арцантигъунти саби-чула пукъначи даим х1ясратти» (Х1.Нурмах1яммадов)

7. Ну гъунивватес, «Борисполь» аэропортлизи адыгунала студиялизиб буч1ути лебилра бак1иб. (Х1.Нурмах1яммадов)

8. «Московский комсомолец» газетала жагъил журналист Дмитрий Холодов офицертани ярагъ диг1яй дирцниличи къаршили дураухъун. (Х1.Нурмах1яммадов)

9. «К1иэсил яргалис арцла сабухъ нушаб бирар», - иб Раисатли. (Хамис Маллаева)

10. Чумал барх1и гъалаб илини ц1уръа дурх1начила белк1анас Избербашлизиб, Каспийсклизиб багъахъурси акция х1ясибли «Дагъиста мургъила ч1ака сархиб» (Хадижат Г1ямарова)

Х1янчи 2. Чеббелк1еная. Г1яг1ниси мерличи кавычкаби кабатырая.

1. Ралуси сари г1ях1цад дусмазир Дагъиста хъунул адам журнала редактор сарливан, нушала редакцияла бег1лара дигуси г1ях1ял сарливан. (Х.Г1ямарова)

2. Дарган мезли дурабулхъуси Дагъиста хъунул адам журнала редактор Пат1имат Вях1идова тамашала къисматла хъунул адам сари. («Гъалмагъдеш» журналлизибад)

3. Г1еларти наб далтули г1ергъи буралра буриша, - иб Шагъвалини. – Ц1адур къадала гъалабси диркъличи дукъеная. Ик1абях1 чумал барх1и х1енкъ букили ах1енра нушани, ик1ар г1ях1ти улелъа диэс г1яг1нили сари.

4. Тамашала адам х1ейалли, я сунени бурибси гъанбиркули ах1ен ишис, я сунес бурибси дец1игули ах1ен. Ну х1енкъула, садакъачи или валт1ули, вак1или набзи улелъа лерси мер чебаахъа или дугъаризули сай, - бек1 гъак1-гъак1бариб Шагъвалини, аркъуси Г1исакълис г1елавад х1ерик1ули. (Х.Мях1яммад)

5. Финляндиялизибти Г1ях1лачил – Дунъя ва нуша бик1уси журналла редколлегияла члентачил – Расул Х1ямзатов телевидениелизи вак1ес г1яг1нисири жаг1ял авал сяг1ятличив. (М.Х1ямидов)

6. Ноябрьла байрамла барх1и сабри. Г1яли г1урра чина-саял ветахъилри. Сакинат барх1и ахъайчи кроватьличи карихъи Граф Монте-Кристо буч1улри.

7. – Х1у мерседесличив х1янчила сен вашусири? (Г1.Х1ямидов)

Х1янчи 3. Пикридарая шел предложение гъарси гъайличил. Илди чинар дак1илил, бурая.

§ 49. Скобкаби.

Скобкаби кабалта:

Т1инт1си урга предложение дек1арбарес багъандан.

Масала: Амирбейли (ил итх1ели шила юзбаши вирусири), набчи вак1или, сунела арцла камалра ханжалра асахъес тиладибарибсири.

Х1янчи 1. Скобкаби сен кадатуртил, бурая. Подлежащееби дек1ардарая ва илди чиди падежлизир дак1илил, белгидарая.

1. Амма илдани х1исаблизи ках1ейсуси ца хасдеш лебри: Мангышлакла областьла центрли сабси Шевченко (гъанна илис Ак - тау бик1ули саби) шагъарличибад бех1бихъили г1урилти мер-мусаличи бикайчи радиация т1инт1кабиубли биъниличила пикрих1ебулхъи. (Х1.Нурмах1яммадов)

2. Ну илав школализи вашес вех1ихъибсира – школара илаб таманбарибси саби (гъанна ил цаибил номерла школа саби) (Х1.Нурмах1яммадов)

3. Такъсирчибас – илди клел лебтири (ца калмык – гъалавра туснакълизив калунси, ца урус - милиционер) – кункдеш г1еббаахъиб Калмыкияла президент Кирсан Илюмжиновли, сенк1ун Лариса Юдина карушниличил х1якимти бархбасунх1ели. (Х1.Нурмах1яммадов)

4. Х1янчила г1ергъи Г1ябид сунела «берданкара» касили (или вик1ули вири сунела тупанглис), гъар барх1и г1яяр вашули вири. (Х1.Мях1яммад)

5. Гъачам (ил бетаурсири гъанналис вец1ал дусра – сера гъалаб) ну Хала вац1ализи нушала гамушлиг1ив ласухъес вякъунх1ели, къалмакъарлизи дикибти клел дуг1ла халати цура чедаибтири.

Х1янчи 2. Г1яг1ниси мерличи скобкаби кабатырая.

1. Ца г1ядатла барх1и Уздият шуибил класслизир географияла дарсличир лерли хабарагарси анц1букъ бетаур.

2. Гъачам барх1ехъ ил – 1773 ибил дусла октябрьла бех1бихъудлизиб сабри нуцун хъули кайили, г1ебшнила дяг1ла авличи лех1ихъулри ва бацла удирад дуц1бик1ути дирихъмачи х1ерик1улри. (А.С.Пушкин)

3. Камси ванзаличир лебсира 50,3 азир квадратный километрла мер саби дебали жагати тлабиглятла мер-муса кяршидиркур. (И.Мяхлямадов)

4. Рабадан Нуровла творчестволичила ва глямрула глергьити дусмачила буриси жузлизив узули гьачамлис ил таманбиубли ахлен, нуни ца секлайчи пикри бяхличаира: цлудхьурла лугьатличил делкунти илала гляхлад произведениеби гьачамлис литературала мезличил каргахьурли ва бучлантачи даахьили ахлен. (Гь.Юсупов)

5. Къакъла геларад аба-уршила дугьбала бикъанбиубхлели, урхьули глурра сунела сипат барсбариб чуйнакра байхъала сягьлатла хлебикили! (Х1.Г1ялиев)

6. Ил анцлбукъ чумал ведомстволи школаби дузахъни дигеси биаллира, цацадехлти масъултира алклули сари. (Ш.Шахов)

7. Дубуртазир кадизурти глядлу-зегъа дулъуси Хизрила къисмат кахси трагедиялизиб сипатбарес лайкъси илала, гьар баркъуди, держлукъла ва хлянкружила гьар бархилати баркъудлуми дукелелцидухъести комедиялизир сипатдарес лайикъти сари. (Г1.Вяхлидов)

Х1янчи 3. Чеббелкленая. Багълабирнила ишараби кадатирая.

Гьачамра цлябси дугилизив вацлакад аркъулри. Рахли чилирил къапла чеббердиб. Ханики тапанчала ар буцили глела шурухъунра галгала мякъла тлашкайзурли ца адам. Эй! Ира нуни абитли тапанчара жаваб агара. Эй чи сайри? Ира глурра жаваб агара. Дила гъез чахъкадилзули сари къяшми руржули сари. Нуни чебуцили илис игъубра. Хлерикласли плацласахьили къапла ванзаначи кабиркули саби. илав чилра левли уили ахлен галгала къялини дила къапла чеббердили буили саби.

Ца дус дугели Мурегла мурбазивад лаг аркъуси замана шурухъи глела хлеризурра зубразира абаили ванзачира кабаибси цлала бухъуцла тлал чебаира ва дебали урухиубра. Шайтлунтала цла бикларгу дегларла ихди сари шайтлунтала цла пикриухъунра ну ва къалабали ватихьира. Гляхлад гьуни ахьили глергьи, глурра шурухъи хлериклус баягъи цлала тлал цалра

гъарахъбикили ахлен. Ну вахъ дебали вашули майали катуллири. Къап1а чебасили майъа бушкира. Х1ерик1ус ц1ала т1ал хъярла шинан бетакъиб дила къап1ализи бархили ц1уг1я лебли буили саби. ил ц1уг1я гъалли х1улила гъалаб жибжиркабухъи буили саби.

Итх1елира вахъ дебали урк1хъунсири иб Алисултай. Алисултай буруси х1ясибли ил ихтилатла г1ергъи Гебекла иличи х1ял барскабиуб. Анк1ила хинк1и багъла-багълали мухъилайчи шурдухъун анк1ила къац1 х1яжланк1ила мучари бетаур диъ бек1лил агаркабиуб Алисулта калхъуси мер гъарга бетаур.... (Сайг1ид Г1ябдуллаев)

1. Текст саркъахъили белк1еная.
2. Сайг1ид Г1ябдуллаевличила ихтилат барая.
3. Къант1си хабар белк1еная.
4. Цаэсил предложениела синтаксический разбор барая.
5. Ишди дугъбала лексический мяг1на бурая: ц1уг1я, жибжиркабухъи, шайт1ан, мура, т1ал, п1асахъиб, х1ял, ар.
6. «Дила г1ямрулизиб кабикибси анц1букъ» бик1уси темаличила къант1си хабар белк1еная.

§ 50. Дахъал точкаби.

Дахъал точкаби кабалта:

1. Буруси таманх1ебиъни, гъай чердердили диъни чебаахъес дигух1ели. Илкъайда бируси саби, гъайик1усила яра лук1усила урк1и гъузгъалдибиъниличибли, царх1ил ургавхъунх1ели яра хабарагарси анц1букъ биубх1ели.

Масала: Ил вик1улри: «Буркъа дунъя гардарбухъи саби, нушачи игъбарла барх1и чесабиули саби, нушачи игъбарла барх1и чесабиули саби, нушани» Александр гъайэс валкъх1еурли левай, чилирил т1амадариб: «Къазакъуни! Цагъакъли лерилра гъудурдиуб: г1ярчимагла т1ама, къазакъунала вявла...» (Александр)

2. Дахъал точкаби кадалта цацадех1 цитатаби лук1ух1елира, илдачибли чиди-биалра ца бут1а (бех1бихъуд яра ахир) уббатурли биъни аргъахъес багъандан.

Масала: Пушкинни ибсири: «...ва пачалихъла гъят1булначир нушала уми лук1а»

Х1янчи 1. Назму саркъахъили белч1еная. Бурая, сен дахъал точкаби кадартулил.

Бажардих1ериркулра.

Х1улби сурмали дакес
Бажардих1ериркулра,
Аръа биц1ули ах1ен...
Дикъурти хурма диркес
Бажардих1ериркулра,
Рангра кавлули ах1ен...
Бажардих1ериркулра...
Муэрти чедиулра,
Бусравтас ну г1янц1лира...
Бажардих1ериркулра,
Удалтес ванц1ализи –
Ризкъи лямц1дик1ар хъатлар.
Бажардих1ериркулра...
Урунж билъули саби
Сахаватси, умуси.
Бажардих1ериркулра...
Тугъи Сар точкабазир,
Пулук1бирули к1ап1и...
Бажардих1ериркулра...
Кахдешли рурх1ули саб
Урехи – гъирла гъуц1деш...

Бажардих1ериркулра
Аллагълизи гаэсра
(Агу г1ур дурхъал савгъат!)
Х1ябкъяшан анкъи вег1лис...
Бажардих1ериркулра...

Х1янчи 2. Г1яг1ниси мерличи дахъал точкаби кадатирая.

Шуррирхъусра – бях1личиб
Зибкъи – пурхлизиб дях1ц1и,
Убла ганзличил дигай,
Тяп гьаларла , тяп урла –
Тикрарриулра г1урра
Убла чарбухъунсиван,
Гъанбик къараучибван

....

Дугъби – къаркъакаурти
Дигай агарси хъали –
Шала билгъули саби.
Х1ебурибси – гъарац1ли.
Чила – сабил лагъдешли
Ула – дам саб бирхъули,
Кахси дях1ликалайчил
Мярж саб делхъли булхъули
Дигай агарси хъали –
Бац1ли, лут1и агарли,
Лаг тугъра ахирагар,
Буи саб картабачиб. (А.Ш.-Х.)

Тестани

1. Мяг1налашал ва грамматикалашал сари-ургар дархдасунти к1ел яра имц1ати дугъбазибад алк1уси саби:

- А. Предложение.
- Б. Дугъбала цалабик.
- В. Вяв предложение.
- Г. Определение.

2. Дугъбала цалабик чум бут1аличи бурт1уси?

- А. К1ел.
- Б. Шел.
- В. Х1ябал.
- Г. Верх1ел.

3. Бек1 девлара чебедиб девлара ургабси грамматикалашалси бархбас мяг1налашалсицун биъни селичибли кабизахъес вираара?

- А. Падежла ахиртани.
- Б. Бях1ла суффиксунани.
- В. Жинсла г1яламатунани ва цалихълара дахълихълара суффиксунани.

4. Бек1 девлара чебедиб девлара ургабси бархбас мяг1налашалсицун биъни селичибли кабизахъес вираара?

- А. Бек1 девличибад чебедиб девличи суал кабатес вирниличибли.
- Б. Падеж х1ясибли.
- В. Къадарлизиб балбикниличибли.
- Г. Дек1ар-дек1арти гъайла бут1нали диъниличибли.

5. Дугъби-ургабси бархбас грамматикалашалси биалли, бек1 девлизиб бетаруси бархбас чебиахъули,

- А. Чебедиб девлизибра илгъуна барсдеш алк1ан.
- Б. Сегъуналра барсдеш ах1елк1ан.
- В. Чебедиб дев барсх1ебирар.
- Г. Падеж барсбирар.

6. Дугъбала цалабик дек1арбарес.

- А. Ахъси ва г1яшси.
- Б. Яни.
- В. Жумяг1 хъули чаррухъун.
- Г. Жагаси х1ева.

7. Грамматикалашалси бархбас лебси дугъбала цалабик баргес.

- А. Ахъли гъайик1ес.
- Б. Дуц1арти дуц1рум.
- В. Дуц1ли бак1ес.
- Г. Даг чарухъес.

8. Мяг1налашалси бархбас лебси дугъбала цалабик дек1арбарес.

- А. Узуси адам.
- Б. Бишт1аси мукъара.
- В. Белкъунси гаймуш.
- Г. Къалабали вак1ес.

Предложение.

1. Ца яра чумал девлизибад цалабикили, сунени таманси пикри иргъахъуси?

- А. Дев.
- Б. Предложение.
- В. Дугъбала цалабик.

2. Дурх1ни хъули чарбухъун. Се саби?

- А. Дев.
- Б. Дугъбала цалабик.
- В. Предложение.

3. Иргъахъуси мяг1на х1ясибли предложениеби сегъуна журала дирара?

- А. Хабарла, суалла, амрула, вявла.
- Б. Хабарла, суалла, дигнила, вявла.
- В. Хабарла, суалла, мурадла, дигнила.

Г. Хабарла, суалла, амрула, дигнила.

4. Сек1айчила яра баркъудиличила се-биалра (баян, хабар) буруси предложениелис сегъуна предложение или бик1ара?

А. Хабарла.

Б. Суалла.

В. Амрула.

Г. Дигнила.

5. Х1у вархъли лук1ен. Предложениела Жура.

А. Хабарла.

Б. Суалла.

В. Амрула.

Г. Дигнила.

6. Сегъуна - биалра анц1букъ, баркъуди биубли дигни чебиахъуси предложениелис сегъуна предложение или бик1ара?

А. Хабарла.

Б. Суалла.

В. Амрула.

Г. Дигнила.

7. Се бух1набуцили бирара суал предложениели?

А. Тилади.

Б. Бусрав.

В. Хъарбаркъ.

Г. Суал.

8. Х1ед чи бик1ара... Иш предложениела ахирлизи сегъуна ишара кабалтуси?

А.Точка (.)

Б. Вявла ишара (!)

В. Суалла ишара (?)

Г. Х1ябал точка (...)

9. Адам сегъуна х1яйчив саял, ил разилил, г1ясилил, хумарлил, марайлил, гъалаквaк1илил яра сели-биалра х1яйранварилил иргъахъуси предложениелис се бик1ара?

А. Хабар.

Б. Вяв.

В. Амру.

Г. Суал.

10. Вявлв предложениела ахирличи се кабалта?

А. Вявла ишара (!)

Б. Суалла ишара (?)

В. Точка (.)

Г. Х1ябал точка (...)

Предложениела членти.

Предложениела бек1 членти.

1. Дарган мезлизир предложениела чум член лера?

А. Верх1ел.

Б. Шел.

В. Авал.

Г. Урегал.

2. Предложениела членти сари:

А. Существительное, числительное, глагол.

Б. Подлежащее, сказуемое, объект.

В. Дев, дугъбала цалабик.

Г. Ахир, аслу, приставка, суффикс, х1ячи.

3. Предложениела членти чула даража х1ясибли чум кьукъяличи дурт1ути?

А. К1ел.

Б. Х1ябал.

В. Шел.

Г. Урегал.

4. Се сари подлежащее, сказуемое, объект?

- А. Предложениела бек1 членти.
- Б. Предложениела к1иибил даражала членти.
- В. Гъайла бут1ни.
- Г. Девла бут1ни.

5. Чум сари предложениела к1иибил даражала членти?

- А. К1ел.
- Б. Х1ябал.
- В. Авал.
- Г. Шел.

6. Предложениела к1иибил даражала членти дек1ардарес.

- А. Подлежащее, сказуемое, объект.
- Б. Существительное, прилагательное, числительное.
- В. Определение, дополнение, аги-къяйда.
- Г. Приставка, суффикс, х1ячи.

7. Предложениела бек1 член, суненира баркъуди чизибад яра селизибад кабиркулил, саби сегъуна сабил яра сегъуна х1яйчиб сабил яра сегъуна х1яйчиб сабил чебиахъуси?

- А. Подлежащее.
- Б. Сказуемое.
- В. Объект.

8. Эгер сказуемое чеббурхуси глаголи аргъахъили биалли, подлежащее сегъуна падежлизиб башара?

- А. Уйхъу.
- Б. Актив.
- В. Хас.
- Г. Лугу.

9. Чи? Се? Чили? Сели? Ибти суалтала цалис жаваб лугуси предложениела член?

- А. Определение.

Б. Дополнение.

В. Объект.

Г. Подлежащее.

10. Нешли х1ева бирбуб. Дек1арбарибси дев предложениела чидил член саби?

А. Подлежащее

Б. Сказуемое.

В. Объект.

Г. Аги-къяйда.

Подлежащее.

1. Предложениела бек1 член, суненира баркьуди чизибад яра селизибад кабиркулил, саби сегьуна сабил яра сегьуна х1яйчиб сабил чебиахъуси.

А. Сказуемое.

Б. Подлежащее.

В. Объект.

2. Чи? Се? Чили? Сели? ибти суалтала цалис жаваб лугуси предложениела член?

А. Подлежащее

Б. Объект.

В. Сказуемое.

Г. Дополнение.

3. Сказуемое чеббурхуси глаголи аргъахъили биалли, подлежащее сегьуна падежлизиб бирара?

А. Уйхъу п.

Б. Актив п.

В. Хас п.

Г. Лугу п.

4. Сказуемое чебх1ебурхуси глаголи аргъахъили биалли, подлежащее сегъуна падежлизиб бирара?

- А. Актив п.
- Б. Лугу п.
- В. Хас п.
- Г. Уйхъу п.

5. Имц1аливан чидил гъайла бут1али аргъахъили бирара подлежащее?

- А. Числительноели ва прилагательноели.
- Б. Глаголи ва числительноели.
- В. Местоимениели ва прилагательноели.
- Г. Существительное ва местоимениели.

6. Актив падежлизиб бак1ибси подлежащеела бег1 предложение дек1арбарес.

- А. Нуриятли дарс ункъли багъур.
- Б. Маза г1яйдик1улри.
- В. Ц1яббиуб.
- Г. Авлахъла арцанти шип1дярг1илри.

7. Подлежащее дек1арбируси ишара.

- А. _____
- Б. _____
- В. _____
- Г. _____

8. Иш предложениелизиб уббатурси дев: вац1ализирад дуг1ла хъярби хиб.

- А. Дудеш.
- Б. Дудешличила.
- В. Дудешличир.
- Г. Дудешли.

9. Местоимениели аргъахъибси подлежащееела бег1 предложение дек1арбарес.

- А. Узила баркъудиличи ну дебали разилира.
- Б. Илдала гъай дуг1ла сари.
- В. Адамти дях1ц1илиу кабиилри.
- Г. Чус нушала авара аги.

10. Схемачи балбикибси предложение:

- А. Бец1ли маза буциб.
- Б. Гъавализиб гяг1 гъанарулри.
- В. Дурх1ни разили дуц1бик1улри.
- Г. Жагаси рурси рамкъурлири.

Сказуемое.

1. Предложениела бек1 член, суненира подлещеелизибад кабиркуси баркъуди, иличибси х1ял яра илала лишан чебиахъуси.

- А. Подлежащее
- Б. Сказуемое.
- В. Объект.

2. Сек1ай се бирули? Сек1ал се х1яйчиб саби? Ил се саби? ибти суалтала цалис жаваб лугуси предложениела член.

- А. Подлежащее
- Б. Объект.
- В. Сказуемое.
- Г. Дополнение.

3. Имц1аливан чидил гъайла бут1али аргъахъили бирара сказуемое?

- А. Глаголи.
- Б. Существительноели.
- В. Прилагательноели.
- Г. Числительноели.

4. Царка сказуемоела бег1 предложение баргес.

А. Къистамай далай белч1ун.

Б. Гурда бебшили саби.

В. Дила рузи тухтур сари.

Г. Ибрагъим духуси сай.

5. Предложениелизиб биэс г1яг1ниси дев: Паризат руч1ули

А. Сай.

Б. Саю.

В. Саби.

Г. Сари.

6. К1унт1рала мерличи балбиркуси подлежащее кабатес. кьар дергун.

А. Мукъара.

Б. Мукъарли.

В. Мукъарла.

Г. Мукъарлис.

7. Ишди предложениебазибад бархъси дек1арбарес.

А. Ученикла дарс белч1ес.

Б. Ученикли дарс белч1ес.

В. Ученикли дарс белч1ун.

Г. Учениклис дарс белч1ес.

8. Цалабяхъ сказуемоела бег1 предложение дек1арбарес.

А. Иш дила узи сай.

Б. Гурда дубурличибях1 бебшиб.

В. Рурси карикиб.

Г. Дуц1рум дак1иб.

9. Сказуемое дек1арбируси ишара.

А. _____

Б. _____

В. -----

Г. -----

**10. Иш предложениеличи балбикибси схема: ГПямарли гПинцби
далицун.**

А. -----

Б. -----

В. -----

Г. -----

Объект.

**1. Предложениела бек1 член, суненира баркъуди чичи яра селичи
чеббурхулил чебиахъуси.**

А. Подлежащее

Б. Сказуемое.

В. Объект.

2. Чидил падежлизиб башара объект?

А. Актив п.

Б. Хас п.

В. Лугу п.

Г. Уйхъу п.

3. Объект сказуемоеличил селизибад балбиркура?

А. Падежлизиб.

Б. Жинслизиб ва къадарлизиб.

В. Жинслизибцун.

Г. Къадарлизибцун.

4. Подлежащееличилси объектла бархбас селизиб бирара?

А. Къадарлизиб.

Б. Мягнализиб.

В. Жинслизиб.

Г. Падежлизиб.

5. Обект сунезиб лебси предлоожениела подлежащее сегъуна падежлизиб башара?

А. Актив п.

Б. Уйхъу п.

В. Лугу п.

Г. Хас п.

6. Обектли сегъунти суалтала цалис жаваб луга?

А. Чили? Сели?

Б. Чила? Села?

В. Чи? Се?

Г. Чис? Селис?

7. Обект декларбириси ишара.

А. _____

Б. _____

В. _____

Г. _____

8. Обектла бег1 предложение декларбарес.

А. Аминат чаррухъун.

Б. Патиматли дарс белч1ун.

В. Дях1и бац1иб.

Г. Яни.

9. Схемачи балбикибси предложение декларбарес:

А. Х1еб дак1иб.

Б. Жагаси рурси рак1иб.

В. Авлахъ.

Г. Бец1ли мукъара буциб.

10. Предложениеличи балбикибси схема: Бях1яммадкъадини бялихъ буциб.

А. _____

Б. _____

В. _____

Г. _____

К1иби́л даражала членти.

Определение.

1. Предложениелизиб чиди-биалра член баянбируси ва илала лишан чебилахъуси к1иби́л даражала член.

А. Определение.

Б. Дополнение.

В. Аги-къяйда.

2. Сегъуна? Чиди? Села? Чила? Чумъибил? Сецад? Чинабси? ибти суалтала цалис жаваб лугуси предложениела член.

А. Подлежащее

Б. Сказуемое.

В. Объект.

Г. Определение.

3. Определение ва илини баянбируси дев сари-ургар селизир дархдалсана?

А. Мягналашалцун.

Б. Грамматикалашалцун.

В. Мягналашал ва грамматикалашал.

4. Определение лебси предложение дек1арбарес.

А. Дам-дяд демжурли.

Б. Дурх1ни жагали булхъулри.

В. Галгалиуб ялчнани бамсриихъулри.

Г. Набчи г1ях1си хабар баиб.

5. Имц1али сегъунти гъайла бут1нани аргъахъили бирара определение?

А. Глаголи.

Б. Сушествителноели ва местоимениели.

В. Прилагателноели ва причастиели.

Г. Числителноели.

6. Определение декларбируси ишара.

А. _____

Б. _____

В. _____

Г. _____

7. Схемачи балбикибси предложение декларбарес:

А. Унрани мурити глинцби гиб.

Б. Урши хъуливад къалабали дуравхъун.

В. Даг забли ургъи.

Г. Нушаб илала гъай гляхлхлхедизур.

8. Клунтрала мерличи глягниси дев (определение) кабатес.

Паризатлис хлева асиб.

А. Хъярхъси.

Б. Жагаси.

В. Авлахъ.

Г. Вацализиб.

9. Гъалакси определениели сегъуна суайс жаваб лугуси?

А. Сегъуна?

Б. Села?

В. Чиди?

Г. Сецад?

10. Чидил предложениелизиб иш определение (зурба) гляхлил балбиркура.

А. хъучир хлянчи демжурлири.

Б. урхъула мякъла нуша кадиилра.

В. Илини имиала баткаиб.

Г. Вац1ала дайлаб галга т1ашлири.

Дополнение.

1. Ург1ерти падежунала суалтас жаваб лугуси предложениела член.

А. Подлежащее.

Б. Сказуемое.

В. Определение.

Г. Дополнение.

**2. Сегъунти гъайла бут1нани имц1али аргъахъили бира
дополнение?**

А. Существительноели ва местоимениели.

Б. Глаголи ва причастиели.

В. Числительноели ва глаголли.

Г. Прилагательноели ва глаголли.

3. Дополнение дек1арбируси ишара.

А. _____

Б. _____

В. _____

Г. _____

**4. Предложениелизиб уббатурси дев (дополнение): *Дудешли
дахъал гъай х1едариб.***

А. Ну.

Б. Набчил.

В. Нуни.

Г. Набчибли.

**5. «Маркали миц1ираглис зарнал х1ебариб» предложениезибси
дополнение.**

А. Маркали.

Б. Миц1ираглис.

В. Зарал.

Г. Х1ебариб.

6. Иш предложениеличи балбикибси схема: *Ну Х1яжичил ихтилатик1улри*

А. _____

Б. _____

В. _____

Г. _____

7. К1унт1рала мерличиб г1яг1ниси дев (дополнение). *Галга бяхъиб.*

А. К1алис.

Б. К1а.

В. К1ала.

Г. К1али.

8. Схемачи балбикибси предложение:

А. Наб дурсри анц1дукъи сари.

Б. Жагати гъайли кани х1елукъахъу.

В. Х1ела жагати гъайли ну х1ййранварира.

Г. Къалабаси х1ерк1 урхънази ках1ебиур.

9. Дополнение лебси предложение.

А. Шурлиуб г1яра бусулри.

Б. Дила гъай агара.

В. Бухъна унц кабикиб.

Г. Хъярхъси варачан къадакад кабухъири.

10. «*Х1гчила пикрумани неш дуги русх1еахъун*» предложениелизибси дополнениели сегъуна суайс жаваб луга?

А. Чи?

Б. Чис?

В. Чичила?

Г. Чила?

Аги-къяйда.

1. Баркъуди сегъунти аги-къяйдализиб, мурт ва чинаб кабиркулил чебилахъуси предложениела член.

- А. Дополнение.
- Б. Подлежащее.
- В. Объект.
- Г. Аги-къяйда.

2. Мурт? Чина? Чинад? Сен-сен? Секъяйда? Се сабабли? Се мурадли? ибти суалтала цалис жаваб лугуси предложениела член.

- А. Определение.
- Б. Дополнение.
- В. Аги-къяйда.
- Г. Сказуемое.

3. Аги-къяйда декларбируси ишара.

- А.-
- Б. „-----“
- В.÷
- Г. =====

4. Сегъунти гъайла бутлнани аргъахъили бирара аги-къяйда?

- А. Наречиебали ва урглерти падежуназирти существительноебани.
- Б. Глаголтани.
- В. Прилагательноебани.
- Г. Существительноебани ва глаголтани.

5. Наречиели аргъахъибси аги-къяйда бег1 предложение?

- А. Жагъси галга цледешли берхъилри.
- Б. Халкъ гъузгъалдибиуб.
- В. Нуни адамдешличила гъай хлергъира.
- Г. Глехли къалабали арбякъун.

6. Предложениеличи балбикибси схема: Шантани г1ях1ли разили гьуниббатур.

А. _____

Б. _____

В. _____

Г. _____

7. К1унт1рала мерличиб бизс г1яг1ниси дев (аги-къяйда). Нушала унрачарухъун.

А. Хъярхъси.

Б. Гъарахъли.

В. Арх1ячилирад.

Г. Ахъли.

8. Бархъси предложение дек1арбарес.

А. Ну багълали дубурличи ац1ира.

Б. Ну багъласи дубурличи ац1ира.

В. Ну багъласигъуна дубурличи ац1ира.

Г. Ну багъласицад дубурличи ац1ира.

9. Мер чебирахъуси аги-къяйда.

А. Разили.

Б. Жяг1ял.

В. Малх1ямли.

Г. Иха.

10. «Даг заг1ипсила ц1ум аги» предложениелизибси аги-къяйдаличи балбиркуси суал.

А. Секъяйда?

Б. Чинаб?

В. Мурт?

Г. Се мурадли?

Т1инт1и ва т1инт1ти ах1енти предложениеби.

1. К1иибил даражала члентани бут1акьяндеш дирни-х1едирни х1ясибли, предложениеби диэс дирар.

- А. К1ел журала.
- Б. Х1ябал журала.
- В. Авал журала.
- Г. Шел журала.

2. Сунезир ч1янк1ли бек1 члентицун лерси предложениелис ...бик1ар.

- А. Т1инт1си предложение.
- Б. Т1инт1си ах1енси предложение.
- В. Ца журала члентар предложение.
- Г. Гъарси гъайличилси предложение.

3. Бек1 члентала дурарад, сунезир к1иибил даражала члентира лерси предложениелисбик1ар.

- А. Ца журала члентар предложение.
- Б. Гъарси гъайличилси предложение.
- В. Т1инт1си ах1енси предложение.
- Г. Т1инт1си предложение.

4. «Батирайли далай» предложениелизиб уббатурси дев. (предложениела член)

- А. Подлежащее.
- Б. Сказуемое.
- В. Объект.
- Г. Определение.

5. «Бег1ти хъули кабиилри» предложение сегъунти члентазибад цалабикили?

- А. Подлежащее, аги-къяйда, сказуемое.
- Б. Подлежащее, объект, сказуемое.
- В. Определение, подлежащее, сказуемое..

Г. Аги-къяйда, подлежащее, сказуемое.

6. Т1инт1си ах1енси предложение дек1арбарес.

- А. Гъайбатси далай зайбухъун.
- Б. Нуша ахъси дубурличи адац1ира.
- В. Унрани салам гиб.
- Г. Гъалакси адам шалг1евхъун.

7. Т1инт1си предложение дек1арбарес.

- А. Ц1яббиуб.
- Б. Хъулри шаладиуб.
- В. Нух1ли жагати делхъ дариб.
- Г. Къянали нуси бергун.

8. «Урхъуличиб гамии чебиулра» предложениела схема.

- А. _____
- Б. _____
- В. _____
- Г. _____

9. Иш схемаличи балбикси предложение.

_____.

- А. Бец1ли ахъли авъиб.
- Б. Шиниша къарла жагадеш.
- В. Мурхъси къадалаб ц1яблири.
- Г. Нушаб дургъби г1яг1нили ах1ен.

10. Иш предложениелизиб г1яг1ниси дев: *Шилизиб мекъ*

- А. Ахълири.
- Б. Бемжурлири.
- В. Бак1иб.
- Г. Балбикес.

Ца журала члентар предложениеби.

1. Чуни ца суайс жаваб лугути ва сари ца девличи хъарахъибти предложениела члентас ...бик1ар.

- А. Дугъабиз.
- Б. Гъарси гъай.
- В. Ца журала членти.
- Г. Т1инт1ти членти.

2. Предложениелизир ца журала членти дек1ардиру.

- А. Запятаяличил.
- Б. Тиребачил.
- В. Точкабачил.
- Г. Кавычкабачил.

3. –ра, я(яра)- личил сари-ургар дархдасунти ца журала членти чум диалли, илди-урга запятая кабалта?

- А. Ца.
- Б. К1ел,
- В. К1иличир имц1а.

4. Ца журала члентас цаван кумхаси лишан чебиахъуси дев.

- А. Дугъабиз.
- Б. Дурчу мяг1нала (обобщающий) дев.
- В. Гъарси гъай.
- Г. Диалог.

5. «Ну, Эльдар, Къади, Булат ва Мурад жаг1ял шагъарлизи аркъутира» предложениелизир ца журала членти сари....

- А. Подлежащееби.
- Б. Сказуемоеби.
- В. Объектуни.
- Г. Определениеби.

6. «Унрубани чула анхълизир г1инцби, хъярби, бяг1ли далицун» предложениелизир ца журала членти сари....

- А. Аги-къяйдаби.
- Б. Сказуемое.
- В. Объект.

Г. Определение.

7. «Мекъличибти адамти булхъулри, далайбик1улри ва хъатбик1улри» предложениелизир ца журала членти сари.....

А. Подлежащееби.

Б. Сказуемоеби.

В. Дополнениеби.

Г. Аги-къяйдаби.

8. «Нушала шилизир чедаэс вирар жура-журала ...: чякни, лагъни, къяниби, ч1акни» предложениелизир биэс г1яг1ниси обобщающий дев.

А. Хъа х1яйванти.

Б. Жаниварти.

В. Хъусдашанти.

Г. Арцанти.

9. «Вац1ализир имц1али къаршидиркути жаниварти сари:» предложениелизир (к1унт1рала мерличир) диэс г1яг1нити ца журала членти.

А. Г1яра, гурда, бец1, синка.

Б. Маза, къача, къял, унц.

В. Гаймуш, валри, пил.

Г. Ч1ака, г1ярг1я, к1урк1ур, къаз.

10. «Даргала шимми сари:» предложениелизир (к1унт1рала мерличир) диэс г1яг1нити ца журала членти.

А. Мях1ячкъала, Дербент, Избербаш.

Б. Баку, Тбилиси, Назрань.

В. Геджух, Аксай, Ахты, Кумух.

Г. Ахъуша, Лаваша, Мажалис, Сергъокъала, Уркарахъ.

Дугъабиз.

1. Адам чичи яра селичи дугъаилзулил чебиахъуси девлис ...бик1ар.

А. Гъарси гъай.

Б. Диалог.

В. Дугъабиз.

Г. Ца журала член.

2. Дугъабиз предложениела члени биэс бирару?

А. Бирар.

Б. Х1ебирар.

В. Рах-рахли.

3. Предложениелизиб дугъабиз дек1арбируси ишара саби...

А.Точка.

Б. Запятая.

В. Тире.

Г. К1ел точка.

4. Дугъабиз лебси предложение.

А. Ваши дила узи ишаб г1ях1деш агара.

Б. Илди хъули бебшиб.

В. Башир дурсрачи х1ек1иб.

Г. Дагъистай сунела уршби хъумх1ерту.

5. «..., х1уни наб г1ях1си багъуди гири» к1унт1рала мерличиб биэс г1яг1ниси дев (дугъабиз).

А. Анвар.

Б. Узи.

В. Учитель.

Г. Х1улаймат.

6. Предложениелизиб дугъабиз барга «Х1уни бурибсиличи чилра вирхх1еирар унра»

А. Х1уни.

Б. Чилра.

В. Бурибсиличи.

Г. Унра.

7. «Дила къаркъубар Дарга къаркъубигъунти уршбар» предложениелизибси дугъабиз чум девлизибад цалабикибси?

А. Ца.

Б. К1ел.

В. Х1ябал.

Г. Авал.

8. Предложениелизиб дугъабиз башуси мер.

А. Бех1бихъудлизиб.

Б. Ахирлизиб.

В. Ургаб.

Г. Белгиси мер лебси ах1ен.

9. «Эй абдал Ц1ерц1ла мукеки чинаб чебаири?» Ишаб дугъабиз сегъунти ишарабачил дек1арбарили?

А. Запятабачил.

Б. Запятабачил ва ваяла ишараличил.

В. Суалла ишараличил.

Г. Кавычкабачил.

10. «Къанни чаррухъунригу,» к1унт1рала мерличиб биэс г1яг1ниси дев (дугъабиз).

А. Издаг.

Б. Ражаб.

В. Бец1.

Г. Г1иса.

Царка ва учидяхъ предложениеби.

Гъарси гъай. Диалог.

1. Ца хъулчиличи белшунси ва таманси ца пикри иргъахъуси предложениелисбик1ар.

А. Дугъабиз.

Б. Царка предложение.

В. Диалог.

Г. Учибяхъ предложение.

2. К1ел яра имц1ати царка предложениебазибад бетаурси предложениелисбик1ар:

- А. Гьарси гъай.
- Б. Царка предложение.
- В. Учибяхъ предложение.
- Г. Дугъабиз.

3. Учибяхъ предложениелизирти царка предлоожениеби цализирад ца имц1али сегъуна ишараличил дек1ардирути?

- А. Точкаличил.
- Б. Запятаяличил.
- В. Точкара запятаяличилра.
- Г. Тиреличил.

4. Чузиб селра барсх1ебарили, дархъли дурибти чила-биалра гъайлис ...бик1ар.

- А. Гьарси гъай.
- Б. Дугъабиз.
- В. Диалог.
- Г. Авторла гъай.

5. «Дудеш чарухъун», - иб Булатли. Иш предложениеличи балбиркусн схема:

- А. А: «Гъ».
- Б. А: «Гъ?».
- В. «Гъ?» - а.
- Г. «Гъ», - а.

6. Гьарси гъай белк1лизиб халаси х1ярпличил бех1бирхуси саби ва бурцуси саби.

- А. Кавычкабази.
- Б. Скобкабази.
- В. Точкабази.
- Г. Вявла ишарабази.

7. Эгер гъарси гъай авторла гъайлис г1ергъи бак1или биалли, илис гъала ...кадалта.

А. К1ел к1ант1.

Б. Запятаяби.

В. Скобкаби.

Г. Тире.

8. Эгер гъарси гъай авторла гъайлис гъалаб бак1или биалли, илила ахирличи г1яг1ниси ишара ва ...кадалтуси саби.

А. Запятая.

Б. Точка.

В. Тире.

Г. Точкара запятаяра.

9. К1ел яра чумал адамла ургабси ихтилатлис ...бик1ар.

А. Дугъабиз.

Б. Гъарси гъай.

В. Царка предложение.

Г. Диалог.

10. Диалоглизир гъарилла гъай сагаси къяйличирад дех1дихъили лук1ути сари, гъала ...кабалтуси саби.

А. Запятаяби.

Б. Тире.

В. Кавычкаби.

Г. Скобкаби.

Автор – составитель: к.ф.н., доцент М.Р.Бях1яммадов (Дарган мезла царка предложение руркънила методика бик1уси жузлизибад)

